

PROBLEMES

SVR LA NATURE, 34

PRESERVATION, ET
CVRE DE LA MALADIE
PESTILENTIELLE.

PAR

NICOLAS HABICO.



A PARIS,

Chez JEAN HOVZE', en sa boutique
au Palais, en la gallerie des prisonniers,
en allant à la Chancellerie.

M. DCVII.

Avec Privilège du Roy.



A MONSIEUR DV
LAVRENS SEIGNEVR DE
FERRIERE, CONSEILLER DV
Roy, & premier Medecin de sa
Majesté.



MONSIEVR,

Ceux qui anciennement
vouloient faire don de
quelque heritage à leurs
Dieux tutelaires, auoient de coustume d'en
enleuer vn gazon, le porter sur leur autel,
& l'offrir avec autant de deuotion qu'ils
estimoient que ce present de partie pour le
tout, leur seroit agreable. Aussi vous ayant
dés long temps voüé mon œuure entier de
l'art Chirurgique, comme à l'Hercule chaf-

EPISTRE.

*Je-mal & Archiatre souuerain de nostre
 compagnie: ne pouuant pour l'heure à cau-
 se de mes vrgentes occupations, satisfaire
 pour le tout à mon iuste desir, ie vous offre
 cet eschantillon de Problemes, que i'en ay
 extraict sur l'occurrence de la Peste aduenüe
 en ceste ville y a quatre ou cinq mois: afin
 que le don de ceste partie vous tienne lieu
 de gage pour tout le reste, & que sur le iuge-
 ment qu'il vous plaira faire de la fleur, i'aye
 plus de courage d'en produire le fruiet à sa
 maturité. Non que ie me cognoisse si peu
 moy-mesme, ou que ie porte si peu de respect
 à vos merites, que ie ne scache assez la grã-
 de disproportion qui est entre celuy qui don-
 ne & celuy qui recoit: ou pour mieux dire,
 que de vous presenter tels escripts, c'est se-
 lon le vieil Prouerbe, enuoyer des Cheues-
 ches en la ville d'Athenes. Mais quoy?
 si les Dieux n'attendoient de nous que des
 victimes dignes de leur grandeur, leurs tem-
 ples seroient fermez, leurs sacrifices cesse-*

EPISTRE.

roient, & nostre encens deuiendroit inutile:
 Veu qu'au contraire comme sous la crean-
 ce que nous auons qu'ils regardent plus au
 cœur qu'à la valeur, les gens de bien ne lais-
 sent de leur rendre le deuoir de pieté, auquel
 ils sont tenus. Ainsi ay-je pensé que rece-
 uant de vous pareille courtoisie, ce me seroit
 vn aiguillon pour courir desormais plus
 alaigrement par ceste carriere Pythique.
 Et si poussé du vent de vostre faueur i'y
 puis meriter quelque couronne, de la ietter
 à vos pieds avec autant d'affection, que ie
 souhaite demeurer à iamais,

Vostre tres-humble seruiteur,

HABICOT.

IN PROBLEMAT A N.
HABICOTI, DE PESTIS
ortu, & Antidotois.

HÆc sunt Pharmaca Pestilentis auræ,
Queis si cautior HABICOTE quisquã,
Per te muniat imbecille pectus:
Nec posthac metuet nocens venenum:
Nec Machaona, sed suos iuuantem
Supra sydera tollet HABICOTVM.

S. R. M.

A MONSIEVR HABICOT.

Ainsi que Promethé d'une adresse subtile
Ravit de Iuppiter le feu celestiel,
Pour de l'homme animer le corps materiel,
Qu'il auoit façonné d'une dextre gentille:
Ainsi, mon HABICOT, tes Problemes tracez
Sur la contagion des quatre mois passez,
Ont tiré de Minerve & la grace & le stille.

M. I. PETIT, D. Medecin.

A L'AVTHEVR.

A Insi que Merion fit present à Achille
De l'oyseau qu'il tira de cet arbre Gregeois,
Ainsi, mon H A B I C O T, ie voy à ceste fois
Que tu donne vn Phenix à vn second Achille.

Y. B R V N E T, Chirurgien du
Roy, & M. B. Ch. à Paris.

A LVY-MESME.

D Es aussi tost que la boiste funeste
Nous éuenta ce qu'elle contenoit,
Dés aussi tost en maint & maint endroit
On vid couler la veneneuse Peste:
Mais H A B I C O T prodigue de son art
Si librement ses remedes depart,
Qu'elle ne peut plus nous estre moleste.

M. A. R E G N A V L T, Chirurgien
du Roy.

PROSOPOPEE.

Comm'on void le marchand ne mettre à l'esta-
lage,
Ce qu'il a de plus beau, ains le tenir fermé:
De mesme celuy-là qui m'a ainsi formé
En a d'autres que moy, qu'il prise d'avantage,
Qui faict que ie ne puis me dire eschantillon,
Mais bien petitement le simple postillon
De ce qu'il veut bien tost vous donner en partage.





AV LECTEUR.



MY Lecteur, vn Romain blasmoit ceux qui aimoient mieux faire quelque chose de mal que de ne rien faire du tout. Et moy au contraire, ayant plus cher d'employer si peu de temps qui me reste de mon exercice ordinaire en quelque estude honneste, que de me laisser abbattre d'oisivete : apres avoir mis fin a vn plus gros labeur, & en commecé y a plus de quatorze ans : j'ay voulu pour reprendre haleine, & neantmoins ne me relascher du tout, tracer par forme de passetemps ces petits Problemes, que la Peste survenue depuis n'agueres en ceste ville, & la gentil-

Au Lecteur.

lesse des esprits curieux de sçauoir les causes & remedes de ce mal, auroit tiré de mes mains, autant à leur contentement, comme ie desire que ce soit à ton vtilité. Reconnoissant ingenuëment auoir receu grande lumiere en la conduite de cet ouurage, par le phare de ces astres lumineux, dont nostre Eschole de Medecine admire autant l'Orient comme elle n'en peut voir l'Occident qu'avec regret extreme. Te suppliant que si tu y trouues quelque chose qui soit à l'humeur de ton goust, tu le cherisse aussi volontiers, que tu excuseras les defauts qui s'y pourroient rencontrer, afin que ceste compensation te rende plus satisfait, & moy plus prompt à faire deormais pareilles ou plus haultes entreprises.

A DIEU.



EPITOME DES PROBLEMES
CONTENVS EN CE LIVRE. IX

- PROB. I. **R**eut-on definir la Peste? pag. 1
II. Y a-il diuerses especes de Peste? 27
III. La Peste qui regne ceste annee procede-elle de l'air? II
IIII. La Peste peut-elle prouenir originellement de l'artifice des hommes? 17
V. La Peste des bestes se peut-elle communiquer aux hommes? IIIV 21
VI. Y a-il des hommes plus subiets à la Peste les vns que les autres? IIIIV 25
VII. Peut-on cognoistre la Peste par signes? pag. XII 29
VIII. La prediction est-elle necessaire en la Peste? X 39
IX. La Peste est-elle plus ordinaire & cruelle au Printemps & Esté, qu'en l'Automne & Hyuer? 47
X. Peut-on vser de precaution en la Peste? 52

TABLE

- XI. *Les mauvaises odeurs sont-elles meilleures pour la preservation de la Peste que les bonnes?* 75
- XII. *En la preservation de la Peste doit-on à desieuner vser plustost des medemens que des aliments?* 80
- XIII. *Les bains & estuues conuiennent-ils en la preservation de la Peste?* 83
- XIIII. *Pour preuenir la Peste faut-il estre plus plein que vuide?* 86
- XV. *Le Chirurgien est-il plus obligé au traitement des pestifereux que le Medecin & Apoticaire?* 90
- XVI. *Doit-on recevoir toutes sortes de Chirurgiens au pansement des pestifereux?* 106
- XVII. *Peut-on curer la Peste par indication?* pag. 110
- XVIII. *Peut-on secourir soy-mesme en la Peste?* 131
- XIX. *Faut-il saigner & purger ceux qui sont frappez de la Peste?* 138
- XX. *La matiere du pourpre, du bubon & du charbon est-elle de mesme nature?* pag. 151
- XXI. *Les bubons Pestilentiels sont-ils toujours en mesme scituation?* 154

DES PROBLEMES.

- XXII. Y a-il plusieurs especes de carboncles
 pag. 166
- XXIII. L'arsenic & la theriaque conuiennent-ils
 pour topiques en la Peste? 175
- XXIII. Le venin pestilent s'adresse-il premier
 au coeur, qu'és autres parties nobles?
 pag. 182
- XXV. Y a-il danger à vn corps mort de Pe-
 ste? 186
- XXVI. Peut-on iuger au vray vn corps estre
 mort de la Peste? 190
- XXVII. Peut-on nettoyer vne maison infectee
 de la Peste? 193
- Conclusion de cet Oeuvre. 195



Extrait du Priuilege du Roy.

PAR grace & Priuilege du Roy il est permis à N I C O L A S H A B I C O T Maistre Barbier Chirurgien en nostre bonne ville de Paris, d'essire & choisir tels Libraires & Imprimeurs que bon luy semblera, pour vendre & imprimer, faire vendre & debiter partous les lieux de ce Royaume tous les Liures qu'il a composez en Chirurgie, c'est à sçauoir, *Vne semaine Anatomique, vne main Chirurgicale, un guide es Consultations, & mesme vn petit liuret intitulé, Problemes sur la nature, preservation & cure de la maladie pestilentielle,* avec deffenses-presses à tous autres Libraires & toutes autres personnes de ce Royaume d'imprimer & faire imprimer lesdits liures ne iceux vendre ny faire vendre durant six années (à commencer du dernier iour qu'ils auront esté en general ou en special imprimez) sans le gré & consentement tant dudit Habicot que desdits Libraires ou Imprimeurs par luy choisis, sur peine de confiscation des liures qui se trouueront imprimez, & à peine de cent escus d'amende, applicable moitié à nous & l'autre moitié audit suppliant, & de tous despens, dommages & interests; Cartel est nostre plaisir, nonobstant quelques lettres à ce contraires. Et outre vent & entend ledit Seigneur qu'au vidimus de ce present Priuilege soy soit adioustee comme à l'original: duquel le premier nostre Huissier ou sergent sur ce requis s'aydera pour faire saisie & deffense à qu'il appartiendra. Donné à Paris le 30. iour de Decembre l'an mil six cens six: & de nostre regne le dixhuiet.

Par le Roy en son Conseil,

BRIGARD.

L Edit Habicot a permis & consenty, permet & consent à Jean Houzé marchand Libraire en l'vniuersité de Paris, d'imprimer ou faire imprimer, vendre & distribuer les Problemes sur la nature, preservation, & cure de la maladie pestilentielle, pour le temps porté par ledit Priuilege, à commencer du iour que ledit liure sera acheué d'imprimer.



PROBLEMES

CONCERNANS LA

NATURE, PRESERVA-
tion, & cure de la maladie
Pestilentielle.

PROB. I.

Peut-on definir la Peste?

AFFIRMATION.



L est tres-certain que
l'on peut definir les cho-
ses desquelles on peut
avoir la cognoissance.
Mais il est ainsi que l'on
peut avoir cognoissan-
ce de la Peste, par ainsi on ne doit douter
qu'elle ne puisse estre definie: La preuue
de ce est tiree de Galien au i. de sa Metho-
de, où il dict n'y avoir rien qui ne vienne

en cognoissance, par l'examé de son nom, & de la chose signifiee par iceluy. Or la cognoissance du nom de la Peste gist en l'Etymologie ou interpretation d'une telle diction. C'est pourquoy les Hebreux l'ayant appellee *Daber* du verbe *Dauer*, qui signifie mort ou perdition: les Grecs *Ly-mos*, du verbe *Limenome*, qui vaut autant à dire que la mesme corruption: & les Latins, mieux à propos *Pestis*, du verbe *peffendo* qui est à dire paistre ou rauager, monstre assez par telles Etymologies que l'on peut auoir cognoissance de la Peste. Quant à l'examé de la chose signifiee par telles Ety-mologies, elle consiste en la diuision & en la definition d'icelle Peste: Ainsi selon la diuision nous voyons que la Peste est distinguee d'auec toutes les autres maladies, & nomément d'entre les contagieuses & veneneuses, en ce qu'elle faict plus mourir de personnes qui n'en eschappe, au contraire des autres. Quant à la definition, les auteurs en ont variablemēt parlé; & neant-moins tous d'accord disent, la Peste estre vne maladie Epidimique, de-uorant plus d'hommes qu'il n'en peut eschapper, au moyen d'une aërienne & ve-

neneuse contagion procedant d'une extraordinaire pourriture, d'où s'ensuit divers & pernicieux accidents, qui montre euidemmēt que l'on peut definir la Peste.

NEGATION.

Selon le Philosophe, la definition est vne oraison briefue, qui explique la nature & essence de la chose definie. Or la nature & essence de la Peste est incognue, d'autant qu'elle est formelle, & que les choses formelles selon Aristote sur la fin du 4. des Metheores, surpassent nostre intelligence. Plus c'est que le nom d'une chose ne l'explique que par ses accidents. Car à vray dire le nom n'est ny de la substance, ny de l'accidēt de la chose nommee, ains est vne piece estrangere & rapportee à icelle sinonimemēt, homonimement ou paranomimement: de sorte que comme la definition se tire propremēt de l'estre de la chose: ainsi la description se prend elle des accidents. C'est pourquoy ce nom de Peste estant ainsi appellé à cause de la ville Peste en Italie, dont les habitans estoient fort sujets à maladies mortelles, pour le voi-

4
 finage du golphe des Seraines : comme
 dict Decomines en sa Cosmographie;
 monstre qu'un tel nom ne nous explique
 la nature & essence de ceste maladie : qui
 faict qu'estant tiré de ses accidens, declare
 assez que la Peste ne peut estre definie.

CONCLUSION.

Toute diction ou mot homonime ou
 equiuoque, c'est à dire qui est commun,
 & appartenant à plusieurs choses, selon
 les Logiciens, doit estre distingué auant
 que d'estre definie. C'est pourquoy en ce-
 ste dispute, premier que l'on determine
 si la Peste peut estre definie, il conuient
 scauoir si elle a diuerses acceptions ou
 non. Pour moy selon les discours pre-
 cedés il me semble que l'on peut colliger
 la Peste estre prise en six façons.

La 1. est qu'elle se prend par metaphore
 pour quelque meschant peuple, ou quel-
 que peruerse compagnie, qu'ordinaire-
 mēt on dict estre vne Peste : ainsi que de-
 duit Nicot en son dictionnaire François &
 Latin.

La 2. est qu'elle peut estre entendue du

nom propre d'une ville d'Italie, appelée Peste, ainsi qu'il a esté recité en la partie négative de l'autorité de Decomines, & parauant luy Titeliue au 1. liure du 3. chap. de la 5. Decade.

La 3. est qu'elle peut estre prise pour bubons ou enfleures és emonctoires, & antrax ou charbons, comme veut de Cauliac au traict. 2. en la doct. 2. au chap. 4.

La 4. se peut prendre aussi pour toute corruption d'air cõtageux, ainsi qu'a dict Galien au liure del'usage de la theriaque à Panphile.

La 5. c'est qu'elle peut estre prise pour verge ou fleau de Dieu, selon les Theologiens, ainsi qu'on peut voir au 5. chapitre d'Ezechiel.

La 6. & derniere acception, est qu'elle est prise & entendue pour mortalité d'hommes, prouenãte de fièvre cõtageuse, causant pourpre, bubons, charbons & autres accidets, ainsi qu'a dict Hipp. au 6. des Epidimies.

Or selon mon iugement c'est de la derniere acception que nous entendons parler en ceste presente dispute: c'est pourquoy quand il a esté dict cy deuant en la

partie affirmatiue Epidimique, deuorant, contagieuse, veneneuse, pourriture, &c. Toutes ces choses ne nous declarent au vray l'essence de ceste maladie, qui agissant par sa forme esblouit nostre intelligence: & là où l'essence d'une chose est incognüe, il est impossible de la declarer par definition, d'autant qu'icelle definition se tire de ladite essence; mais au lieu d'icelle on se sert des accidets qui seruent à en approcher le plus pres qu'il est possible. De maniere que tout ce qui est dict de la Peste iusques à present, & se dira par apres, n'est & ne sera que description & non definition.

Doncques on ne peut definir la Peste.



PROB. II.

Y a-il diuerses especes de Peste?

AFFIRMATION.



ELA n'a iamais esté en doute, chez les auteurs, qu'il n'y ait eu plusieurs especes de Peste, attendu que ceux qui sont vexez de ceste maladie, ne sont tous frappez de pareils accidents. Car il s'en void qui sont faisis d'un profond sommeil, il s'en trouue d'autres qui ont vne veille extreme: l'une se iette sur les hommes, l'autre sur les animaux, autre fois elle occupe vne contree, region ou ville d'icelle: quelque fois l'emyssphere. Parquoy il y a diuerses especes de Peste.

NEGATION.

Ce qui est de mesme nature, ne peut estre variable en espee, il est ainsi que la Peste en soy est de mesme nature, par ainsi il n'y en peut auoir de diuerses especes. Et combien qu'elle soit plus ou moins contagieuse, si est-ce que cela ne la specialise:

Car toutes les causes efficientes essentiellement pestiferées sont generatiues du venim pestilant, & par ainsi diuerses causes produisent mesmes effects pestilentiels, lesquels effects pour cela n'empruntent le nom de leurs causes, ains du rauage qu'ils font, qui est tousiours attribué à la Peste, n'apportant en soy difference que de plus & de moins, qui en bonne Philosophie ne change point l'espece: de sorte qu'il ne se peut dire y auoir diuerses especes de Peste.

CONCLUSION.

Cela est reciproque, que comme diuerses causes peuuent produire vn seul effect, qu'aussi diuers effects peuuent estre produits d'vne seule cause. Car pour exemple, nous voyons la Peste prouenir d'vne infinité de causes, comme il sera dict aux Problemes suyuant. Et aussi que diuerses especes de Peste peuuent venir d'vne seule cause. C'est pourquoy les Antiens ont fait plusieurs differēces de Peste, en ce que l'vne est propre, & l'autre cōmune. La differēce propre est que l'vne est spiritueuse, humoralle & hectique, à cause du venim pe-

filant qui s'attache aux esprits, humeurs, parties solides du cœur.

La difference accidentale est celle qui se tire du temps, des régions, & de son estre. Du tēps, il faut considerer la duree du mal, en la Prouince ou Cité, ou en celuy qui est frappé. Selon la Prouince elle est courte, d'un, de deux ou trois mois, comme a dict Iobert: ou d'une ou plusieurs années comme raconte Valere Maxime au 5. ch. du i. liure: Selon celuy qui est frappé, la Peste est briefue d'un ou deux iours, quand elle est spiritueuse ou hēctique: ou de sept, vnze, quatorze & vingt quatre iours si elle est humorale.

Des regions où elle est vniuerselle, comme celle qui régnoit du temps du Pape Clemēt en l'an 1548. ou particuliere, comme celle qui estoit à Paris l'an 1580. dont il mourut plus de 5000. hommes.

De son estre la Peste est simple & composee. Elle est simple quand elle paroist estre avec ses propres accidents. Elle est composee quand elle se trouue avec meslange d'autres maladies, comme avec apoplexie, paralisie, schināce, pleuresie, hydropisie, goutte, verolle, & ladrie. Outre,

ceste maladie est d'une telle nature, qu'elle touche indifferemment toutes sortes d'animaux, comme dict Titeliue Decade 1. du 5. liu. & que quelquefois elle ne touchera que le genre humain, & entre iceluy quelquefois les riches, autre fois les pauvres seulement. Agatharchides dict y en auoir eu vne de telle nature, que ceux qui en estoient vexez, il leur sortoit par le gras des iambes ou des bras de petits serpenteaux qui se nourrissoient de ces parties là, & quand on les cuidoit toucher, promptemēt ils s'entroient au dedans entre les interstiffes des muscles, engendrant des bosses ou apostemes avec douleurs intolérables. Qui faict que l'on peut remarquer autant d'especes de Peste, qu'il y a de varietez de saisons, & de complexions d'hommes, comme a dict Cardan au 2. de son liu. *de subtilitate.*

Doncques il y a diuerses especes de Peste.

P R O B. III.

*La Peste qui regne ceste annee procede-
elle de l'air?*

A F F I R M A T I O N.

LE Galien dict, quel est l'air, tel est nostre corps: aussi est-ille prothee entre les choses non naturelles, c'est à dire de celles qui n'entrent en la cōposition de l'hōme. Or l'air se rend mauuais en diuerses façons: car il est alteré par les astres, la terre, les eaux, & les vents; c'est pourquoy i'estime que la Peste du iourd'huy a ses causes en l'alteratiō de l'air, prouenāt de la corruptiō de la terre & des vents; d'autant que les pluyes de plus de soixante iours continuels, avecques tant de nuāges & exallaisons amenees par les vents du Midy parmy la moyenne region vers nostre Septentrion, ont empesché le Soleil de communiquer sa vertu celeste sur les corps inferieurs, qui les a rendus intemperez en humidité: Puis l'homme attirant l'air, qui de surcroist deuoit resjouir le cœur par son humidité moderee,

estant excessif, appesantit les polmons, mouille la substâce du cœur, & corrompt les esprits. D'où vient que ceux qui ont esté vexez de contagion ceste année disent sentir vne corde qui leur serre le cœur, qui n'est autre chose que la ponderosité des polmons & la paresse du thorax, qui ne pouuât faire large au cœur s'affaissent sur iceluy, à raison de l'air qui les a mouillez & appesantis. Parquoy la cause de la Peste qui regne ceste année 1606. procede de l'air.

NEGATION.

Il n'y a point d'apparence que la Peste qui regne ceste presente année; aye son existence en l'air: ains en vne desreglee maniere de viure, pour auoir mangé par trop de fruiçtages, poix, febues, viandes gastees, froides, & mal assaisonnees, qui a rendu le sang par trop aqueux & non fibreux pour resister à la pourriture. Aussi voyons nous que ceux qui sont frappez de ceste maladie sont tous pauvres gens, ou aspres sur leur bouche: ou bien, cacochimes de longuemain, qui ne se soucient des doctes Medecins pour les disposer à

repugner à ceste extreme & grande pourriture: qui faict voir que la Peste d'aujourd'huy procede d'une desreglee façon de viure, & non point de l'air.

CONCLUSION.

Il est vray qu'il se peut remarquer deux causes generales & principales de la Peste, à sçauoir l'une exterieure, & l'autre interieure. La cause exterieure de rechef est de deux fortes, diuine & naturelle.

La cause diuine de la Peste est celle qui procede directement de Dieu; la cause naturelle est des Planettes & Elemens.

La cause de la Peste est diuine pour deux raisons, l'une pour nous amender de nos fautes, & l'autre pour nous punir du peché commis contre la diuine majesté: comme il se lit de Daud, dont il mourut de la Peste septante mil hommes: Aussi disoyent les Payens en la premiere Decade du 4. liu. de Tite-liue, que la Peste venoit du courroux des Dieux.

La cause de la Peste vient des Planettes quand il y a entr'elles quelques malicieuses rencontres, comme il aduint au temps de

l'Empereur Comode l'an 1450. & de celle de Cauliac d'ot il parle au traicté 2. doct. 2. ch. 5. en l'an 1345. qui fut si extreme qu'elle rauagea toute la terre, & ce au moyen des conionctiōs des trois signes humains, qui furent Iupiter, Mars, & Mercure. Et de celle que nous auons veu en l'an 1579, & 1580. en ceste ville, qui fut notifiée par vne tres-grande & merueilleuse comette.

La cause de la Peste vient des Elements; quand l'air ou la terre sont infectez l'air s'infecte, quand les saisons, les iours sont variables, & ne tiennēt leur naturelle constitution. Qui faict que pour lors les maladies qui regnent tiennent pour la plus part de la Peste: & court deçà, & delà, selon que son guide Æolus la pourmene & conduit: comme fut celle que nous eumes à Paris l'an mil cinqcēs quatre vingts, apportee du Midy par le vent qui soufla trois mois entiers.

La cause de la Peste vient de la terre, quand quelque air reclus par sa violence la faict trembler & fendre: comme il arriua dans Rome en la grande place du marché, dont la Peste dura deux ans dedans la

ville, laquelle fut appaisée par la precipitation que fit Marc Curse dedans vne telle abyfme, ainsi que rapporte François de Belle-Forest au 2. liu. du 2. vol. du premier Tome: ou qu'elle est ouuerte à l'endroit des cloaques ou lieux dedans lesquels estoit referué de longuemain des corps morts, iettez les vns sur les autres. Aussi peut-elle venir apres vne grande bataille, les corps n'ayans esté enterrez, ou bien apres de grandes inondations, comme il arriua à Rome l'an mil cinq cens nonante, apres le delbordemēt du Tibre, qui amena grande quantité de serpens tant vifs que morts, dont suruint vne tres-grande Peste qu'ils appellerent inguinare pour les apostemes qui se faisoient és aynes en ceste maladie.

La cause interieure de la Peste, peut bien s'engendrer de nous sans l'ayde des causes externes. Car comme a dict Hippo. les venins se peuuent bien engendrer en nous, qui doute que par mesme consequence ne s'y puisse engendrer la Peste? il n'en faut point douter, d'autant que le long vsage d'vne malicieuse façon de viure dispose les corps à pourriture: Ainsi

que l'on peut colliger de Galien, en son liure du bon & mauuais suc: & de Cesar en ses commentaires de la guerre Gauloise en parlant de Marseille.

Or il n'y a point d'apparence que la cause de la Peste dont est question procede de la diuinité, d'autant que ce qui est diuin n'espargne grand ny petit, foible ny fort. Encores moins d'apparence qu'elle procede des planettes; pour autant que nos Astrologues n'ont point remarqué és années passées ny en celle-cy, y auoir eu de grandes cōiunctions humaines: Ny aussi qu'elle prouiène de la terre ny des eaux; ains d'un air alteré, par l'absence du Soleil, & presence d'humidité de plus de trois mois, qui a imprimé vne malicieuse qualité, nommément és fruits desquels par leur excessif vsage, ont en des corps cacochimes ou mal disposez causé la mort, & de là en mesme sexe contagion par la corruption de l'air.

*Doncques la Peste qui regne ceste presente
annee procede de l'air.*

PROB. IIII.

La Peste peut-elle prouenir originellement de l'artifice des hommes?

AFFIRMATION.



AVT entendre par artifice, l'industrie que les hommes conçoient à produire quelque effect, soit bon ou mauuais. Or est-il qu'il y a des hommes qui peuuent originellemēt produire la Peste; par ainsi il n'y a que tenir que la Peste ne puisse prouenir de l'artifice des hommes. Que cela ne soit vray, il appert de ce qu'Homere a dict au premier de l'Iliade, que la Peste fut au cāp d'Agamemnon par la priere que fit Chrysés à Iuppiter. Mais si on m'allegue cecy estre vne verité poëtique, ie passeray à l'histoire, là où Philostrate rapporte en la vie d'Apollonius qu'il fit lapider vn certain coquin qui produisoit la Peste en Ephese, pour tesmoignage de quoy après la mort ne se trouua sous le monseau de pierre son corps, ains celuy d'vn grad chien noir, dōt apres cessa

la Peste. Titeliue a escrit en la 1. Decade du huiſtiesme liure, que certaines Dames Romaines donnerent la Peste aux plus grandes familles de Rome, pour l'enuie qu'elles auoiēt de la dépeupler, dont pour ce sujet furent executees plus de septante, cōme assure Viginairre au Commentaire, partant il appert que la Peste peut proceder originellement de l'artifice des hommes.

NEGATION.

Ie ne ſçay s'il peut entrer en l'entendement humain que les hommes par leurs artifices ayent la vertu de donner la Peste à leur espece, voire mesme pour quelque societé qu'ils puissent auoir avec les Demons, ny quelque alliance contractee avecq ses supposts : aussi les Antiens se font-ils fort trompez de l'auoir creu, d'autant que c'est vn fleau que Dieu s'est spécialement reserué pour le chastiment de son peuple. Outre que la Peste n'est point vne mixtion de drogues ny de medicamēts qui se puisse composer par cognoissance de la nature des simples, dont on

pourroit faire vne telle composition. Et combien que tous les exemples cy dessus semblēt estre veritables, aussi bien que celuy qui me fut raconté dernièrement, à sçauoir, n'y auoir gueres qu'à Lyon certains hommes en frottant le marteau des portes donnoient la Peste à ceux de la maison: Si est-ce quand cela seroit, que ie soustiens la Peste ne pouuoir proceder originellement de l'artifice des hommes.

CONCLUSION

C'est vne chose vraye en la Medecine; qu'il y a bien difference entre le poison & la Peste, d'autant que le poison n'est pas Peste, & au contraire la Peste est poison. Car le poison procede (en partie) d'une industrieuse, malicieuse & veneneuse composition que fait & cognoist celuy qui le compose, comme a escrit Paré au 1. chap. du 20. de son liure. Et la Peste procede comme il a esté dict au Probleme precedēt, de certaine, occulte & indicible qualité qui ne se peut cognoistre en son esēce; ainsi qu'il a esté prouué au 1. Probleme. Outre le poison assault seulement celuy

qui est malicieusement attaqué de l'empoisonneur, soit par application extérieure ou prise intérieure, & la Peste n'a distinction de sexes ny discretion de personnes. D'avantage le poison ne saute de celuy qui a esté empoisonné à celuy qui ne l'a pas esté : & la Peste passe de celuy qui est pestiferé à celuy qui n'en est nullement entaché.

Finalemēt, si la Peste se pouuoit donner par l'artifice de telles personnes, le genre humain periroit incontinent, ou bien il faudroit auoir recours au Diable. Ce que nostre Dieu ne veut, pour sa gloire. Iesçay (comme il sera dict incontinent) que quelqu'un peut bien porter avec soy le fomes de la Peste, & la donner à autrui sans en estre luy-mesme vexé, mais cela ne se faict naturellement, ains par accident.

Doncques la Peste ne peut prouenir originellement de l'artifice des hommes.

P R O B. V.

*La Peste des bestes se peut-elle commu-
niquer aux hommes?*

A F F I R M A T I O N.



L semble estre temps perdu de
mettre en ieu ceste questiō: d'au-
tant que tout ce qui peut alterer
l'air en le pourrissant peut offenser l'hōme
pareillement. Mais aucun ne doute que
de la mortalité des animaux de quelque
especē que ce soit, ne s'ensuiue corrup-
tion d'air, lequel estant attiré par l'hom-
me en l'inspiration, altere les esprits, hu-
meurs & parties solides d'iceluy, les cor-
rompt & pourrit: & de faict, Aëce au chap.
95. du 5. liure dict la mortalité des autres
animaux estre significatiō de la Peste aux
hōmes; chose qui ne se scauroit faire sans
l'alteration de l'air inspiré. Finalement
Marcellius Ficinus au 2. ch. de son liure
de la Peste a dict que souuent la peste passe
des porceaux à l'homme, ce que le Poète
semble tesmoigner tout au commence-

cement de l'Iliade, que la Peste qui fut au camp des Grecs commença par les mulets, puis aux chiens, & par apres aux hommes: qui fait voir la Peste des bestes, se pouuoir communiquer aux hommes.

NEGATION.

Il a esté cy deuant conclud au 2. Probleme qu'il y auoit diuerses especes de Peste: que si vne telle maladie se communiquoit des bestes aux hommes, il faudroit qu'il n'y en eust diuerses especes, d'autant qu'elle seroit propre à tout le genre; ce qui n'est. Nous auõs veu es annees precedentes en ceste ville de Paris, la mortalité sur les chats, sans auoir cõmuniqúe leur mort es autres especes. Car aussi voyõs nous la corruption des animaux se ietter particulièrement à ceux de leur nature, cõme la pourriture du cheual aux cheuaux, des bœufs, moutons, & porceaux à la leur, & celle de l'homme, à l'hõme, pour la sympathie qu'il y a entre eux. Or entre l'homme & les bestes, il n'y a aucune conuenance en leur nature: Qui demonstre bien la Peste des bestes ne se pouuoir communiquer aux hommes.

CONCLUSION.

Cela est bien vray que la pourriture de chaque espece d'animal passe plustost en corruption à celle de son espece, mais il ne s'ensuit pour cela qu'elle ne puisse se cōmuniquer à vne autre espece, & quant à ce qui regarde la disproportion qu'il y a entre la nature de l'homme & celle des autres animaux, la contagion qui se fait entre luy & eux ne procede pas de la similitude de leur substance, ny de l'office commun qui est entreux, ains de la proximité du lieu infect: Qui demonstre que l'homme respirant l'air infecté de la mort de tels animaux, par succession en est offensé; & qu'un tel venin se renforcit de celui qui a tué l'homme, qui puis apres se communique par contagion aux autres hommes; symbolisant le plus pres à sa complexion. Car cōtagion, à proprement parler, est vne communication faite d'un corps malade enuers un sain, l'affligeant d'une pareille ou semblable maladie. Or pour ce faire faut noter que trois choses concurrēt, à sçauoir la faculté contagieuse, le sujet où elle s'imprime, & le moyen

qui la conduit. Quant à la faculté ou puissance contagieuse de la Peste, ce n'est autre chose que l'air cõtaminé & alteré, cõme il a esté fort amplement deduit au 3. Probleme. Touchât le sujet de la contagion, faut remarquer qu'il est double, à sçauoir alteré ou sain. Le sujet qui est alteré est, ou le fomes du venin qui se reserve és habillemens, linge, papiers, & autre marchandise: ou l'homme qui est frappé d'une telle contagion. Le sujet sain est celuy qui reçoit vne telle puissance veneneuse par la disposition qu'il y a entre luy qui patit & les deux premiers qui ont puissance d'agir: le moyen qui cõduit vne telle virulence est l'air, qui s'entremettant entre le corps sain, & le malade, se jette & se rend messager de ceste vitieuse qualité. Qui fait que les animaux par leur mort ayans alteré l'air, & iceluy corróp l'homme: puis apres il n'y a que tenir, qu'il ne le communique à son espece.

Doncques la Peste des bestes se peut communiquer aux hommes.

P R O B. VI.

*Y a-il des hommes plus subiets à la Peste
les vns que les autres?*

A F F I R M A T I O N.



TOVT ainsi qu'un fagot ietté au feu, on void du bois qui est plus-tost embrazé l'un que l'autre, ainsi des hommes qui demeurent en air infect, y en a-il qui s'ont beaucoup plus aysez à prendre mal les vns que les autres. Et de fait ceux qui sont bien sains, & les plus verveux sont ceux qui y resistent d'avantage. Mais ceux qui nagent entre les deux, c'est à dire qui sont plethoriques ou les veines trop pleines de sang, ou cacochymes. i. remplis d'une trop grande multitude de mauvaises humeurs, sont incontinent surpris de ceste maladie, qui donne à cognoistre qu'il y a des hommes plus subiets à la Peste les vns que les autres.

N E G A T I O N.

Il semble y avoir peu de raison, de dire

qu'il y a des hommes plus subiets à la Peste les vns que les autres, d'autant que tous les hommes sont subiects à receuoir ceste venenosité. Et de faict nous voyōs qu'aux sains elle se iette aux esprits, aux maleficiēz aux humeurs, & à ceux qui sont de moyēne nature sur les parties solides: qui demonstre bien qu'il n'y a point d'hommes plus subiets à la Peste les vns que les autres.

CONCLUSION.

Galien a tresbien dict en sa methode quād il a proferé, n'y auoir aucune cause, pour si grāde efficace qu'elle ait, qui puisse rien faire sans la disposition des corps qui doiuent patir: C'est à mon aduis d'oū vient qu'en la Peste il y en a qui sont seulement malades, les autres meurent, & les autres n'en sont frappez. Ceux qui sont peu replets & cacochymes sont seulement malades, les vitieux en leur nourriture & qui ont quelque partie interieure blessée delonguemain meurēt. Ceux qui resistent d'auantage & qui pour la plus part n'en sont entachez sont (comme il a esté dict) selon Iobert au 9. chap. de son liure de la

Peste, les temperez, & selon Paré au 18. chap. du 21. liure: ceux qui sont remplis de beaucoup d'ulceres en diuerses parties de leur corps, purgeant de longuemain, les premiers pour resouldre & resister à la virulence de la Peste, les seconds pour estouffer le venin dans leur venin mesme: Les vicillards y sont moins subiets que les autres pour leur temperature froide & seiche: Les melancholiques y resistēt plus que les autres, à raison de leur complexion & consistance de leurs corps repugnāte à la pourriture & introduction du venin. Mais les sanguins, bilieux, timides, delicats, gloutons, & petits enfans, y sont plus subiets que tous autres, tant pour leur complexion chaude & humide, que la rareté de leur corps.

Ceux qui me semblent n'estre point subiets à ceste maladie sont nos Roys & Princes, d'autant que le siege premier & principal de la Peste est le cœur. Or les cœurs des Roys & des Princes, selon le Psalmiste, sont en la main de Dieu, de laquelle nulle Peste ny corruption n'oseroit approcher. Pour la confirmation de ceste raison, l'experiēce semble la fauoriser quand

Dauid resta au milieu de soixante & dix mil hommes abbatus de la Peste autour deluy en six heures : & de deux grandes Princesses regnantes encores à present, qui se sont trouuees au milieu du hazard d'vn tel mal, sans en auoir esté vexees: tesmoigne assez nos Roys & nos Princes n'estre subiets à la Peste comme le reste du peuple, desquels lès vns le sont plus que les autres.

Doncques il y a des hommes plus subiets à la Peste les vns que les autres.



PROB. VII.

Peut-on cognoistre la Peste par signes?

AFFIRMATION.



L'n'y a rien en ce monde qui n'aye son caractere, son signal & sa marque, & par ainsi il ne faut nullement douter que la Peste ne se fasse aysement cognoistre par ses signes, lesquels pour leur grandeur ne sçauroient se celer en ceux qui sont vexeز de ceste maladie; tāt par la fiebure, douleur de teste, vomissement, tumeur, & pustulles, qu'autres accidents qui se trouuent tousiours accompagner ceste fascheuse maladie: par tant on peut cognoistre la Peste par ses signes.

NEGATION.

Il semble au contraire que ceste maladie ne se puisse cognoistre par signes: d'autant que le plus souuent elle tue son homme premier que de se manifester. Outre il y a beaucoup de fiebures qui sont

mesme accompagnees de douleur de teste, vomissement & dégoust; qui pour cela ne sont arguments certains de la Peste: car au tēps mesme qu'il n'y a point de contagion tels accidents apparoissent. Qui me faict dire la Peste ne se pouuoir cognoistre par signes.

C Œ N C L U S I O N :

Comme les choses sensuelles n'ont besoin de signe, aussi celles qui sont eslongnees de nos sens se doiuent rechercher par iceux. C'est pourquoy le Galien a dict que signe estoit ce qui mettoit en euidence la chose qui estoit occulte ou cachée. Or cōme il a esté dict, la Peste est vne chose occulte, c'est pourquoy n'estant l'obiet de nos sens, il est besoin de sçauoir si elle se peut descouuir par signes ou non.

Tout signe est futur, present & preterit. Le signe futur est celuy que les Grecs ont appellé *Prognostic*, qui demōstre, que ce qui n'est pas encores pourra aduenir: Comme quand le peuple perseuere en son peché, (cela denote que Dieu se courroucera, puis que desia par tant de fois, il s'en est couroucé & l'a puny par ce moyen.) Que la conionction de certaines planet-

res humaines se fait au ciel. Que plusieurs prodiges, & comettes se manifestent en l'air avec corruption d'iceluy. Qu'il y a generation de monstres: Qu'au Printemps les fueilles de figuier ressemblét aux pieds d'une corneille, qu'en Esté il y aura multitude de vermine. Alors c'est signe q̄ la Peste tallonne de bien pres, côme a dict Plutarque au traité des Oracles qui ont cessé: & quand ces choses là sont arriuees tels signes se nomment des Grecs *Epiphainomenes*, c'est à dire suruenans apres.

Le signe present est celuy que les Grecs appellent *Diagnostie*, qui demonstre la Peste regner: comme quand on apperçoit mourir plus de peuple qui ne fouloit, & certaines familles se dépeupler, au moyen d'une cause qui saute de l'une à l'autre. Si les oyseaux tumbent morts en volant, les poissons aux riuages des eaux en nageant, & les reptilles, & quadrupedes à l'entree de leurs tanieres se mourans. Cela est signe que la Peste est causee del'air, des eaux, ou vapeurs de la terre.

Or le signe present de la Peste, est equivoque, ou vniuoque. Faut entendre par signe equivoque celuy que les Grecs ap-

pellent *Syne-drenōta*, (dequoy Praxagoras a escrit deux liures) c'est à dire qui vont ensēble eōcurrēment ou qui ne se trouuēt tousiours en vne maladie, ains president à plusieurs: cōme fiebure, bubons, charbōs, refuerie, endormissēmēt, vomissēmēt, flux de sang, flux de vètre, & d'vrine, lesquels symptōmes se trouuēt aussi bien en autre maladie qu'en la Peste. De quoy ie pourrois biē bailler exemple de chacun en particulier. Mais ie me contenteray de deux seulement pour euiter prolixité. L'vne sera d'vn Marchant de foyē auquel surueint en l'an 1586. vne fiebure qui se termina par vn Erysipelle phlegmoneux, (c'est à dire rougeur & chaleur, auec quelque legerē enflēure & douleur) en la iambe dextre, & de là vn bubon, c'est à dire tumeur en l'ayne du mesme costé, fut iugé par certain Chirurgien auoir la Peste, dont sa maison fut fermee & sa famille reculee, auec pact fait auec iceluy Chirurgien de l'aller le soir saigner du pied en l'eau, & appliquer dessus la tumeur vn cautere potentiel: mais estant prié de le visiter d'vn de ses amis & des miēs, sans auoir tel aduis, l'ayant veu & interrogé, ie trouuay que

la fiebure auoit produit l'inflamatiō, icelle la tumeur de l'aine, sās aucune cōtagiō; qui m'occasionna luy tirer du sang du bras du mesme costé, dōt le lēdemain fut veu en sa boutique avec grāde admiratiō de ses voisins. L'autre est d'vn ieune homme âgé de vingt ans ou enuiron, auquel suruint pour auoir mangé quantité de fruiçtages douleur de teste, avec enuie de vomir, ayant assure le maistre & la maistresse que ce ne seroit rien, fut enuoyé de la part du ieune homme vn Chirurgien de la Santé qui les assura estre la Peste, dont incontinent fut trāsporté à l'Hostel Dieu, & mis entre vne grande multitude de malades de la Peste, avec lesquels il coucha, le lendemain fut trouué desieuant en la cuisine du logis dont il estoit parti auparauant, sans auoir eu aucun mal: qui faict voir que ce n'est pas sans cause que le iugemēt doit estre balancé, & par consequent qu'il faut apporter beaucoup de prudēce en la prediction, nōmément quand il y a plusieurs signes equiuoques. Le signe vniuoque est celuy qui est appellé des Grecs *Pathognomonique*, accōpagnāt tousiours la maladie où se trouuāt tousiours avec icelle, & non en

d'autres : cōme en la Peste , la prostration des forces , la fiebure , le pourpre, les bubons & charbons : De sorte que ces choses estās ensemble, ou plusieurs, feront asseuer estre la Peste , d'autant que la Peste ne peut estre sans cela , comme signe vniuoque , de quoy ie proposeray encores deux exemples. L'vn est qu'estant mandé (au commencement de ces maladies) d'vne honneste famille pour saigner vne ieune fille de leur parenté par l'ordonnance des Medecins, à cause, disoit-on, d'vne parotide qu'elle auoit au derriere de l'oreille fenestre , touchant son pouls petit & fremiant , voyant vne tumeur fixe environ le milieu du costé gauche du col, grosse comme vne petite aueline , vn petit cloud au crotaphite , ou à la temple du mesme costé, tres-foible & decolorée , ie ne la voulu saigner : ains me reculant ie les aduertis de se tenir sur leurs gardes, mais leur incredulité fut cause de faire mourir en peu de iours plusieurs personnes, dont ç'a esté grand dommage: ainsi la tumeur avec le charbon, la fiebure, & foiblesse des vertus sont arguments certains & vniuoques de ceste maladie. L'autre est

qu'un Gentil-homme fut iugé auoir la Peste, tant par la fiebure, que pour vne douleur qu'il auoit en la partie moyenne de l'auant bras dextre, & tumeur en l'aisselle, m'estant commandé par vn grand de l'aller voir avec son Medecin & Apoticaire pour vne fois seulement, voyant l'auant bras dudit Gentil-homme tant douloureux, sans paroistre autre chose que deux cicatrices, l'vne en la partie interieure & l'autre en l'exterieure à l'endroit du commencement des deux flechisseur & extenseur superieur du carpe, qui auoient esté faiçtes il y auoit bien quatre ou cinq mois par la morsure d'un chien. Le iugeay que la tumeur de l'aisselle ne procedoit que de la douleur du bras, & que ceste douleur ne prouenoit que de certaine venenosité enclose en ceste partie au moyen de la morsure dudit chien. Ayant considéré trois ou quatre paroxysmes ou accez avec rougeur des yeux, crachotemēs, & allongemēs de col, luy faisant presenter de l'eau, la mettant en sa bouche sans la pouuoir aualler, alors ie rapportay au Seigneur que le Gentil-homme n'estoit malade de la Peste, ains de la rage; d'autant

qu'il côméçoit à entrer en hydrophobie ou crainte d'eau, qui est vn signe vniuoque d'icelle, ce qui aduint, & mourut enragé.

Le signe preterit est celuy que les Grecs ont appellé *Anamnestic*, qui demonstre la Peste estre passée: Tel signe a esgard à trois choses, à sçauoir, à la cause vniuerselle de la Peste: à ceux qui ont eu le mal, & à ceux qui en sont morts. Pour la cause vniuerselle: si la temperature de la saison a esté chaude & humide, & qu'elle vienne froide & seiche: Qu'elle ait esté estouffée, accompagnée de bouffées du vent de Midy, & puis qu'elle vienne à estre fort agitée de celuy de Septentrion, qu'Homere au 19. de l'Iliade appelle, Ballet aérien, & les Latins, *Coeliscopam*, côme qui diroit le ballet du Ciel: Non seulement celuy-là a ceste propriété de nettoyer l'air, mais aussi les autres, pourueu qu'ils soufflent violemment, ainsi qu'a remarqué François Valeriola en la 1. Enarration de son 5. liu. Quand autres maladies commencent à regner, comme fiebres tierces, quartes, ophthalmies, pleuresies, coliques, sciatiques, apostemes és muscles & non és glandes: que le mal

ne faute à ceux qui les vont visiter, & que les Medecins & Chirurgiens de la Santé se vont promener, alors il faut s'asseurer que la Peste s'esuanouït. Ceux qui ont eu le mal sont foibles, amaigris, au cōmencement ayant de grâdes cicatrices à l'endroit où ont esté les bubons & charbons, le reste de leur vie. Finalement quant aux signes qui demonstrent ceux qui sont morts de la Peste, il en sera parlé au vingt cinquieme Probleme.

Mais pour satisfaire à nostre question, il faut remarquer le Chirurgien estre appellé au cōmencement ou à l'accroissement de la maladie: Si c'est au commencement, cela n'est pas toujours bien assuré de iuger au vray de *l'espèce de la peste*, d'autant que les bōs Jardiniers en ce temps-là sont bien empeschez à distinguer les herbes qui commencent à rapiffer la surface de leurs parterres. Mais si c'est à l'accroissement, alors c'est vne pure ignorāce si les fueilles estans espanouïes on ne les viēt à cognoistre: Ainsi au commencement de la Peste, bien souuent il n'y aura qu'une petite fiebure, autre fois vne tumeur ou vn charbon sans icelle, alors le iugement de la

Peste n'est que tres-difficile, que si c'est
à l'accroissement paroist la fiebure accom-
pagnée de pourpre, de buboes ou
charbons, & en ce temps sera
tres-facile à iuger.

*Doncques on peut cognoistre la Peste
par signes.*

P R O B. VIII.

La prediction est-elle necessaire en la Peste?

A F F I R M A T I O N.



VNE des choses qui rend le Chirurgien plus admirable en son art, c'est de predire l'euenement des maladies, & en quel tēps cela se pourra faire. Mais il faut bien se donner de garde, de prononcer la sentēce de vie ou de mort, au commencement & en l'accroissement de la maladie, ains en l'estat d'icelle, cōme dict Hipp. au 2. du prorrhetic. Et me semble q̄ la raison en peut estre tiree de l'aphorisme 30. du 2. où il est dit que les signes au cōmencemēt des maladies sont tousiours pl^o foibles, & par cōsequēt moins apparēs; mais en la vigueur, ils sont plus manifestes & demonstrent plus au visl euenement du mal. Ce qui se pratique mesme aux maladies plus aigues, du nombre desquelles est la Peste. Or comme ainsi soit qu'en ceste maladie plusieurs en eschappent, cela ne se peut faire sans quelques argumens de

future santé, qui ne sera pas seulement pour se faire admirer, mais aussi pour bailer bonne esperance aux malades pour vaincre leur mal: par ainsi la prediction est necessaire en la Peste.

NEGATION.

Tout à rebours, il semble que ceste prediction serue plustost à blâmer le Chirurgien que luy apporter honneur, d'autant que la tromperie de ceste maladie fait que le malade se portant bien en apparence, en vn instant & promptement il rend l'ame. Car il s'en est veu plusieurs qui en disant se bien porter expiroient, tant ceste maladie est pipeuse: outre si le Chirurgien dict quelque chose à bien du malade il en abusera, que s'il luy eschappe quelque parole tendant au mal, estant rapportée le malade se desesperera, comme a dit Hipp. aux preceptes de Medecine: Parquoy il m'est aduis qu'il n'est besoin de prediction en Peste.

CONCLUSION.

Tout ainsi que la prediction est admi-

rable & certaine és maladies ordinaires, aussi est-elle bien douteuse és maladies extraordinaires, & tant aux vnes qu'aux autres fort nécessaire au Chirurgien. La verité de ceste nécessité depend de quatre choses, à sçauoir, de la qualité du corps du malade, des actions qu'il fait, des excréments qui sortēt de son corps, & du temps de la maladie.

La qualité du corps sert à predire ce qui arriuera du Pestiferé en considerant les cinq choses en quoy ceste qualité consiste, à sçauoir couleur, habitude, temperature, figure & quantité. La couleur sert à iuger de l'issue de la Peste, si cognoissant le patiēt auparauant que d'auoir esté frappé, il est par trop decoloré ou coloré, alors c'est mauvais signe, car l'vn mōstre cōsumptiō d'esprits, & l'autre violente fiebure, si la face deuiēt comme ecchymose ou liuide cela est mortel. Par l'habitude on cognoistra le danger de la Peste, si la personne auant que d'estre frappé estoit ferme & solide au toucher: & estant vexé il se trouuoit molasse & flaisri: Cela seroit vn signe mortel, d'autant qu'il indique la pourriture auoir agi sur les parties solides.

Aussi pourra-on iuger de l'euenemēt de la Peste par le temperament, car s'il y auoit chaleur exceſſiue aux parties interieures, & froideur aux exterieures, c'est vn tres-mauuais ſigne, d'autant que cela monſtre que le ſang & les eſprits, allant au cœur pour le ſecourir, portent quant & ſoy le venin peſtilent.

Par la figure on peut colliger ce qui aduendra du Peſtiferé: comme de peu d'heure & de iours trouver le malade emacié, les yeux caues & enfoncez, les tēples abbatues, l'onez aigu, & le regard affreux, & la peau tachetee de papillottes ou taches noires, c'est ſigne mortel. Par la quantité ſe doit entendre la grandeur des parties offenſees: comme les enonctoirs ayant tumeur ſi elles ſont groſſes & tumefices, ou petites & épattees, cela eſt notable, d'autant que nature en la premiere façon monſtre qu'elle eſt victorieuſe: & en la ſeconde qu'elle eſt vaincue.

La prediction qui ſe tire des actions eſt que les actions ſont vitales, animales & naturelles, lesquelles ſeruent grandement à predire de la Peste, car comme a dict Hipp. au 2. du Prognostic, il faut auoir

esgard principalement aux forces, c'est ce qu'a dit le Galien au 14. ch. du 1. *ad Glan-*
cum, & au 2. ch. du 2. & au 7. & 10. ch. du
 9. de la Methode, lesquelles ne se peuent
 cognoistre que par les actions susdictes
 qui sont dangereuses quand elles sont
 diminuees, tres-dangereuses quand elles
 sont deprauees, & mortelles quand elles
 sont abolies.

Or l'action vitale se cognoist par le
 poux qui s'apperçoit au battement des ar-
 teres situes au dedans des poignets. Que
 si elles battent doucement ou effarouche-
 ment, & que le cœur defaille à tous mo-
 mens avec feurs froides, c'est chose mor-
 telle.

L'action animale est sensitiue, motiue,
 & prinçesse: Les actions sensitiues sont
 vniuerselles comme veiller & dormir, ou
 particulieres, comme voir, ouir, fleurir, sa-
 uouer, & toucher: Les actions motiues,
 sont tous les mouuemens du corps entant
 que volontaires: Les actions principales
 sont, l'imagination, la raison & la memo-
 ire; si l'arrive quelque chose à ces actions
 outre le cours ordinaire de nature, c'est
 mauvais signe: comme profond dormir,

grãde veille, esblouissement, surdité, dégousterment, auoir le corps lasche & comme perclus, sans courage de se pouuoir ayder, ne recognoistre pas bien ceux que l'on a accoustumé de voir, dire folie, & ne se resouuenir de son nom: plus il y a de tels accidents, & plus le malade est en danger.

On iuge de la Peste par les actions naturelles, tant communes que propres, à appeter, attirer, digerer, & chasser, car comme en toute maladie auoir horreur des viandes, ne cuire point, & ne faire excretion des superfluitez, c'est mauuaise chose par la 56. part. du 2. Progn. Ainsi en Peste c'est chose d'agereuse quand l'estomac n'appete point la viande, ains les abhorre, d'autant que par faute de nourriture, ne se peuvent refaire ny rengēdrer d'autres esprits en la place de ceux que la peste a corrópus: aussi est-il mauuais quand la partie où est la tumeur ou le charbon, n'attire point, ne digere & ne rend point de superfluitez. Or on cognoist q̄ la partie affligee cuit & digere par la bouite du pus, qui est esgal, c'est à dire vni, blanc & sans mauuaise odeur, comme a dict Hipp. à la fin du 1. des Prog.

Toutesfois en Peste ne faut attendre vne telle coction, ains vn sçerû, tâtoft huileux & quelquefois sanieux (si ce n'est apres l'alteration de la venenosité, ou le pus se trouue esgal comme aux autres apostemes) & qu'elle chasse les superfluitez, quand l'vlcere ne demeure point seiche ny haslee, avec vne couleur passe, noyastre ou liuide: car telle chose est signe mortel és Pestiferez.

Par les excrements on peut iuger aussi de ceste maladie, car ou ils sont de tout le corps ou de la partie pestiferee: de tout le corps comme sueurs, vrines, halaine, ce que l'on vomit & que l'on rend par le siege: car les sueurs & halaines puantes indiquent vne grande corruption, les vrines belles monstrēt la Peste estre aux parties solides, si elles sont louches avec filandres ou noirastres monstrēt qu'elle est au humeurs, avecq consumption de la chaleur naturelle.

Le temps de la maladie sert aussi à predire l'euenement de ceste maladie, c'est pourquoy il faut predire en l'estat du mal plustost qu'en l'accroissement & declin,

d'autant que les symptomes sont plus as-
seurez & denotent mieux l'issue
de la maladie.

*Doncques la prediction est necessaire
en la Peste.*



PROB. IX.

La Peste est-elle plus ordinaire & cruelle au Printemps & l'Esté, qu'en l'Automne & Hyuer.

AFFIRMATION.



NE faut douter qu'entre toutes les saisons de l'an la Peste ne soit plus ordinaire & cruelle au Printemps & l'Esté, qu'en l'Automne & Hyuer. D'autant que la qualité de telles saisons symbolise d'avantage avec la Peste que celles des deux dernieres, en luy donnant generation & augmentation.

La qualité du Printemps selon Hippo. Sent. 33. de la 2. Section du liure de *Natura humana*, est chaude & humide, laquelle selon Galien au 1. des Temperamens est la pire temperature de toutes: comme la plus sujette à corruption, pourriture, & pestilence, aussi est-ce la saison la plus sujette à maladies, ainsi qu'il est deduiet au 3.aphor. du 1. liu. Quant à l'Esté outre ce qu'il sympathise de sa qualité actiue (sçavoir est par chaleur) à la pourriture, aussi

faict il de sa qualité passiuue qui est la seche-
resse, laquelle selon Ioubert en son traité
de la Peste est tres-dâgereuse pour la gene-
ration d'icelle. Car les corps en telle saison
font rares, laxes & mols, d'où vient qu'ils
font foibles à raison de la grande resolu-
tion des forces & des esprits, qui sont les
vrais moyens pour induire facilement
le venim pestilent: partât la Peste est plus
ordinaire & cruelle au Printemps & l'Esté
qu'en l'Automne & l'Hyuer.

NEGATION.

Au contraire il y a grande apparence
qu'en l'Automne & l'Hyuer la Peste soit
beaucoup plus ordinaire & cruelle, qu'au
Printemps & l'Esté, d'autant que selon
Hippocrates en l'aphorif. 9. du 3. liure
l'Autône est fort suspect à cause qu'il pro-
duict ordinairement des maladies tres-ai-
gues & mortelles pour la plus part: ce qui
arriue non seulement pour la nature de sa
qualité qui est froide & humide, du tout
contraire à celle de l'Esté, mais aussi pour
l'vsage des fruitages, dont se faict vn amas
d'vne tres-grande quantité de malicieuses
humeurs,

humeurs, qui ayans faiët multitude de vapeurs arestees sous la couuerture du corps qui est la peau, au moyen de l'antiperistase ou enuironnement de l'air froid & sec de l'Hyuer, autour de nous conuerties en malicieuses humiditez croupissantes sous icelle, donnēt en fin confort & ayde au venin pestilent, pour conspirer avec luy la ruine totale de ce petit monde. Outre le froid fermant & bouschant les soupirails qui sont les pores de la peau, aux vapeurs veneneuses, rend la Peste beaucoup plus cruelle, & par consequent plus commune en l'Automne & Hyuer, qu'au Printemps & l'Esté.

CONCLUSION.

Cela est vray selon Hippocrates en l'aphor. 19. du 3. liure, que toutes les maladies se peuuent faire en tous temps, mais aussi est-il vray que quelques vnes s'esueillent plustost & molestent d'auantage en vn temps qu'en vn autre : & de faiët nous voyons que la Peste (si elle n'est diuine) d'ordinaire est plus cōmune & cruelle en l'Automne & Hyuer qu'au Printemps &

l'Esté. Ce qui aduient à moñ aduis pour quatre causes, sçauoir, du Soleil, de l'air, des saisons, & de la nourriture.

Du Soleil, d'autant que c'est vn astre; comme disent les Philosophes; qui est auteur de la generation & corruption, d'où viēt qu'en l'Automne & l'Hyuer, ne nous dardant ses rayons qu'obliquement ou en biaisant, ne communique sa vertu celeste; dont s'ensuit icy bas corruption de l'air, à cause qu'estant corrompu, & ne pouuant viure sans iceluy, communique sa corruption à nostre nature qui est saine, en la changeant en la fiēne qui est veneneuse. Des saisons, à cause qu'elles sont muables & inconstantes, qui outre ce qu'elles germent des maladies, les rendēt plus cruelles. De la nourriture, pour autant qu'il y a en telle saison force fruitages, de l'usage desquels se faiēt grande quantité de ferositez, dont s'ensuit force obstructiōs, pourriture, & finalement la Peste.

Or ce que nous disons des quatre saisons del'an, nous le pouuons approprier aux quatre parties du iour, d'autāt que la plus grande partie des Pestiferez sont plus malades le soir, que la nuit, qui representent

l'Automne & l'Hyuer, que le matin & midy, qui signifient le Printemps & l'Esté.

Quant aux arguments proposez en la partie affirmatiue, ie dy que la chaleur & humidité du Printemps, ne doit estre entendue de l'estrange, ains de la naturelle, qui a occasionné Galien sur la sentéce 39. de la 2. Section du liu. *de natura humana*, de dire le Printemps estre temperé. Touchant la facilité des maladies qui arriuent en vne telle saison, cela ne depend pas du Printemps, ains du mauuais regime & de la mauuaise disposition des sujets. Pour la chaleur de l'Esté, tant s'en faut qu'elle produise pourriture, qu'au cōtraire elle la resoult & dissippe; à quoy ayde beaucoup la secheresse: que si il suruient Peste en telle saison, ce n'est que par accident, à cause qu'en faisant mourir beaucoup d'animaux, l'air s'en infectant altere immediatement l'homme, comme il sera dict. Ce qui touche la rareté & foiblesse des corps en Esté, si quelque venin s'y introduisoit en telle saison, aussi seroit-il plus aysé à chasser qu'en l'Automne & Hyuer.

Doncques la Peste est plus ordinaire & cruelle en l'Automne & Hyuer qu'au Printemps & l'Esté.

P R O B. X.

Peut-on vser de precaution en la Peste?

A F F I R M A T I O N.



L n'y a point de doute que la Peste ne puisse estre preuenüe, d'autant que s'il y a des remedes pour la guarir, il s'ensuit que tels remedes ont puissance de la preuenir. Or l'experience no' appréd que plusieurs ont esté guaris, lesquels estoïent frappez de la Peste: donc on peut vser de precaution en la Peste.

N E G A T I O N.

La Peste est vne maladie si courte qu'elle a plustost saisi son homme qu'il n'a pësé à en estre surpris, ny courir aux remedes. Et de faict nous voyons le plus souuent la region ou ville estre affligée, premier que l'on ait pensé que ce soit vne telle maladie. Or precaution suppose vne preuoyance, de sorte que le mal estant arriué la precaution est infructueuse, joint que ceux qui

paydent de remedes preseruatifs ne laissent d'estre frappez d'icelle voire meurent aussi bien que ceux qui n'en n'ont vsé: partant il semble qu'on ne peut vser de precaution en Peste.

CONCLUSION.

Cure preseruatiue de la Peste.

Cela est vray, quand la Peste a faisi la contree & quelques personages d'icelle, que la precautiō ne sert de rien pour ceux là. Mais quand la region n'est encores infectee, & qu'il n'y a personne de frappé en icelle, alors elle aura lieu. Or il n'y a meilleur preseruatif de la Peste que d'empescher la cause de sa generation. C'est pourquoy il faut croire que le plus singulier remede pour la preuenir, est de fuir non seulement la region & ville pestiferee, mais aussi ceux qui cōuersent en ces lieux là, & retourner tard, où aura residé telle maladie: c'est à mon aduis d'où est venu ce prouerbe tant ancien: *Citō longē. Tardē.*

Et d'autant que chacun n'a la commodité, ny la volonté d'effectuer ce remede, il faut deduire comment on se pourra

ayder à contrarier à vne tant pernicieuse maladie: ce qui se fera par deux moyens, l'vn commun & l'autre particulier. Le moyen commun est d'empescher la region & ville d'estre infectee. Le particulier est de faire que ceux qui frequentent avec les Pestiferez, ne soyent gastez.

Cure preseruatine commune de la Peste.

Quãd on est aduertí qu'en quelque province il y a mortalité, plus que l'ordinaire, faut que les Magistrats du lieu, qui se veut conseruer, s'enquierent, s'il n'y a point avec le cours de telle mortalité, de contagion meslée, & si parmy les deux, il n'y a point de Peste. Et là où ils descouueroiẽt estre vne telle marchádise, empescheront ceux de leur region de frequenter ny conuerfer en ce lieu là, sur peine aduisee pour les contreuenans.

Deslors les Magistrats ferõt aduertir les officiers de la Santé, qui sont, Prestres, Medecins, Chirurgiens, Apoticaire, Preuost, porteurs, gardes, viuãdiẽrs & autres, à se tenir prest pour vacquer au seruice de la Contagion, cas aduenant que la ville

en fust surprise, & pource feront tenir la maison de la Santé nette, avecques lits, bois & autres necessitez, afin quel'on soit appareillé premier qu'un tel mal-heur arriue, qui bien souuent a plustost faisi nos portes que les Magistrats n'ont faict leur assemblée.

Lesdits Magistrats commanderont de tenir les ruës nettes, ce qui se fera en trouffant & transportant les ordures & fanges: en iettant chacun, souuentes-fois de l'eau deuant chez soy, feront aussi pauer les ruës: les clouaques seront destoupez, & couleront sans retenues: & pource seroit tres à propos qu'un filet d'eau de la Seine passast de la Bastille sous le Pont de Chaliot, afin d'entraîner les immondices, qui en un grad rauage d'eau altere l'air du Roule, faux-bourgs S. Honoré, & Tuilleries. Les bouchers feront leur turie & laueures de trippes hors la ville en lieu à ce deputé, car il s'esleue en Esté de grandes exhalaisons à la tournée du Pont au Change, à la place aux Veaux, pres saint Nicolas des Champs, ruë du Coq, Frementel, Mont sainte Geneuiefue, & autres. Sera faict du feu tous les soirs par les ruës, aussi

est-ce l'aduis que bailla Hipp. aux Atheniens, qui fut occasion de couper chemin à vne grande Peste, ainsi que deduit Galien en son liure de la Theriaque, & non sans cause; car le feu par son actiuité purge l'impurité du mauuais air: & pour garder ces ordonnances, sera commis vn bourgeois en chacuneruë qui aduertira le commissaire du quartier, afin de faire sa plainte à la Police pour aduiser ce que de raison:

Lesdits Magistrats auront esgard aussi aux vins qui se debitent qui ne soient esuentez, ny gastez; auront aussi esgard aux eaux, & pour ce les puits & fontaines seront nettoyez des bourbes, & des immondices que l'on jette dedás. Pour ceux qui ne boyuent que de l'eau, ne sera de celle qui croupit, à cause qu'elle se pourrit facilement: & là où on seroit trop esloigné des bonnes eaux, on pourroit en faire boüillir, de celle que l'on auroit, avec de la graine de chardon benit ou de sa racine. Le manger sera de viande de bon suc, comme sont celles des volatilles, chapons, poulets, pigeonneaux, assaisonnez de bon vinaigre rosat, ius d'oranges, de citrons, grenades & verius, faut fuir les

chairs rancies, moïfies & froides. Les fal-
 lees, comme bœuf, jambon de mageance
 & faufifsôs ferôt en vſage pour deſieuner,
 à ceux qui ſont de trauail. Le poiſſon
 d'eau douce ne doit eſtre mis en vſage ſ'il
 n'eſt ſaxatil, c'eſt à dire d'eaux courantes,
 & pource le brochet, la perche, le goujô,
 & la loche ſeront conuenables. On vſera
 de celuy d'eau ſallee qui n'eſt morueux,
 ny glaïeux, côme de la ſole, rouget, viuë
 & merlan. Les fruitages tels qu'ils ſont ne
 vallent rien en temps ſouppçonné de la con-
 tagion, ſ'ils ne ſont aſaiſonnez en vin &
 ſucce, ou confits, encores en faut-il vſer
 ſobrement, & non du tout de melons ny
 concombres, ſi ce n'eſt en potage: les her-
 bes doiuent eſtre fraiſchement cueillies &
 non flaiſtries, ny moïfies, comme ſont
 celles de nos herbieres, qui apres eſtre
 cueillies, les arrouſent de meſchâtes eaux
 de puits. Ceux qui ſont pituiteux, mélan-
 choliques, & qui ont flux de ventre vſerôt
 de bon pain de fromêt, & les ſanguins bi-
 lieux & qui ont le ventre pareſſeux man-
 geront de celuy de meteïl ou de ſeigle.

Il ſera à propos ne dormir ſur iour
 (ſi l'on n'y eſtoit accouſtumé de longue-

main) n'omément incontinent apres le repas , c'ome voye facile à l'apoplexie & paralyfie : Aussi faudra-il le matin ne sortir de la chambre avant Soleil leué, & le soir se retirer avant qu'il soit couché : pour autât que le matin l'air donne des frissons ; & au soir le serain remplit le cerueau de catherre : car ayant esté eschauffé apres disner , le corps iettant grande quantité de vapeurs par les pores ou petits trous de la peau, en éstât tout à coup supprimé, par la froideur del'air ambient, se reserue en iceluy grande multitude d'humiditez qui se corrompent facilement , n'estant point regies de la chaleur naturelle. La trop grande & excessiue veille doit estre à fuir, d'autant qu'elle dissippe les esprits, & affoiblit le corps.

Tout ainsi que l'oisiueté est tres-pernicieuse , ainsi le trauail est à blasmer ; l'un pour accumuler beaucoup d'humeurs mauuaises au corps , l'autre pour diminuer les forces ; & ouurant les pores de la peau dispose le corps à maladie. Or entre ces deux l'exercice est merueilleusement vtile, pour trois raisons, l'une qu'elle augmente la chaleur naturelle ; l'autre qu'elle

cause bõne coctiõ, & finalement qu'elle incite le corps à l'excretiõ des superfluitez, chose tres-vtile en ceste maladie. C'est pourquoy il sera à propos auant que de se leuer, se faire frotter les bras, le dos & les iambes, avecques linges rudes, puis apres auoir changé de chemise, se promener, cracher, & moucher, purger le ventre, & se peigner, bref faire en sorte qu'en ses actions l'on n'entre au trauail, qui est lors que l'on passe à la sueur avecques rougeur du visage, & au cas que cela arriue, il ne faut estre paresseux de se faire essuyer, ou au moins secher sa chemise & habillemens, soit au feu ou au Soleil.

Ce qui est tres-bon aussi à obseruer pour la precaution de ceste maladie, c'est de n'estre remply de mauuaises humeurs, ny aussi vuide des bons. Car l'vn sert de soufre pour l'allumer, & l'autre pour bailler lieu au mauuais air, ainsi qu'il sera dict au 14. Probleme. C'est pourquoy il faut qu'vn chacun courre vers les experts Medecins lesquels iugeront ceux qui ont necessité d'estre purgez & saignez: car les corps ainsi disposez auant l'arriuee du

mauuais air, ne s'introduit si aisément qu'aux lieux où il trouue les personnes cacochymes & plethoriques.

Ne faut oublier les passions de l'esprit, lesquelles sont tres-pernicieuses, pour amorcer le corps à ceste maladie : & pour ce entre toutes la melancholie, la cholere, & la crainte sont des plus dommageables pour attirer la Peste au cœur, qui est le blanc où vise ce pernicieux archer : Car la melancholie refroidit le corps, & porte le venin pestilent au cœur, avec la chaleur exterieure qui se retire en iceluy. La cholere par la grande ferueur des esprits & dilatation du cœur se consume, & ouure les portes à l'ennemy pour entrer dedans la forteresse de nostre vie. La crainte surpasse les deux premiers, d'autant que par icelle il se fait vne subite reuocation de la circonférence au centre, dont soudain avec le sang cauteleusement est porte la qualité veneneuse au cœur sous espoir de nourriture.

De la cure preseruatiue particuliere de la Peste.

LA cure preseruatiue particuliere de la Peste consiste au deuoir des Magistrats,

habitans, & officiers de la Santé, d'autant que ces trois personnes faisans ce qui est de leur charge, peuuent esteindre & amortir ceste premiere & furieuse rencontre pestiferee.

*Cure preservative de la Peste au moyen
des Magistrats.*

EN temps contagieux Messieurs les Magistrats doiuent imiter le bon pilote, lequel se roidit d'autant plus qu'il iuge le peril estre grand pour soy & pour l'autruy: & pour ce ils doiuent sçauoir qu'ils ont deux choses à faire: La premiere c'est de soigner au public, & la seconde à soy mesme.

Les Magistrats soigneront au public quand ils l'aduertiront d'auoir recouts à Dieu par humbles prieres & supplicatiõs, comme estant ceste maladie l'vne des verges de sa main vengeresse, à cause des pechez que nous auons faits & perpetrez deuant sa diuine Majesté: & en cela ne nous monstrans plus lasches que les Payens, lesquels ne se contentoient pas seulement de prieres, ains offroient à leurs faux dieux vn Temple. Autrefois *Lectisterne*, qui est à dire

selon Vignaire, descendre les idoles de leurs places & les traiter à tables: & finalement faisoient processions & letanies, comme raconte Titeliue au 4.5. & 10. liure de la premiere Decade.

Feront derechef prester le serment aux officiers de la Santé, afin de bien & fidelement faire leur deuoir; & pour ce leur eniendront de porter marques & enseignes pour estre distinguez du peuple.

Seroit fort à propos de faire election de quelque nombre de Dames Religieuses de l'Hostel-Dieu, pour auoir eïgard sur les Gardes de la maison de la Santé: d'autant que ces bonnes Dames se cognoissent fort bien au traitement de ceste maladie.

Seront faictes defenes aux Gaigne-petits d'espancher les ordures qui sont deuât les portes, ny de prendre aucun guenillon d'icelles; d'autât que bien souuët par mesgarde on peut ietter par la ruë quelque linge ou autre chose qui aura esté autour d'vn malade, qui pourroit en infecter d'autres.

Feront continuer la uisitation, tant sur les vins, eaux, pain, viandes, que herbages; d'autant qu'en ce temps-là il se commet

de grands abus, ainsi qu'il a esté dict cy dessus.

Ils commanderont au peuple la netteté, tant sur soy que chez soy : Sur soy, il faut auoir esgard au linge, qu'il soit blanc & souuentefois changé; & aux habillemens lesquels seront d'estoffe raze & lissée, comme satin, taffetas, (non decoupez) camelot, treillis, & semblables. Chez soy, balier souuent, asperger par la salle, allees, chambres, & cabinets eau & vinaigre, ou vin, faire parfums le soir & matin avec pelure d'orange, de citron, cloud de girofle, avec bon vin, eau rose, & eau de vie; mettant le tout en vne casserole ou escuelle de terre sur vn reschaud, en sentirez vne merueilleuse odeur.

Les pauures pourront prendre du vinaigre, & faire tremper du soir au lendemain de la ruë, rosmarin & saulge, soit l'vn ou l'autre, & en espancher en la chambre dessus vn gris rougi au feu, ou des briques: d'autant que la fumee dissipe le mauvais air, & en l'inspiration conforte le cœur & les polmons pour contrarier à l'air veneneux. Mais sur tout que les ordures ne croupissent en la maison, & que l'on ne

permette aucun coin d'icelle sentir le remugle, & sur tout auoir bon feu.

Ne permettront en temps chaud que l'on vuide les latrines ou priuez, ny de nettoyer les bouës les matins, comme on a accoustumé, d'autant que cela engloutit ceux qui sont contraints de sortir à telle heure, mais seront transportees la nuit, afin que le matin la puanteur soit exhalee.

Sera aduisé du lieu où se deura blanchir le linge, qui ne doit estre en l'eau qui descend en la ville, ains en celle qui a desia passé par icelle, ou en vne autre qui n'y passe du tout. Se faut garder qu'une telle eau ne demeure en cloaque, d'autant qu'à l'aduenir elle pourroit causer maladie.

Feront aussi que les pauures ne courrôt les ruës ny les portes d'Eglises, comme ils font. Et ne sera permis à aucun secoier les couuertes & draps des lits par les fenestres, comme on faiët ordinairement les matins: car cela est grandement preiudiciable.

Sera enjoint de se défaire tant des chiës, & des chats, lesquels frequentans és maisons voisines, peuuent porter mal, comme des pigeons, volailles, & porës, à cau-

se de leurs excremens qui corrompent le bon air.

Faut aussi prendre garde que les Chirurgiens ne voient secretement à la contagion es bonnes maisons, & où il s'en trouueroit quelqu'un y allant à son escient, luy faire fermer sa maison, & le contraindre d'aller communément panser les malades.

Les estudiâns Chirurgiens en chambre seront contraincts ou de se mettre chez les maistres, ou s'absenter de la ville, ou bien se mettre en la maison de la Santé: car en pratiquant à la fourdaine peüent infecter les lieux où ils frequentent. Les maistres qui se veulent conseruer, doiuent donner congé aux seruiteurs qui de long temps demeurēt chez eux, & en prendre d'estranges qui n'ont iamais demeuré en la ville, d'autant qu'estans cognus, se peüent laisser aller par amitié ou lucre à panser les malades secrettement, & de là porter le mal en la maison. J'auois tousiours obserué ceste coustume excepté ceste année, mais ie ne m'en suis bien trouué.

Les Magistrats soigneront à eux mesmes quand ils n'iront en grâde assemblee,

ne sortiront du matin, ny ne se retireront tard, pour les raisons ja deduittes. Et quât à ceux qui sont obligez à bailler les mandemēs & receuoir les placets des officiers de la Sâté, ne s'approcherôt d'iceux, ny ne receuront leurs papiers sans que par vne tierce personne ils ne les ayent flambez sur le feu.

Plus ils vseront d'aliments & de medicaments, tant prins par dedans, qu'appliquez par dehors, selon l'ordre qui s'ensuit.

Vne heure auant que de sortir de la chambre au matin (apres auoir fait la priere) faut prendre vn bouillon fait avec volaille, veau, ou mouton, avec chicoree, laitue, pourpier, bouroche, buglose, scabieuse, & soucy. Au lieu dudict bouillon on peut prendre trois ou quatre cuillerees de bonne gelee : ou vn jaune d'œuf, avec vn grain de sel & safran : ou bien vn petit de beure frais-falé estendu sur du pain, & boire apres trois ou quatre doigts de bon vin claret. Cela fait, vne heure auant que sortir de la maison on prendra la grosseur d'vne noisette de l'Oppiatte qui s'ensuit, laquelle outre qu'elle

2 VNE merueilleuse vertu, est tres-agreable au goust.

Prenez conferue de buglose, bouroche, & de rose, de chacune demie once: Theriaque vne drachme, confection al-kermes, deux scrupules, electuaire, diamargariton froid, douze grains, reseruez la dedans vne boueste de terre bien couverte, & en prenez comme dict est.

Exterieurement porterot à l'endroit du cœur vn sachet de tafetas rouge de la grandeur de la paulme de la main taillé en figure de cœur, dedans lequel on coude pointera plusieurs drogues cordiales telles que s'ensuiuent.

Prenez fueilles de myrthe, violle, roses, escorces de citrons, sandal citrin, girofle, macis, canelle, safran, arroufant l'Esté lesdites drogues d'eau rose & de bon vinaigre, & l'Hyuer de bó vin, les laissant seicher à l'ombre, & apres les concasser assez menu, & les mettre dedans ledit sachet, puis le pendre au col & le tenir sur la mammelle gauche.

En sortant faut tenir en sa bouche vn curedent fait de la racine d'Angelique: on portera en la main vn citron lardé par

la moitié de cloux de girofle: & par le bout non lardé, on esleuera de la grandeur d'un fol de la pelure dudict citron sans la separer de son tout, & du costé d'iceluy citrón sera creusé pour mettre la grosseur d'une demie noisette de theriaque, sus laquelle on couchera le petit coutescle de la pelure dudict citrón, que l'on fera tenir avec un cure dent d'Angelique: Cela seruira quand on approchera de quelque lieu soupçonné, ou plutôt, à le porter au flair pour corriger l'air premier qu'il soit entré au corps.

— Au lieu de citron à mesme effect on peut porter vne boule d'argent, d'yvoire, ou d'hebeine, de la grosseur & figure d'un ostreuf, qui sera creusé & percée en plusieurs endroits d'un costé seulement, dedans laquelle il y aura de la theriaque, avec moitié de poudre de cloux de girofle avec trois grains de musq.

— On peut aussi au defaut desdites boules porter vne pomme de senteur attachée au bras ou pendue au col, ou bien vn chapellet mis autour du poignet fait de la paste suivante.

Prenez feuilles de myrthe, roses, escorces de citrons, macis, & sandal citrin.

de chacun deux drachmes, styrax, ladanum, benjoin, de chacun demie drachme, safran, violette, canelle, de chacun deux drachmes, ambre gris, camphre, de chacun vne drachme, musque trois grains, angelique deux grains, faut faire tremper de la gomme de tragacant (en eau rose) ce qu'il en faudra pour former avec lesdites drogues, la pomme, ou le chapelet.

Que si la contagion continuoit cet Hyuer, l'indication prise de la saison doit faire changer de remede, & pour ce ladicte pomme & chapelets se doiuent faire d'autres drogues & paste, ainsi qu'il s'ensuit.

P. De la marjolaine franche seiche, calameus aromatiq, girofle, macis, iris de Florence, de chacun deux drachmes, musq trois grains, safran deux scrupules, styrax, benjoin, ladanum, cypres, de chacun deux drachmes, faut faire infuser le ladanum en huile d'aspic & eau rose, puis former la pomme ou chapelets, adjoustant vn petit de cire nouvelle pour luy bailler corps.

Au defaut de toutes ces choses on peut

porter dedans vn petit drageoir, vne esponge trempee en eau rose & vinaigre, meslez ensemble, y adioustant vn petit de canelle, girofle, macis, safran, avec quelques grains d'ambre, musc, ou cyvette. Que si c'est pour l'Hyuer, la faudroit tremper en bon vin, auquel aura trempé au precedent sauge & romarin: arrousez le drageoir d'eau de vie premier que de luy mettre, afin de reseruer son odeur.

Le Magistrat estant ainsi armé pourra hardiment sortir, fuyant toutesfois l'halaine de ceux qui passent par les rues: estat de retour en sa maison, aura esgard de ne receuoir personne que le moins qu'il pourra, faisant faire, comme il a esté dict, feu clair en la maison.

*Cure preseruatine particuliere de la Peste
au moyen du vulgaire.*

Le Peuple doit estre soigneux d'obeir aux Magistrats, comme l'escriture sacree nous le commande, & pour ce il faut s'efforcer depuis le plus petit iusques au plus grand d'y satisfaire au mieux qu'il sera possible: c'est pourquoy vn chacun

selon sa qualité aura esgard à la netteté, & rectification de l'air, ainsi qu'il a esté dict cy deuant de la Cure preseruatue commune de la Peste.

La maniere de viure tant des riches que des pauures doit s'oposer à la pourriture, & pour ce faut euter la chair froide & gaste, s'abstenir de toutes sortes de fruitages. Car n'ayant esté nourris que d'eau, & non cuits du Soleil, ne vallent rien, & ne peuuent faire autre nourriture en nous que ce qu'ils font de leur nature, nommément les concombres & melons sont suspects, car plusieurs apres en auoir mangé se sont sentis frappez de la contagion.

Ne faut dormir sur iour à l'ombre des arbres, sur l'herbe, ny au Soleil, d'autant que les deux premieres façons remplissent le corps de mauuaises humiditez, & la seconde fait bouillir le sang qui se tourne en venenosité, d'où viennent les carboncles.

Ne faut laisser croupir ny refroidir la sueur sur soy. Ceux qui ne se seront purgez auant le temps contagieux qui le font avec l'aduis du prudēt Medecin qui scaura vsfer de medicaments proportion-

nez à la qualité & nature de l'humeur vitieux, apres la purgation on gardera deux ou trois iours la chambre auant que de prendre l'air : puis quel'on vse des remedes tant interieurs qu'exterieurs, ja deduits en la Cure particuliere de la Peste, au moyen des Magistrats.

Pour moy ie n'ay iamais rien fait, sinon en me leuant & couchant, de me lauer les mains & le visage avec du bon vin, & à jeun prendre demie douzaine de grains de raisins de damas : quand la maladie a esté fort alumee, comme en l'année mil cinq cens quatre vingt, & en cinq cens quatre vingt seize : & en ceste année i'ay vse del'oppiatte suiuant.

P. Vne bonne poignée de fueilles de chardon benist, demie poignée de celles de chardon roussant, vn bouquet de rue, quatre fueilles de scabieuse, & autant de celle de soucy, deux fueilles d'angelique, avec autant de celle de persil de Macedoyne, adioustant vn quarteron de bonnes figues & demy quarteron de bonnes noix vieilles non rancies, avec autant de raisins de damas, conserues de rose, bouroche, buglose & violes, de chacune demie

once, poudre de bol vne drachme, mer-
 tridat demie once, bonne Theriaque de
 quatre à cinq ans deux drachmes, pillant
 le tout ensemble d'une telle façon, qu'il ne
 se puisse remarquer en ladicte compo-
 sition aucun desdits simples, & en faire re-
 serue dedans vne bouëtte de terre, & en
 prendre le matin auât desieuner. La quan-
 tité de la prise est le poids de deux escus,
 aux hommes forts & robustes: d'un escu
 aux femmes: & d'un demy escu aux enfans
 d'au dessus de dix ans: ceste composition
 semble auoir vne merueilleuse antipathie
 contre le venin Pestilent, d'autant que
 plusieurs à qui i'en ay faict vser, ont con-
 uersé avec ceux qui auoient la contagion
 sans en auoir esté aucunement frappez.

*Cure preseruatine particuliere de la Peste, au moyen
 de ceux qui frequentent les Pestiferez.*

CEUX qui frequentent les Pestiferez,
 sont les officiers de la Santé, qui ont obligé
 leur foy par serment solemnel enuers les
 Magistrats de secourir le public. Et pour
 ceils doiuent se munir par tous moyens,
 tant diuins qu'humains. C'est pourquoy
 ils inuoqueront mediatement & imme-

diatemēt l'ayde de Dieu en telle affliction, afin qu'il luy plaife les preseruer du peril euident où ils se voyent plongez, comme estant la cause premiere qui peut empescher toutes les autres subalternes. Cela faiēt ils s'ayderont des remedes que par experience on a trouuez estre propres à tel mal, tant de ceux qu'on prend par dedans, que de ceux que l'on applique par dehors, ainsi qu'il sera dict au 15. Probleme.

Doncques on peut vser de precaution en la Peste.



PROB. XI.

*Les mauvaises odeurs sont-elles meilleures pour la
preservation de la Peste que les bonnes?*

AFFIRMATION.

Les choses qui ont plus de puissance à roborer le cœur sont plus conuenables que celles qui l'affoiblissent, d'autant qu'en la Peste il faut auoir ceste partie à l'espreuue d'un tel venin, autrement on est incontinent vaincu. Or il est ainsi que les mauvaises odeurs confortent beaucoup plus le cœur que les bonnes, à cause que par leur puanteur elles repoussent les esprits vers iceluy, les assemblant & r'alliant, comme faict vn sergent de guerre les soldats couards & timides. Ce que nous voyons par experience tous les iours és suffocations de matrice, d'où vient que les bons praticiens font plustost sentir des choses puantes & malplaisantes, comme de l'asse fœtide, poils, sauattes, plumes de perdrix, coquilles d'œufs bruslees, & semblables, que non pas

des choses odorantes, comme estant la guide du venin au cœur, luy faisant ouuir ses portes pour faire entrer l'ennemy: de maniere que le cœur ayant ses forces amassees proche de luy, & estant plus vnies, il resiste mieux au venin pestilent: aussi est-ce pourquoy il y en a qui tous les iours en temps contagieux, auant que de sortir au matin mettent la bouche au dessus d'un priué, & en tirent deux ou trois halainees: les autres auant que d'aller és assemblees passent au trauers de quelque rue puante & infecte: & de fait Alexandre Benedictus dict au 6. chap. de son liu. de la Peste, que les Harmates en temps contagieux iettoient quantité de bestes mortes par les rues. Outre, ne voyons-nous pas que ceux qui vident les latrines resistent à telle puanteur: & que ceux qui resident à l'Hostel-Dieu & en la maison de la Santé, s'y cõseruent mieux que ceux qui ont accoustumé de sentir de bonnes odeurs? Parquoy les mauuaises odeurs sont meilleures pour la preservation de la Peste que les bonnes.

NEGATION.

C'est autre chose de bailler des forces de foy, & autre de les donner par emprunt. Or les bonnes odeurs baillent la force de foy au cœur, non seulement en le corroborât, mais aussi en resiouissant les esprits, voire en les augmentant. Dauantage telles odeurs sont communes au cœur & aux esprits, & d'abondant cōtrariant de leur qualité à celle du venin. Ce qui n'est de la mauuaise odeur, laquelle n'apporte secours au cœur que par accidēt, en faisant fuir les esprits par son antipathie à leur centre, qui sont les parties nobles: & outre se conuertissent en venin pestilēt, en se regeant de son costé & abandonnant celuy de nature. C'est pourquoy il y en a plusieurs qui en sentant ces malicieuses odeurs ne bouschent pas seulement leur nez, mais aussi ils vomissent avec de grands soufleuems de cœur, qui demontre que nature les abhorre & fuit grandement. Et de fait tous les Antiens sont d'accord, comme dict Aëce au chap. 94. du 5. liure, que la suaue odeur est beaucoup meilleure en temps contagieux que la puante. D'où vient que

Galién au liu. de la Theriaque à Pifo, a dict qu'Hippocrates commanda aux Atheniens de faire des feux odorans : & de fait l'Auicenne remarque qu'entre les feux qu'il conuient faire pour rectifier l'air, faut qu'ils soient de suauë odeur. Parquoy les bonnes odeurs sont meilleures pour la preservation de la Peste que les mauuaises odeurs.

CONCLUSION.

Cela est vray qu'en la preservation de la Peste les Autheurs ont tousiours estimé dauantage la bonne odeur que la mauuaise, neantmoins avec certaines circonstances, d'autant que les hysteriques, & ceux que les Grecs appellent *Careuarian*, s'en doiuent abstenir, comme a dict Hippocrates en l'aphor. 28. du 5. liure, à cause qu'aux premiers les bonnes odeurs font souleuer les vapeurs malignes de la matrice aux parties superieures : d'où vient que telles femmes ont de tres grandes foibleses, ou bien elles ont de tres grandes strangulations : mesmes qu'il y a des hommes qui ne peuuent sentir aucune odeur suauë,

quelque agreable qu'elle puisse estre : & aux derniers elles font fondre le catherre qui tumbé sur le cœur ou les polmons : C'est pourquoy telles personnes prendrôt des odeurs , non point odorantes par putrefaction , comme celles des Harmates, ains par corroboration , comme est la rue, qui outre la proprieté qu'elle a de tenir la matrice & le cerueau en leur deuoir , combat le venin pestilent. Mais outre telles exceptions les bonnes odeurs sont receuables : La verité est qu'elles font dilater le cœur, mais aussi laissent-elles en iceluy vne force, ce qui n'est des mauuaises odeurs. Touchant ceux qui hument le matin la mauuaise odeur des rues & priuez, nous disons que ce sont vilains tout à fait.

*Doncques les bonnes odeurs sont meilleures pour la
preservation de la Peste que les mauuaises.*

PROB. XII.

*En la preservation de la Peste doit-on à desieuner
vser plustost des medicamens que des alimens?*

AFFIRMATION.

Ln'y a point de doute qu'en la
preservation de la Peste, ne faille
plustost yser des medicamens que
des alimens & d'autant que c'est le medica-
ment qui est né pour agir & s'opposer à la
cause du mal: ce que ne faict l'aliment, le-
quel obeissant au corps, pour estre assimilé
à luy, n'agit nullement contre le venin,
ainsi que fait le médicament: partant il
faut en la preservation de la Peste vser à
desieuner plustost des medicamens que
des alimens.

NEGATION.

Au contraire, rien n'est mis de puissance
en effect sinon par la force & bonté de na-
ture, si laquelle est foible & debile rece-
ura plustost du mal des medicamens que
du profit. Or depuis le soir iusques au ma-
tin

tin nature s'estant employee à faire le chyle, distribuer la nourriture en toutes les parties, & à vider les excremens tant de la premiere, seconde, que tierce digestion, est affoiblie: de sorte que si on ne luy baille des alimens pour reparer ce qui est desperdu tant du sang que des esprits, le medecament nuira plus qu'il ne profitera: partant il faut en la preservation de la Peste vsfer à desieuner plustost des alimens que des medecamens.

CONCLUSION.

Pour appaiser ce differend il faut auoir esgard à la coustume des personnes, laquelle est cōme vne seconde nature. C'est pourquoy ceux qui n'ont accoustumé de desieuner & s'en trouuent bien, vsferont à ieun des medecamens non purgatifs; ains alexitaires prescrites aux Problemes 10. & 17. soit en eaux; oppiates, tablettes, ou pilules. Mais ceux qui ont accoustumé de desieuner pour la grandeur & chaleur de leur foye, qui les sollicite d'une telle façon qu'ils sont contraints de se leuer plustost pour manger que pour quelqu'autre affaire; ceux-là doiuent premierement vsfer des alimens tels qu'ils ont esté pres-

crits audit Probleme, & vne heure apres vser des medicamens. Car qui voudroit meller les alimens & les medicamens ensemble, se tromperoit; d'autant que, comme disent les Philosophes, deux contraires en nature & effect ne peuuent iamais subsister en vn mesme sujet sans se combattre l'vn l'autre, au detrimement tousiours de leur champ de bataille. Or l'aliment & le medicament est contraire en nature & effect, pource que l'vn a similitude & affinité avec nostre substance, à laquelle pour ceste fin il est assimilé: l'autre a dissimilitude, & pour ce change euidément & promptement nostre nature en la sienne, au lieu d'estre assimilé à icelle. En effect, à raison que l'aliment ne requiert autre chose qu'estre retenu, le medicament ne demande que chasser, & en fin estre expulsé du corps: & leur champ de bataille est l'estomach, qui contraint de porter le conflit de ces deux ennemis, patit grande douleur, comme deduit Galien au 1. des facultez des Medicamens.

Doncques en la preservation de la Peste ceux qui sont de foible nature doiuent prédre des alimens auant que des medicaments: & au contraire des medicaments premier que des alimens.

P R O B. XIII.

*Les bains & estuues conuiennent-ils en la
preseruacion de la Peste?*

A F F I R M A T I O N.



L n'y a aucun doute que ce qui tarit le corps des humeurs superflues ne conuienne pour la preseruacion de la Peste, d'autant que la superfluité des humeurs sert comme de poudre, pour receuoir le feu à estre frappé du coup pestilent. Or les estuues & les bains ont ceste proprieté, qu'en ouurans les pores ils donnent passage à nature pour se descharger de telles humeurs: partant les bains & estuues conuiendront en la preseruacion de la Peste.

N E G A T I O N.

Au contraire il n'y a rien qui agite tant le corps & qui le dispose plus à la contagion que les bains & estuues. A cause que ouurans les pores ou petits trous de la

peau, font large au venin à s'introduire au dedans du corps: & de fait que plusieurs grands personnages les ont condamnées en temps contagieux comme chose tres-pernicieuse: partant les bains & estuues ne conuiennent en la preservation de la Peste.

CONCLVSION.

Il n'y a point de doute que les bains & estuues ne soyent tres-pernicieux en temps contagieux, s'ils sont inconsiderement pris. Mais estans employez avec raison, peuuent grandement secourir à prevenir ceste maladie. D'autant que l'vn & l'autre sert à chasser du corps le salpêtre auquel s'attache principalement ceste pernicieuse venenosité, qui s'ot les humiditez superflues amassees d'ordinaire en grand nombre sous la peau, lesquelles sont les premieres alterees, ainsi que tesmoigne le frisson, & la chaleur interieure. Le moyen donc de prendre les bains avec vtilité: C'est que le corps estant bien preparé par la purgation & saignée (si besoin est) s'il est maigre il luy faut donner le bain, par

diuers iours & diuerses fois, s'il est gras il faut le mettre aux estuues, & ce tant de fois que l'on sentira les humiditez superflues sortir & le corps se sentir allegé, & non pesant ny abbatu. A la derniere fois en sortant, tant des estuues que des bains, apres auoir esté bien essuyé, on aura des esponges trempées en bon vin, eau rose, de plantin & theriacale, de quoy on lauera tout le corps, afin que le cuir & le panicule charneux s'vnissent ensemble, & que les bouches des vaisseaux (qui sont souspirauts par où entre le venin au dedans du corps) soyent fermées. Il ne faut sortir de deux où trois iours apres de la chambre, & vser des remedes proposez au 10. Probleme.

Doncques les bains & estuues conuiennent en la preservation de la Peste.

PROB. XIII.

*Pour preuenir la Peste faut-il estre plus
plein que vuide?*

AFFIRMATION.



L n'y a point de doute, que d'au-
tant plus que le corps est plein, il
ne soit plus fort & robuste. Cela
mesme se void par experience, que si vn
œuf est bien plein il est plus difficilement
cassé, car les choses qui sont pleines font
plus de resistance. D'auantage c'est que si
en temps contagieux le corps n'est plus
plein que vuide, l'air extérieur prendra
place en iceluy (d'autant qu'en là nature
rien n'est vuide), lequel estant infecté ay-
sément & promptement tournera nostre
nature en la sienne, comme est le propre
de chacun venin. Outre, c'est que les cho-
ses qui sont pleines se conseruent bien
mieux, cōme par experience nous voyons
des liqueurs en leurs vaisseaux, & quand
bien vn homme plein seroit frappé de
ceste maladie, si est-ce qu'il est tousiours

plus guariffable feló Galien, que celuy qui seroit touché estant vuide. Finalement Plutarque en la vie de Cesar diét que la Peste estant en la ville de Gomphes en Theffalie, estant assiegee & prise par les gens, non seulement ils chasserent la Peste, ains s'en preseruerent à force de boire du vin, tant qu'ils firent corps neuf. Partant pour preuenir la Peste il faut estre plu plein que vuide.

NEGATION.

L'Hippoc. en l'aphorisme 3. du 1. liure est de contraire opinion quand il diét que ceux qui sont pleins, ne peuuent longuement demeurer ainsi sans tumber en maladie. Et de fait ceux qui sont pleins sont pesans, massifs, lourds, aysez à pourrir: car il n'y a rien qui cause tant la pourriture que les obstructions & plenitude, laquelle est vne amorse à vne telle maladie: & de fait les choses pleines ne se peuuent euentiller, ains en croupissant s'alterent facilement, là où les choses qui ont liberté, & plus de perspiration, se corrompent moins: partant pour preuenir la Peste il faut estre plus vuide que plein.

CONCLUSION.

Toute comparaifon doit auoir conuenance à la chofe comparee. Car cela eft vray que quelque chofe de plein fe peut mieux conferuer qu'eftant moins plein: & auffi que quelque chofe en repos fe peut plus facilement corrompre à requoy, qu'eftant agitee. Mais il agit icy du corps humain, auquel il faut confiderer le plein & le vuide, & les comparer l'vn à l'autre: car plein en l'homme, touchât cefte queftion, ne fe doit entendre de ceux dont a parlé Hippoc. au lieu fus allegué, qui ont ataint le comble athletique. Mais cela doit eftre entendu principalement, ou de ce qui eft de l'effence du corps: ou de ce qui eft adioint d'iceluy: de ce qui eft de l'effence du corps, comme font les efprits, les humeurs, & parties folides, defquels il faut que le corps foit plus plein que vuide: car s'il n'y a plus d'efprit en vn corps que moins, cōme à ceux qui s'aieuent lōgument, exercent par trop l'acte venerien, & trauaillent exceffiuement, ils font incontinent faifis de la contagion par la refolution de leur fel ou humidité radicale.

Si l'n'y a quantité de bons humeurs & qu'ils ne surmontent les mauuais, facilement on sera frappé, à cause qu'ils se tourneront aysement en pourriture. Si les parties solides, c'est à dire, selon Galien en son liure des Tumeurs, tant les parties spermatiques, que charneuses ne sont de bonne consistence, ains qu'elles soyent laxes, aysemēt l'air s'introduit entre icelles & les peut alterer: ou repletion se doit entendre de ce qui est adioint au corps, comme à boire & manger, selon quoy il vaut mieux auoir pris quelques alimens ou medicamens au matin selon les circonstances posees au Probleme 12.

Doncques pour preuenir la Peste il faut estre plus plein que Vuide.

PROB. XV.

*Le Chirurgien est-il plus obligé au traitement des
Pestiferez que le Medecin & Appoticaire:
& peut-il trouver assurance au
pansement d'iceux ?*

AFFIRMATION.



ELA est sans doubte que le Chirurgien a plus d'obligation par le droit de son art au traitement des Pestiferez que les autres instrumens de la Medecine. D'autant que comme a dict de Cauliac au traitt. 6. en la doct. i. au chap. i. non seulement on a recours au Chirurgien pour le traitement des apostemes, playes, vlceres, fractures & luxations, mais aussi des maladies veneneuses, sous lesquelles est comprise la Peste. D'auantage la Peste n'est gueres sans bubons, charbons, & telles autres pustules, lesquels accidens sont du ressort du Chirurgien. Finalement c'est qu'à l'euenemēt de la Peste, la Iustice, qui est celle qui distribue à chacun ce qu'il luy appartient, a plu-

stost recours aux Chirurgiens qu'à nuls autres. Quant à la seconde partie, cela est aussi sans doute, que le Chirurgien peut trouver assurance au pansement des Pestiferez, d'autant que c'est la vocation en laquelle Dieu l'a appelé; & par ainsi que comme il l'a choisi en l'execution d'un tel art, aussi le garentira-il d'un tel mal. Parquoy le Chirurgien est plus obligé au traitement des Pestiferez que le Medecin ny Apoticaire, & peut trouver assurance au pansement d'iceux.

NEGATION.

Au contraire ie doute, la Peste estant vne maladie incogne, qu'elle ne doit estre plustost sollicitée par le Chirurgien que par le Medecin & Apoticaire: d'autant que comme a dict Galien en sa Meth. La Diete la Pharmacie & la Chirurgie, sont instrumens communs à la cure de toutes les maladies. Outre Tagault en son Institution Chirurgicale, & apres luy Gourmelan au l. li. de son art Chirurgique, disent que le Chirurgien a seulement à faire trois choses, qui s'ont, la Synthese, la Dierese, & l'Exerese.

La Synthese, c'est à dire rejoindre ce qui a esté diuisé au corps humain par la violence de l'arquebufade, de l'espee, de la lance, ou instrumens semblables, ayant faict playe, d'où s'en suit apres vlcere.

La Dierese, c'est à dire diuiser ce qui est continu, pour donner passage à faire sortir ce qui est estranger au corps humain, comme la boue en l'ouuerture d'vne aposteme, ou les grumeaux de sang parsemez sous le crane, par le trepan.

L'Exerese, c'est à dire extractiõ des choses qui sont logees au corps de l'homme naturellement ou accidentalement: comme l'enfant, l'arrierefaix, les dents, les balles, traits & esquilles.

Or est-il que la Peste n'est contenuë dessous l'vne ny deffous l'autre partie: & par ainsi le traitement d'ieelle n'est non plus de l'appannage du Chirurgien que du Medecin & Pharmatien.

Touchant la seconde partie, ie dy qu'il est impossible que le Chirurgien puisse trouuer assurance au pansement des Pestiferéz, à cause que c'est vne maladie qui n'a exception d'âges, de sexe, de complexions ny de conditions. Parquoy le Chi-

Chirurgien n'est non plus obligé au traitement des Pestifereux que le Medecin & Apoticaire, & ne peut trouver assurance au pansement d'iceux.

CONCLUSION.

Faut remarquer, que la Chirurgie se prend en deux façons, c'est à sçavoir en special & en general, ou estroittement & largement. Que si on considere la Chirurgie specialement ou estroittement prise, sans doute le pansement des Pestifereux n'appartient non plus à la Chirurgie qu'à d'autres parties de la Medecine Therapeutique. Mais si on la considere generalement ou largement, faut croire que le Chirurgien est plus obligé au traitement de la Peste que le Medecin & Pharmacien: d'autant que comme il est le dernier en l'acte de santé, aussi est-il le premier en l'œuvre de curation des maladies externes, qui l'oblige de sçavoir.

La Physiologie, c'est à dire les 7. choses naturelles dont le corps humain est construit & composé, qui sont les elements, temperamens, humeurs, esprits, parties, puissances & operations.

L'Hygiène ou les six choses non naturelles, n'entrent en la cōposition de l'homme, ains deuement administrees luy sont salutaires, à sçauoir l'air, boire, manger, dormir, veiller, reposer, trauailler, plénitude, vuidange, & les perturbations de l'esprit.

La Pathologie, c'est à dire les trois choses qui sont contre nature, cōme la cause qui est primitiue, antecedēte ou cōjointe: la maladie qui gist en intēperature, mauuaise cōformation, & solutiō d'vnité: & le symptome, en qualité changee, exctetion ou retention desmesuree, & action blessée en diminution, deprauation & abolition.

La Semiotique, c'est à dire les trois signes Anamnistiques, qui demōstre le mal auoir esté, Diagnostique qu'il est present, & Prognostic que la maladie aduendra: de quoy il a desia esté parlé au 7. Probleme.

La Therapeutique ou les trois manieres de guarir: Diete qui consiste en la façon & maniere de viure selon la complexion du malade, la nature de la maladie, & des accēz, comme il est dict au 1. des Aphorismes: Pharmacie, qui fait l'election, la preparation & composition des medicamens,

tant pris par dedans qu'appliquez par dehors, selon les indications des Medecins & Chirurgiens. Chirurgie qui fournit de machines, lacs, bandes, fers, & de feu.

Or le Chirurgien cognoissant ces choses susdites, & par dessus ayant l'adresse & agilité de la main, n'y a-il donc pas apparence qu'il est plus obligé au traitement des Pestiferez que le Medecin & Pharmacien ? premiere pointe à la verité qui luy est beaucoup plus dommageable que profitable.

Quant à l'assurance que le Chirurgien doit trouuer au pansement des pestiferez, cela est bien vray, comme disoit ceste Secte de Medecine en Guidon, que Dieu permet & oste les maladies quand il luy plaist: mais aussi cela est-il veritable que ce seroit vne temerité à vn Chirurgien, si à l'estourdy il s'employoit à cet office sans vser des remedes que Dieu a baillez pour son vtilité & conseruation, comme il est porté en l'Ecclesiaste: De maniere que le Chirurgien qui se delibere de traiter les pestiferez doit considerer premier que d'entreprendre cet office, que Dieu le peut preseruer & garentir d'vn tel danger aussi

bien qu'il fit Dauid au milieu de septante mil pestiferez: Et quand bien il ne s'exposeroit à vn tel deuoir, il ne luy pourroit pas moins arriuer qu'au couard soldat en Plutarque, qui ne laissa d'estre blessé à mort en s'en fuyant.

Doit mediter aussi qu'il n'y a rien en la concauité de ce globe qui n'ait quelque pose ou relasche excepté la mort, laquelle galoppe de telle façon apres nous, soit en beuuant & mangeant, en dormant & veillant, qu'elle est tousiours en croupe derriere nous; car il n'y a point de seure cachette contre elle, & comme dit le Prophete Royal Psal. 139. Si ie prens les ailes de l'aube du jour, & que i'habite aux dernieres parties de la mer, ta dextre m'empoignera: qui faiët qu'elle nous trouue aussi bien ne pansant les pestiferez que les pansant.

Cela estant donq ainsi consideré par le Chirurgien, & ayät pris vne saincte resolu-tiõ, de secourir plustost son frere Chrestié par charité, que par lucre, ou autre mauuaise intention, avec vne ferme foy que Dieu le conseruera, ira hardiment exercer sa vacation. Considerant ce qu'il a à faire

faire premier que de panser les pestiferez : jugeant ce qu'il doit faire en les pansant : & ce qu'il fera apres les auoir pansez, la contagion passée.

Pour le premier, Messieurs de la Police ayans satisfait à leur deuoir en son endroit, faut qu'il preste le serment de bien & fidelement secourir le public, sans fauoriser les vns plus que les autres : puis que son salaire depéd de la masse cômune de la ville: plus il se doit deliberer d'abâdonner sa maison, sa femme & ses enfans (s'il en a) prenant d'eux vn tel congé, comme fait celuy qui se prepare d'aller à vn lointain & dangereux voyage, ou bien comme celuy qui a la pointe d'vne furieuse bataille: & pour ce disposera de son ame.

Outre s'asseurera de quelque compaignon, ou se resouldra à prendre quelques loyaux seruiteurs, de peur qu'estant malade il ne soit abandonné.

Après il doit s'armer de l'equipage que ce diuin Vulcan luy a preparé, côme à vn autre Achile, qui sont les alimés & les medicamens pris comme il appartient.

Pour les alimens, il aura recours au Probleme 10. où il est parlé de la precaution

de ceste maladie : Quant aux medecaments, il y en a qu'il doit prendre interieurement, & d'autres qu'il doit porter exterieurement. Mais auparauant l'vsage d'iceux il doit preparer son corps à en receuoir le profit : Ce qu'il fera si apres auoir cōferé avec quelque sien amy Medecin il se purge & saigne selon la cacochymie & plenitude qu'il sentira estre en luy : puis auoir soin de la troisieme region, qui est celle de quoy on se soulage le moins, & qui est en ceste maladie la plus preiudiciable, d'autant que les vapeurs qui s'esleuent du dedans & profond du corps, s'arrestans quelquefois entre les muscles & leur membrane, comme autrefois entre elle & le panicule charneux, & le plus souuent entre iceluy & la peau, estant arrestee sous icelles par leur densité, se conuertissent en eaux (retenāt la qualité des substances d'où elles viennent) ne plus ne moins que les vapeurs de la terre en la moyenne region du Ciel, lesquelles croupissant entre les vnes & autres especes se pourrissent, & prestēt la main à la corruption de l'air : d'où viēt qu'en estant entachee bailent le long du dos des herissonnemens &

entre les deux espauls des frissons , pour l'interperie qu'elles font aux nerfs, sortās de la moüelle espiniere , & à ceux la qui sont es muscles eschiniers. Pour à quoy obuier apres la susdicte preparation il vsera par quatre matinees six onces à la fois d'vne decoction tiede, faicte avec vne demie drachme de racine d'angelique & vne drachme de celle de false pareille: avec autāt de rapure de cœur de gayac, & bois de sasafras sur vne quarte d'eau de Licorne, qui reuiēdra tāt à l'infusion, qu'à l'ebullition au bain-marie à la moitié , qui sera vne pinte, faisant 24. onces : ayant pris ceste decoction se mettra au liēt, & se fera mediocrement couurir , & appliquer aux pieds & à l'endroit des deux espauls trois bouteilles d'eau bouillante : puis comme la sueur l'aura tenu quelque demie heure il se fera essuyer & se mettre nud en vn drap à l'autre costé du liēt , demie heure apres prēdra la chemise , puis vn bouillon faict avec force ozeille , laitues, bouröche & buglose, & petit de beure frais salé, vne heure apres se leuera & disnera avecques de la chair de mouton , veau ou volaille assaisonnee de verius, d'orange, ou ci-

tron, gardant la chambre, à soupper enuiron les six heures prendra d'vn poulet ou de la viande susdite rostie, assaisonnee comme il a esté dict, & sur les dix heures au soir prendra vne demie dragme de l'opiate descrite au Probleme 10. Le cinquiesme iour il se reposera, & s'il n'auoit esté à la selle prédroit vn clystere emolliet: & le lendemain matin, se fera lauer tout le corps avec vne esponge trempee dedans de bon vin vermeil tiede, où on mettra vn tiers d'eau rose, & vn petit de jus de citron: afin que comme on a ouuert les pores pour faire sortir la serosité, on les referre pour fermer la porte au venin: estant ainsi par tout bien laué sera enuveloppé d'vn linceul chaud, & se reposera deux ou trois heures au liét, vsant de la maniere de viure & de son opiate, tablette, ou trociques alexitaires, tantost de l'vn, autretrois de l'autre, s'appliquera au bras gauche vn cautere, & vn autre à la jambe droicte au lieu le plus cōmode pour luy, car s'il alloit à cheual il seroit mieux dehors jambe. Exterieurement portera sur soy escussions, pommes, chappelets, ou boules perforees ainsi qu'il a esté dict au

mesme Probleme, ne s'exposât encores de sept ou huit iours au pansement desdits pestiferez qu'il n'ait rengendré des esprits nouveaux, & des forces valides, portant vn habit non trop chaud ne trop froid, & sur tout que l'estofe en soit liffée & non decoupee.

Pour le second point, qui est de ce qu'il doit faire en pansant les pestiferez, il considerera que le sujet qu'il a à traiter n'est bois ny pierre : ains le plus excellent & admirable que Dieu aye iamais fait, qui contient en son racoursissement vne Ame qui est l'image de son facteur, & vn corps, où sont enferrees les parcelles de ce grand vniuers, qui a meu les Grecs de l'appeler Microcosme, qui fait que d'autant plus qu'il est excellent, d'autant plus il doit estre religieux à le soigner en son ame & en son corps.

En son ame, il le doit exhorter (s'il n'y a homme d'Eglise) à se retourner à Dieu, en luy demadant pardon de ses fautes commises, l'asseurant qu'il est si misericordieux, qu'il le soulagera de ceste tribulation, & tournera ceste affliction en vn salut meilleur qu'il ne peut esperer, confi-

derát que rien ne vient de sa part, qu'il ne soit bon & iuste : & quád bien il luy plairoit le tirer de ce monde, que c'est sa felicité, veu que ceste vie n'est enjoluee que de misere & calamité, ainsi qu'a dict Iob en son chap. 14. Que s'il porte son mal patiemment, & qu'il se retourne à Dieu suivant les ordonnances de son Eglise, faut qu'il croye, qu'il enseuelira ses pechez au profond de la mer, sans iamais en auoir de memoire, comme nous assure Esaye: & qu'il luy fera comme à ce pauvre paralytique (si tant est que sa foy soit semblable,) le restituant sain d'ame & de corps, par l'absence du peché & de la maladie, pour viure delà en auát avec vne heureuse & saincte santé. Estant armé comme il viét d'estre dict au premier poinct, doit reconnoistre son champ de bataille, & faire en sorte qu'il n'ait iamais la poussiere ny le Soleil à la visiere, c'est à dire que l'halaine des malades, ny les vapeurs de leurs excremens ne soyent attirées par le flair. Auant que de les abborder aura desieuné ou pris des alexitaires, & par dessus son habit vne grande quasaque de traillis noir, tiendra en sa bouche cloud de gi-

roffe, canelle, angelique, Theriaque & semblable : afin qu'en l'inspiration l'air soit corrigé auant que d'aller au cœur : commandera aux gardes d'oster les excremens d'autour du liect, & de souleuer deux ou trois fois le drap avec la conuicture de chacun malade pour faire sortir le mauvais air qui se seroit engendré & croupy la nuit ou le iour. Aura ses appareils tout faits, qui seront portez deuant luy avec vn rehaut, dans lequel on meslera poudre, ou scobes de cedre, d'orangers, citronniers, ou quelque chose faisant fumee cordiale, fera jetter les appareils sortant des vlcères & tumeurs dedans le feu, se donnant de garde d'en auoir la senteur. Ayant fait, retournera en sa chambre changer d'habits, ou au moins se mettre deuant le feu, & se lauer les mains & le visage de bon vin vermeil, puis prendra son repas ou s'en ira promener, & continuer ainsi chaque iour.

— Finalement la contagion estant cessée doit faire vne honneste retraicte, en rendant graces à Dieu de l'auoir liberé d'vn tel naufrage, mais auant que de retourner chez soy, laissera escouler 20. ou 30.

iours, changera d'habits & d'air, se fera purger & saigner (si besoin est) continuera vne bonne maniere de viure; puis estant retiré chez soy sçaura de Messieurs de la Police, quand ils trouueront agreable qu'il les aille saluer, leur remonstrant qu'il croit auoir satisfait à la promesse qu'il leur auoit il y a tant de temps fait, que s'il a manqué quelque chose en son deuoir qu'il en attend la reproche de ce-luy qui l'a conserué au milieu de tant de mille morts, & entre tant de malades eschappez, qui sont tesmoins de ses actions: les suppliant de le conseruer en leur promesse, ce que faisant il demeurera leur seruiteur & de la republique.

Et de fait tels personnages doiuent estre chers (jen'entés pas vn tas de petits coupe-gorges qui s'exposent pour le lucre, ou pour le gain de la maistrise, à laquelle ils sçauent bien ne iamais aspirer sans desespoir) en vne republique ne plus ne moins que furent jadis en des Royumes, vn Ioseph, vn Aman, & vn Dauid: puis que par leur art, selon la volonté de Dieu ils ont remis la vie à tant de peuple. Certes ce n'est pas peu, se donner pour

l'autrui, & n'y a rien de caduc qui sceust
 contenter vne si sainte action, suppliant
 neantmoins sa diuine Majesté, qu'il luy
 plaise nous faire la grace, que iamais
 n'ayons à faire de tels
 Marcs Curfes.

*Doncques le Chirurgien est plus obligé au traite-
 ment des Pestifereux que le Medecin ny Apo-
 ticaire, & peut trouuer assurance au
 pansement d'iceux.*



PROB. XVI.

*Doit-on recevoir toutes sortes de Chirurgiens au
pansement des Pestiferez?*

AFFIRMATION.

Ln'y a rien si ardent que la charité, comme a dict saint Paul aux Romains: d'autant qu'elle brusle toujours sans s'esteindre: ce qui n'est de la foy ny de l'esperance, qui s'esvanoüissent avec nostre vie. Or voudriez-vous vne plus grande charité que de visiter les pauvres malades, nommément ceux qui sont vexez de la contagion, lesquels ordinairement sont delaissez & abandonnez d'un chacun, nous môstrans en cela beaucoup pires que les Turcs & Payens, car pour quelque maladie qu'ils ayent, ne se denient le secours les vns aux autres. C'est pourquoy tous ceux qui se presenteront à tel office doiuent estre receuz.

NEGATION.

C'est vne belle vertu que la charité, mais

il faut qu'elle soit accompagnée de ses circonstances, qui sont l'amour de Dieu & de son prochain. Or de recevoir indifferement toutes sortes de Chirurgiens au pansement des Pestiferez, ce n'est pas charité: d'autant qu'ils s'en peut presenter avec bonne volonté qui n'auront pas l'expérience de panser ceste maladie, voire qui nuiront plus aux pauvres malades qu'ils ne leur profiteront. Partant on ne doit recevoir toutes sortes de Chirurgiens au pansement des pestiferez.

CONCLVSION.

C'a esté vne tres-grande prudence à Messieurs nos Magistrats, de n'auoir receu ceste année indifferement tous ceux qui se sont offerts au pansement des Pestiferez: d'autant que c'est autre chose d'estre Chirurgien de nom, & autre de l'estre par effect. C'est autre chose, dis-je, d'estre qualifié au moyen d'auoir fait les beaux actes requis & necessaires pour attendre la qualité de Maistre, & autre de la vouloir acquerir. C'est pourquoy il y en a eu plusieurs es années dernieres, pour l'affection

qu'ils ont eue de iouyr d'un tel tiltre, cognoiffans n'y pouuoir grimper par la vertu, ont cherché des chemins obliques: les vns par procez, & les autres par defefpoir, fe plongeans fans science ny experience au traitement de ceste maladie, pour obtenir ceste franchise: ou bien s'y font hazardez par vne neceffité mendiante, d'où s'est enfuiui deux grâdes incommoditez: l'une d'auoir mal feruy les malades, vifant plus à la iouyffance de la Maiftrife, ou à l'argent, qu'à la fanté des pauures gens. Or s'il y a maladie où il s'offre plus d'accidens, de bourafques & tempeftes, c'est principalement en celle-cy, & par confequent où il est requis des pilotes & Chirurgiens tres-experts.

L'autre d'auoir alteré le corps des Maiftres Barbiers Chirurgiens, qui du tēps de Thierry de Hery, & Ambroife Paré eftoit l'œil de ceste France, pour n'entrer en ce corps que des hommes de merite (cōme il y en a encores pour le present vn affez bon nombre) & auiourd'huy est réply pour la plus part d'hommes qui l'offufquent plus que de luy bailler luftre.

A quoy Meffieurs ont pourueu par

deux moyens: l'un par arrest, qu'aucun n'entrera d'oresnauant en ce corps sans faire l'experience accoustumee, telle que nous deduirons en autre lieu: L'autre, qu'il y aura des gages pour les Maistres qui s'exposeront pour le public: cōme estant chose raisonnable que ceux qui vacquent à telle charge soient recompensez du mesme public (& non point d'un seul corps, ainsi qu'a faict le nostre iusques à huy.) Cela estant les malades seront secourus, & les ieunes hommes estudians ne s'attendront plus à bastir leur fortune sur vne nuee pestilente, comme ils faisoient par le passé.

Doncques on ne doit receuoir toutes sortes de Chirurgiens au pansement des Pestiferex

PROB. XVII.

Peut-on curer la Peste par indication?

AFFIRMATION.

SI ce que dit le Philosophe est vrai, qu'il n'y a rien en nostre hemisphere qui n'ait son competitor, & comme a dict l'oracle en Medecine, qu'il n'y a maladie qui n'aye son remede: il est aisé à conclure de là que la cure de la Peste se fait par indication tiree de son contraire. Aussi voyons-nous que pour l'expulsion des maladies, il faut auoir recours à l'indication, laquelle conduit le Chirurgien au doigt & à l'œil à la cognoissance des dispositions premieres & secondes: puis au genre des causes & symptomes: & finalement à la nature des remedes. C'est pourquoy le Galien a dict au liure *de optima secta*, chap. 2. que l'intention curatiue des maladies ne se descouuroit que par la seule indication. Et pour dire vray, si la cure de la Peste ne se faisoit par indication, il faudroit accuser, non seulement Hippo-

crates & Galien, mais aussi ceux qui les ont suivis d'imperitie. Ce qui n'est, d'autant qu'ils sont la fontaine de la Chirurgie rationale, d'où les vrais Chirurgiens ont appris la cognoissance du corps humain, des maladies qui l'affligent, & des remedes pour les en chasser: qui demonstre bien qu'on peut curer la Peste par indication.

NEGATION.

Tout ainsi que ceux qui marchent en vne tres-obscure nuit, ne sçauent où ils vont, pour l'absence du medium requis à l'action, entre l'organe & l'obiet: tout de mesme est-il en la cure de la Peste: car encores que ceux qui s'exposent au traitement de ceste maladie soient de tres-suffisans personages, si est-ce que leurs actiōs en la cure de ceste maladie sont comme celles des auégles en l'ordonnance de quelque beau tableau: d'autant que la cure d'vne maladie se tire de la nature & essence d'icelle. Mais en la Peste il est dit tout impossible de penetrer en ceste cognoissance, ainsi qu'il a esté deduit au 1. & 2. Probleme: Et de fait argumentant de plus au moins, l'on void que quelque arti-

fice qu'on ait peu apporter, ny que l'on
 apporte, qu'il en meurt toujours plus
 qu'il n'en refchappe. Dauantage, nous
 voyons que les remedes que l'on ordonne
 pour la cure d'icelle maladie, se tournent
 pluftoft en poison qu'en guerifon: car
 ceux aufquels on n'a vſé de remedes, ſen-
 tent le mal ſ'appaiſer de ſoy-mefme, & fai-
 re ſes éuiers, comme faiët vne grande in-
 ondation, au deuant de laquelle rien ne
 peut reſiſter, que l'obeiffance: Et au con-
 traire ceux qui vſent de tels remedes ſen-
 tent leurs forces abbatues, pour ne pou-
 uoir reſiſter au medicament & au venin
 tout enſemble: d'où vient que Celfe au 7.
 chap. du 3. liure diët qu'on ne peut vſer de
 remedes en la Peſte qu'aucc temerité: De
 faiët ie me ſuis pleü à diſcourir de ce mal
 avec les plus grands Medecins de noſtre
 temps: mais à la queſtion, Qu'eſt-ce que
 la Peſte? la reſponſe eſt, Ie ne ſçay que c'eſt
 de la Peſte. Or ſi les doctes Medecins ne
 ſçauent que c'eſt de la Peſte, comment ſe
 curereroit-elle par indication, qui ſuppoſe
 vne parfaicte cognoiſſance de ce que l'on
 faiët? Partant la Peſte ne ſe peut curer par
 indication.

CONCLUSION.

Pour accorder ceste grande cōtrouerse il faut remarquer les causes des maladies estre manifestes ou occultes. Aux maladies qui ont leurs causes manifestes, l'indication suffit pour leur curation, d'autant qu'elle est bastante à descouurir ce qui est de la nature de sa cause, de ses accidents, & remedes conuenables tant pour l'entretien de ce qui est selon nature par son semblable, que pour l'expulsion de ce qui est contre nature par son contraire. Mais à celles qui ont leurs causes occultes ou cachees, ou elles ont esté de tout temps, ou elles sont nouvelles & n'ont iamais encorés esté. Que si elles ont esté de tout temps, elles tiennent de la nature des veneneuses, & pour ce à leur endroit l'indication a perdu son escrime, & alors il faut auoir recours à l'experience qui nous fournit de remedes, desquels on se contente de l'effect, sans pouuoir penetrer en la raison de leur cause: comme a deduit Galien au 10. chap. du 5. de la Method. & au 3. chap. du 11. des simples, parlant de la poudre des chancres pour la morsure du

chien enragé. Que si les maladies sont nouvelles & n'ont encores esté, faut auoir recours (comme aduertit le Galien en II. chapitre du liure de *optima secta*) à l'analogisme, c'est à dire à la comparaison de celles-cy avec celles-là, tant pour le symbole des symptomes, que de la similitude des remedes: Et de fait, vne telle obseruation a esté faite au commencement de la cure de la grosse verolle, en considerant que le vif argent profitoit aux galles & scabies. Or la Peste est vne maladie qui a ses causes occultes, & neant-moins qui a de tout temps esté: partant les remedes que l'on exhibe pour la cure d'icelle ne se tiret que de l'experience: comme ont fait ceux de tous les autres venins, pour ausquels obuier les antiens ont trouué par ce moyen diuers & particuliers remedes lesquels i'exposeray incontinent.

Les remedes dont on a eu l'experience pour la cure de la Peste sont infinis, desquels il faut considerer la nature & l'usage des principaux.

La nature de ces remedes est d'estre simples, c'est à dire tels que la nature les produit; ou composez selon que le Chirurgien

gier & Apptocaire les construit.

Les remedes simples sont animez & inanimez : les animez s'employēt en leur totalité, ou parties : en leur totalité, comme scorpions, lezards, cantarides &c. En leurs parties, cōme pierre diaconite, langue de serps, licorne, corne de cerf, & rinocere, crapaudine, bezahar, perles. Les inanimez sont, metaux, mineraux & vegetaux, les metaux sont l'or, l'argent & le vif argent. Les mineraux sont, comme le diamant, le saphir, la hyacinthe, l'esmeraude, pierre prassine, bol, terre fallée, corails. Les vegetaux sont, racines, fueilles, fleurs, fruits, semences & liqueurs.

Les racines sont celles d'angelique, de tormentille, chardon benist, ail, oignon, morsus diaboli &c. Les fueilles sont celles de l'imperiale, scabieuse, scordion, morsus, veruaine, ruë, valeriane, & soucy. Les fleurs sont celles de safran, girofle, roze, œillets, bouroche, buglose & de viole. Les fruits sont citrons, oranges, grenades, figues, raisins, pruneaux, geneure, noix vieilles. Les semences sont de chardon benist, de lierre, & d'yeble : les liqueurs sont le baulme vray, le bon vin,

l'eau de vie, eau de scabieuse, eau de bou-
roche, de buglose, de chardon benist, d'o-
zeille, royne des prez, scordion, trefle, &
de melisse.

Les composez sont les medicaments
qui sont faictz de plusieurs & diuers sim-
ples, lesquels i'ay extraits tant des bons
auteurs, que de mon manuscrit.

Or de ces medicamēs les vns sont pour
prendre interieurement, & les autres pour
appliquer exterieurement. Les remedes
qui se doiuent prendre interieurement
extraits des bōs auteurs sont en forme de
breuuage, iulep, conserue, oppiate, ta-
blette, pilules, clysteres & suppositoires.

Le breuuage peut estre faict de trois on-
ces d'eaux cordiales, avec autant de cel-
les de vlmaria, & dissouldre vne drachme
de bonne theriaque.

Iulep. Pr. eau de melisse, & scabieuse de
chacū 2. onces, eau imperiale, demie once,
sirop de limōs & ius de citron de chacun 1.
once, cōfection d'hiacinthe vne drachme.

Conserue. P. Cōserues de roses, de bou-
roche, de buglose, de viole, de chacū deux
onces, theriaque vne drachme, avec vn
petit de sirop de limons.

L'oppiate se fait avec l'electuaire d'œuf, deux drachmes, confection alkermes & theriaque, de chacū demie drachme, poudre de diamargariton froid vn scrupule, avec sirop violat ou de grenade, soit faicte oppiate couuerte de fucille d'or.

Tablettes se font avec poudre de gemmes & perles, de chacun deux scrupules, razure de licorne & pouldre de bezahar, de chacun dix grains, avec sucre dissolt en eau rose, soit faict tablettes.

Pillules. Prenez poudre de musc doux & diamargariton froid, de chacun deux drachmes, poudre de roses vne drachme & demie, poudre de mercure six drachmes, soyent faictes pillules, desquelles on prendra vne de grad matin par chacune sepmaine pour la preservation, & trois par diuerses fois la sepmaine pour la curation.

La poudre de mercure doit estre preparee avec vne once des quatre eaux cordiales & vne once & demie d'eau de vie, laissant tremper vne nuit & demy iour six drachmes de ladicte poudre: puis oster l'eau & laisser seicher, ou employer ladicte poudre.

Clistere. Fueilles de mauues, violiers,

mercuise, paritoire, soit fait le tout bouillir en eau cômune, de laquelle en fera pris vne chopine où l'on dissoudra confection hamec, diaprunis laxatif de chacū demie once, theriaque trois drachmes, huile de lis ou beurre frais trois onces, s'il y auoit grande douleur il se faudroit contenter d'vne once de casse, s'il y auoit erosion aux boyaux, on mettroit seulement lait & beurre frais.

Suppositoire. Miel cuit vne once, hiere picre & sel commun, de chacun demie drachme, ou vn quartier de fauon.

Les remedes qui se doiuent appliquer exterieuremēt sont frōtaux, poignets, epitemes, embrocations, cataplasmes, vnguēts.

Les frōtaux, se peuuēt faire avec demie once de conserue de rose & autāt de celle de fleurs cordiales, adioustant vn petit de mithridat: que si la chaleur estoit grande au front on pōurroit prendre celle de nenuphar, & si la douleur estoit plus violente que la chaleur, on vseroit de celle de betoyne, & là où le malade seroit entré en resuerie sans pouuoir reposer, on peut prendre deux onces d'huile rosat & de neuuphar, huile de pauot demie once, vne

drachme d'opio avec vne once de vinaigre rosat, & demie once de camphre, le renou-
ueler de trois heures en trois heures.

Les poignets doiuent estre faicts de mes-
me estoife, estendus sur linges longs & lar-
ges de trois doigts, qui entournent les car-
pes ou brasselets.

Les epithemes se font d'eaux de rose, de
plantain, de morelle, de melisse, de bouro-
che, de buglose, de chardõ benist, d'ozcil-
le, de nenuphar, de vins, d'Orleans, d'Iran-
cy, Suraine, de celuy de grenades & ceri-
ses, de vinaigre commun rosat, surat,
d'ails, de poudres de girofle, de bol ar-
mene, de terre sigillee, zedouaire, angeli-
que, sandaux, corails, diamargariton
froid, & camphre. Conserues de rose,
bouroche, buglose, viole, theriaque &
mithridat.

Or pour la composition il faut prendre
de ces drogues de chacũ de deux ou trois
sortes sous diuerses doses: comme des
eaux de chacun trois onces, des vins &
vinaigre de chacun deux onces, des pou-
dres deux drachmes, des conserues vne
drachme & demie de chacune, theriaque
& mithridat de chacũ vne drachme, pour

appliquer tiede sur le cœur & le foye.

Les embrocations s'appliquēt ordinairement sur les reins, c'est pourquoy on prendra de l'huile rosat batue en eau rose avec vn petit de vinaigre, ou le cerat refrigerant de Galien, ou l'onguent rosat, mesme renouuelez souuent.

Les vnguents se peuent faire en prenant trois onces d'vnguent rosat, demie once d'huile de nenuphar, avec vne once d'eau rose & de bon vinaigre, adioustant vne drachme de bonne theriaque & demie drachme de safran. On en peut faire d'autre avec jus de limons, de citrōs, poudre de roses, coraux & bol.

Les cataplasmes se peuent faire avec des cōserues cordiales, d'vne drachme de bon theriaque, avec vn peu de poudre de bol & sirop de limons, pour en faire la liaison & appliquer sur le cœur.

Les medicamens que j'ay extraits de mon manuscrit qui ont esté approuuez par diuerses fois sur vne infinité de personnes sont plusieurs.

Le 1.^{er} c'est qu'il faut prendre au mois de Septembre du fruiet meur de suzeau & l'espraindre dedans vn linge, & dessus

vne pinte de ce ius on adiouſtera vne petite cuillerce de ſel : puis mettre le tout dedans vne phiole de verre bien eſtoupée. Et quād on ſera frappé les hōmes en peuuent prendre vn bon poſſon, les femmes vn petit moins, & les enfans la moitié de la moitié dudiſt poſſon. Ce remede a vne telle vertu qu'il dompte le venim peſtilēt & ayde à nature à le chaſſer par ſueur hors du corps: que ſi on eſt fort l'ayant pris il ſe faut promener le plus qu'il ſera poſſible; que ſi on eſt trop debile il ſe faut mettre au liēt & ſe faire biē couvrir, & apres la ſueur ſe faire bien eſſuier.

Le 2. prenez vn demy verre de ius de fueilles de ſoucy avec autant de vin blanc, & apres'eſtre promené ſe faut mettre au liēt pour ſuer.

Le 3. prenez fueilles de meliſſe, ruë, ſcabieufe de chacun vne petite poignée, lesquelles on pilera dedans vn mortier avec vn demy ſeptier de bō vin blāc pour en tirer le jus au trauers d'vn linge: & ſe mettre au liēt ſe faiſant couvrir & receuoir la ſueur.

Le quatrieſme eſt prendre vne poignée de menthe velue, abſinthe, chelidoine,

ruë, en pareille quantité, ferez piler le tout ensemble, y adioustant vne chopin de vin blanc: puis mettre parmy vne poignée de racine de gentiane, angelique, enule campane, herbe & racine de tormentille, que vous pilerez avec lesdits simples, les laissant tremper dedans vn pot neuf enuiron vingt & quatre heures, en apres estant destoupé verserez sur le tout vne chopine d'eau de vie, & remuez le tout avec vn baston de genest, par apres passerez le tout par vn linge, l'exprimant fort, afin que la vertu des ius en sorte: puis reseruer la liqueur en fiole de verre qui sera bien estoupee de peur qu'elle ne s'esuete. Qui en voudra faire en plus grande quantité, ou plus petite n'aura qu'à augmenter ou diminuer les ingrediés. Le moyen d'en vser est, que dedans vingt quatre heures que l'on aura esté frappé, d'en prendre vn poisson, & se faire bien couvrir & suer, & pour la precaution en mettre dedans les oreilles, le nez, & vn petit dedans la bouche au matin.

Le 5. est l'oppiate d'œuf qui est merueilleuse en telle maladie. Prenez vn œuf de poule fraichement pondu, & le per-

cez par les deux bouts de la grandeur d'un poix, en apres soufflez par l'un des bouts pour en faire sortir le blanc, lequel estant hors introduirez par l'un & l'autre bout du safran environ autant que la moitié du blanc d'œuf qui sera forté: puis boucher les deux trous avec deux emplâtres de paste ou de leuain, & le mettez durcir au four, en apres osterez la coquille & reduirez le jaune d'œuf & safran en poudre tres-subtille, que vous mellerez avec celle d'angelique, morsus, dictam, zeduaire, pinpinelle, de chacune deux drachmes, vieille theriaque trois onces, puis avec eau de scabieuse soit faicte oppiate. L'usage est la pesanteur d'un escu avec quatre onces des eaux cordiales, plus ou moins selon les plus forts & plus foibles.

Le 6. & dernier est de bonne theriaque bien esprouuee, laquelle surpasse tous les antidotes à rompre la violence de la Peste, & la chasser hors du corps, tant par vne proprieté manifeste, que par vne faculté occulte. Car elle est composee de medicaments qui agissent qualitatiuement, & d'autres qui operent formellement. Entre les medicaments qui agissent de leurs qua-

litez manifestes, sont lors trocisques de scylla, iris de Florence, gingembre, aristoloché & autres, qui par tenuité de parties chaloureuses ont vertu de resouldre & esuacuer insensiblement le venin: Ceux qui agissent par propriété de substance, sont le scordion, le dictam, quinte feuille, terre scellee, & autres qui dōte tel venin. Mais ce qui est plus remarquable, c'est qu'il entre en la composition de la chair de vipere, laquelle par vne similitude de substance, attirant à soy le venin, le trahit en le liurāt entre la main de ses ennemis qui sont les medicamēts chaloureux qui le dissipēt & le ruynēt en s'opposant à la transmutation de la substance de nostre corps, qu'il pourroit faire en la sienne veneneuse, sans vne telle ruze medecinale.

Faut remarquer vne chose bien notable, & d'où on pourroit s'esbahir si au iourd'huy on ne trouue tel effect en la theriaque quel'on espere, d'autant que plusieurs qui en vsent, ne sçauent pas, que la theriaquen'a non plus d'esgard à vne partie noble qu'à vne autre, c'est pourquoy Rōdellet en sa Methode au chapitre de la douleur de teste, a bonne grace quand il dict

que quiconque en veut vser, faut qu'il luy baille vn guide pour la conduire au lieu affligé: comme si c'est le cœur, la faut dissoudre en eau de buglose; au cerueau, avec celle de betoyne, & au foye avec celle de cichoree. En outre si la fieure estoit tres-ardante on choisira les eaux cordiaques, refrigerantes, comme est celle d'ozeille avec la nouvelle theriaque, c'est à dire qui est faicte il y a enuiron vn an, d'autant qu'elle eschauffe moins à raison que l'opion qui entre en sa composition iusques à trois onces n'a point encores perdu sa vertu refrigeratiue, laquelle se diminue par la longueur du temps. Mais si la fiebure n'est beaucoup violente on choisira la vieille theriaque que l'on deleyera en eau qui aye vertu d'eschauffer, comme celle de melisse.

Or quand i'ay dict de bonne theriaque bien esprouuée je n'entēds pas de celle de nos Charlatans qui en vsent (l'Esté apres s'estre bien farcis l'estomac de sallade fort huillée, & l'Hyuer de tripes grasses) pour, disent-ils, les garantir du poison qu'ils ont pris deuant tant de nigaux qui ne sçauent pas qu'estans de retour en leur logis se

font vomir, & vuident tant la theriaque, que le poison. Mais i'entends de celle qui estant vraye theriaque, a puissance d'empescher l'operation du medicament purgatif, estant prise incontinent apres, qui est celle la mesme de laquelle estant mise vn morceau dedans la paume de la main, & avec le doigt index mouillé de salie & appliqué dessus, en la remuant, se met en plusieurs petits grains perlez. De telle theriaque on en peut baillet en Peste sous diuerses doses: comme aux hommes forts & robustes, iusques à trois drachmes avec six onces des quatre eaux cordiales; aux moins forts deux drachmes avec quatre onces desdites eaux: & aux foibles & debiles, vne drachme & demie, avec trois onces desdites eaux. Vn rustique m'a appris qu'une once de theriaque dissolt en quatre onces de fort vinaigre donnee à boire au malade & l'agiter & promener malgré luy, qu'incontinent il vomira & vuidera par bas beaucoup d'excrements: puis le laisser reposer chaudement dedans le lict, qu'apres il se trouuera sans Peste: il m'a assure en auoir fait prédre à plusieurs & luy-mesme en auoir vſé avec tel succez.

Ce qu'il faut obseruer pour executer tels remedes, c'est de considerer qu'il y en a qui doiuent estre premierement saignez, les autres non. Ceux qui doiuent estre saignez sont ceux-là qui ont apparencé de quelque tumeur enuiron les emôctoires, d'autant que nature monstre qu'il la faut secourir en tirant le venin qu'elle veut chasser. Au contraire ceux où ces choses n'apparoissent ne doiuent estre saignez à cause que nature ne demonstre où elle veut chasser le venin, par ainsi saignât on pourroit retirer en haut ce qu'elle voudroit chasser par bas.

C'est pourquoy i'ay faiët vn Probleme de la saignee & purgation à part. Doncques si quelqu'un se sent surprins de la Peste vsera de l'un ou de l'autre breuuage, selon qu'il le l'aura mieux à propos: puis ayant esté couché chaudement & receu la sueur iusques à tant qu'elle commence à gluer (s'il n'estoit trop foible) alors il le faut bien essuier, en cōmençant aux pieds avec fortes frictions: puis la moitié du corps estant ainsi bien essuyee descouurez le liët, & mettez sur sa poitrine vn chauffoir, sera mis en son seant & posé

vne alaise depuis le col iusques aux fesses, luy seront essuyez l'vn & l'autre bras, & finalement la teste; & changer de linge sec; le faut vn peu laisser reposer, & luy faire succer vn petit de pain rosty trempé en bon vin, & luy mettre vne epitheme sur la region du cœur telle qu'elle a esté cy deuant descrite pag. 119. la changeant en demie heure trois ou quatre fois: puis mettre vn cataplasme (tel qu'il a esté dict p. 120.) sur la regiõ du cœur, & luy mettre aussi vn frontau & des poignets. Cela fait prendra vn bouillon, ou vn jaune d'œuf, ou bien quatre ou cinq cuilleres de gelee.

Que s'il paroïssoit quelque glandule douloureuse proche de l'vne ou de l'autre emonctoire ne faut faillir à prendre du leuain vieil, la grosseur d'vn œuf, & l'amolli & estendre en façon d'emplastre, sur du linge en quatre doubles de la grandeur du fonds d'vn assiette, puis l'arrouferez de fort vinaigre, en apres ferez vne ouuerture de la grandeur d'vn esteuf au milieu d'vne demie-feuille de papier brouillard, à l'endroit de l'ouuerture du papier sur le leuain, mettez quantité de poudre can-

tarides:

rarides. Or si la tumeur paroist derriere l'vne ou l'autre oreille, faut mettre ladicte emplastre en la partie moyenc& exterieure du bras, à l'endroit où ordinairement on applique les cauterés: que si la tumeur paroist en l'aisselle, faut appliquer ladicte emplastre à l'opposite que ie viens de dire, qui est entre l'aisselle & le coude, partie moyenne & interieure dudit bras. Mais si la tumeur est en l'vne ou l'autre ayne, sera mise en la partie interieure de la cuisse malade. L'emplastre estant appliquee sera bandee de telle façon qu'elle puisse tenir, iusque, à ce que l'ostiez qui sera au bout de dix ou douze heures, sous laquelle trouuerz vne grosse vessie que creuerez, l'eau estant ostee appliquerez vne fucille de chou rouge ou autre, qui sera dessus environ cinq ou six heures & la renouveler ainsi iusques à guarison.

Mais si la tumeur (qu'abusiuemēt on appelle Peste) estoit amortie, ce que l'on cognoistra quand elle demeurera dure & indolente, on se contentera d'vne embrocation d'huile de lys & de camomille, ou de beurre frais avecvn peu d'huile de scorpiōs, ainsi qu'il sera dict au Probleme 21.

Que si apres tels remedes la fiebure
 perseueroit, & que la tumeur & charbons
 ne fussent amortis, cela denoteroit le ve-
 nin n'estre dopté, pour à quoy obuier, les
 forces estans valides, on pourra faire pren-
 dre quelque heure esloignee du repas vn
 breuage cordial, fait avec le poids d'vn
 escu de poudre de sinbol, avec vn posson
 de vin blanc & cōtinuer le reste de la cura-
 tion, comme il sera dict au Probleme de la
 purgation du bubon & charbon au
 moyen des alexipharmques.

*Doncques la cure de la Peste ne se fait
 par indication.*



PROB. XVIII.

Peut-on secourir soy-mesme en la Peste?

AFFIRMATION.



ELA est tres-vray que de soy mesme & sans l'ayde d'autruy on se peut heureusemēt secourir estāt frappé de la Peste, pourueu que l'on aye preueu aux choses requises: comme vne chambre, feu, liēt, aliments & medicaments requis & necessaires, lesquels vn chacun doit tenir prests chez soy pour sen seruir & vser en sa necessité: comme sont eaux cordiales, & vlmaria, de scordion, conserues de fleurs de bouroches, buglose, de viole, & de roses, mithridat, & bōne theriaque: & quād on en a de besoin, en prendre selon ses forces, ainsi qu'il sera dict à la conclusion de ce Probleme. Ce que faisant il n'y a que tenir que l'on ne s'ayde soy-mesme, dautant que comme la Peste est vn deletaire ou venin; aussi ces medicaments sont-ils alexitaires ou contreuenins, pour autant qu'ils consummēt

la virulence & conseruent le corps par vne proprieté indiscible, & de fait plusieurs sont eschappez d'vn tel mal apres auoir vsé desdicts remedes: partāt on peut secourir soy-mesme en la Peste.

NEGATION.

On est si failly & abbātu en Peste, l'on n'a le courage, ny le souuenir à se bien faire. Le courage se monstre abbatu par la grande foiblesse de toutes les vertus tant vitales, animales, que naturelles, prouenant de l'antipathie du venin pestilant qui consumme les esprits. Ioint que l'on est tellement desapētissé que le ventricule ou estomac a vne telle horreur des viādes, que l'on bondit contre d'en ouir seulement parler, qui est vn accident très-pernicieux, tant comme signe, pource qu'il demontre mortification de la faculté appetitrice, cāpee à l'orifice superieur dudict estomac, que comme cause, d'autant que de l'abstinence totale du manger, s'ensuit dissipation du reste des forces du corps. La souuenance de se bien faire est perdue, à cause que la raison estant blessée, on

sage plustost à la mort qu'aux remedes. Et quand bien on auroit tous les remedes susdicts, l'usage n'en n'est certain, d'autant qu'il est impossible de iuger la quantité du venin qui est entré au corps ; que si le médicament est en moindre force que le venin , il fera plus de mal que de bien , mais au contraire si le médicament est en plus grande vigueur que le venin , il affoiblira & troublera nature ; d'où vient que plusieurs apres la prise de tels remedes , meurent soudain : qui demonstre bien qu'il n'est pas possible de se secourir soy-mesme en la Peste.

CONCLUSION.

En ceste controuerse , il faut diligemment considerer deux choses, à sçauoir, le temps de la maladie & les medicaments que l'on doit vser. Quant au temps de la maladie, faut que celuy qui se sent frappé de la Peste dès aussi tost il prenne vn antidote sans s'amuser à philosopher ce qui aduiendra de son mal , ny perdre temps à enuoyer chercher du secours qui ne sçauroit en telle maladie que trop tart arriuer,

d'ou vient sans doute la perte de tant de personnes.

Or on sçaura estre frappé de la Peste, (quand la saison y est portee) se trouuant bien & à l'instant on se sent de toute autre façon, comme ayant foiblesse de tout le corps, douleur & tournoyemens de teste, poux petit, & frequent enuie de dormir, ou ne pouuoir reposer, avecque pointures, & petites glandes à mode de croissance, au dessous des aynes, aysselles, ou oreilles, quelquefois mobiles, autrefois attachees, tirans le plus souuent en fuzee, & quelques-fois avec bubes à la semblance de petits clouds: alors ayans tous ces signes ou plusieurs d'iceux on peut s'asseurer estre frappé de la Peste, ainsi qu'il a esté dict au 7. Probleme.

Parquoy à l'instant il se faut reduire en vne chambre, où il y aura bon feu & vn bon liêt, avec plusieurs couuertes, entre lesquelles sera mis dix ou douze frotoirs, avec deux ou trois alaizes, & au pres du liêt, auoir vn julep fait avec eau de melisse, scabieuse, de chacun deux onces, eau imperiale demie once, sirop de lymons, & ius de citron, de chacun vne

once, confection d'hyacinthe i. drachme, qui fera en vne phiole, avec vne autre où il y aura de bonne eau de vie, & vne bouteille de bon vin.

Cela préparé il faut considerer si en fanté on est ayse à fuer ou non, si la sueur vient à l'aise il se faut contenter de bassiner le lict, mais si on est difficile à la sueur, il faut emplir trois bouteilles d'eau bouillante, l'vne pour mettre aux pieds, & l'autre à l'endroit des deux espaules, sinon mettre le lict deuant le feu.

Ces choses ainsi disposees on prendra le breuuage qui s'ensuit fait avec myrrhe, bois d'aloës, grains de mastic, terre sigillée, bol d'armenie, clou de girofle recent, fleur de muscade, safran oriental, de chacun esgale portion: le tout mis en poudre que l'on reseruera en vn sac de cuir, & d'icelle poudre en prendre le poids d'vn eseu. Mais il faut considerer que si le mal a pris avec chaleur que l'on dissolue ladicte poudre avec trois onces d'eau rose, & autant de vinaigre.

Que si le mal a pris avec froideur, faut prendre ladicte poudre avec de bon vin environ demy septier (mesure de Paris.)

Les femmes & petits enfans en peuuent prendre au deffous de ceste doze selon leurs forces.

Ou bien prendre la mesme quantité de l'electuaire d'œuf, dont la composition est au Probleme 16. recepte cinquiesme, avec six onces des quatre eaux cordiales, & pour les plus foibles on pourra diminuer la quantité, ainsi qu'il vient d'estre dit. I'ay faict vser vn demy verre d'eau de noix au commencement du mal, qui a executé tout ce que l'on peult souhaitter en ceste maladie.

L'vn ou l'autre breuage composé, sera prest, & à l'instant se faut coucher chaudement, ainsi qu'il a esté dit, attendant la sueur, & la receuoir, iusques à tant qu'elle commence à gluer: puis apres il se faut essuyer par tout des frotoirs qui auront esté mis soubs les couuertes: Estant essuyé il se faut enuolopper d'vne alaize, & se froter le visage de vin ou d'eau de vie, & de rechef prendre le susdit iulep qui sera pres de soy, & se tenir encores à requoy. Que si la sueur retourne il la faut receuoir, & s'essuyer derechef comme il a esté dit, & changer d'alaize. Que si on se sentoit trop

lasche, il faudroit succer vn petit de pain trempé en vin. Je puis assurez plusieurs par ceste methode auoir esté guarantis en vingt-quatre heures, & la tumeur des aynes, aiselles & aureilles, auoir esté amortie, ne restant qu'vne petite dureté, qui en quinze iours ou trois semaines s'est éuanouye, & les carboncles suppurez benignement, sans auoir causé autres accidents à eux ny à autruy.

Doncques en la Peste on se peut secourir soy-mesme.



P R O B. XIX.

*Faut-il saigner & purger ceux qui sont
frappez de la Peste?*

A F F I R M A T I O N.

Le ne faut nullement douter que la saignée & purgation ne soient tres-necessaires à ceux qui sont atteints de la Peste, d'autant que cest vne maladie qui est comprise entre les grandes maladies, & que selon Galien au 9. chap. du liure de la mission du sang, la saignée est vn remede commun à la cure des grandes maladies.

Outre en toute Peste, il y a en l'interieur vne extreme ferueur de sang, ainsi que demontre la continuité de la fiéure, & l'issuë des pustules & tumeurs phlegmoneuses, qui ne procedent sinon de l'adustion & bouillonnement du sang.

D'avantage nulle cause efficiente peut agir & imprimer sa vertu, si ce n'est sur vn sujet susceptible, & disposé à la recevoir. Mais en la Peste vne telle disposition con-

siste aux humeurs corrompus, & obstruction des vaisseaux qui ne peuvent estre mieux à propos desbouchez, que par l'extraction du sang.

Pius Galien a dit au 4. chap. du I. liu. des fiebres, qu'en la Peste qui fut de son tēps à Rome, ceux-là eschapperent seulement qu'il fit beaucoup saigner.

Finalemēt en la Peste, il faut tirer du dedās du corps au dehors, & de fait beaucoup qui ont esté frappez de ceste maladie, nature ne pouuant se développer de la venenosité, estans saignez promptemēt s'est deschargee, par pourpre, bubōs, charbons & autres, qui se tenoient cachez au profond du corps auparauant la saignée.

Touchant la purgation, il ne faut douter que la Peste n'aye son existence ou siege en vne insigne pourriture des humeurs, laquelle se doit promptement éuacuer, tant pource qu'elle debilitē les forces, comme aussi qu'on ne la peut corriger ny mettre sous l'obeissance de nature par aucuns preparatifs: car en vne telle cacochimie les minoratifs n'ont lieu: comme és autres maladies auant la purgation des humeurs: c'est pourquoy il sera tres-propre en ceste

maladie de purger le plustost que l'on pourra vne telle cacochimie, qui ne sert sinon que de sujet materiel à ceste veneneuse qualité. Parquoy il faut saigner & purger ceux qui sont frappez de la Peste.

NEGATION.

La bute du Chirurgien doit estre celle où la nature vise (quand elle fait bien.) Or en la Peste nature vise à chasser le venin hors du corps, & la saignée fait le contraire, d'autant qu'en la place du sang qui a esté vuidé, il faut qu'il s'en remette d'autre, qui ne peut estre que celuy que nature auoit sequestré & chassé à la circonferen-
ce, comme vitié & gasté.

Outre, c'est qu'en maladie pestilente le cœur est tousiours lasche & merueilleusement affoibly, à cause de la grande resolution des esprits. Or par la saignée, tirant hors du corps l'étoffe dont se deuroit engendrer de nouveaux esprits, il n'y a que tenir que le corps ne soit plus foible, qui au contraire deuroit estre renforcé pour chasser la maladie.

Plus Fracastorius chap. 5. du 3. de la cu.

ration des maladies contagieuses dit que
 es Pestes qui regnerent es années mil cinq
 cens cinq, & mil cinq cens vingt huit,
 ceux-là moururent qui furent saignez.

Finalemēt l'expérience enseigne que
 ceux qui sont frappez de la Peste, ausquels
 il paroist pourpre, bubons & autres pu-
 stules rentrent au dedans du corps s'ils
 sont saignez.

Quant à la purgation, faut remarquer
 qu'en la curation de la Peste on doit con-
 seruer les forces le plus qu'il est possible, &
 auoir l'œil sur la crise qui se doit faire par
 les eruptions, mais il est ainsi que les pur-
 gatifs affoiblissent les vertus, & destour-
 nent nature de sa crise: plus Hippocra. &
 Galien enseignent qu'il ne faut purger
 en maladie mortelle, de peur de profaner
 les remedes de l'art; outre que la diarrhee
 est mortelle en la Peste. Or la Peste est vne
 maladie mortelle & la purgation prouo-
 que la diarrhee.

Finalemēt c'est vn abus d'ordonner
 des remedes qui ne combattent la cause de
 la maladie. Or il est ainsi que les catharti-
 ques ou expurgatifs ne combattent la
 cause de la Peste comme font les cardia-

ques & alexipharmiques. Parquoy ne faut saigner ny purger ceux qui sont frappez de la Peste.

CONCLUSION.

Pour appaier vn tel debat où les raisons auctoritez, & experiences sont si pregnantes de part & d'autre, faut noter qu'il y a deux fortes de Peste : l'vne qui vient simplement du vice de l'air, & l'autre du vice des humeurs : celle qui vient du vice de l'air fait dissipation des esprits & facultez vitales, en se campant en nous, bien qu'il n'y ait aucune preparation & disposition à la recevoir dans le corps : celle qui vient du vice des humeurs (ayant neant-moins quelque principe de l'air contagieux) dissipe non seulement la puissance vitale, mais aussi la naturelle, & animale par vn aliment contaminé. Or en la premiere sorte de maladie pestillentielle il ne faut saigner ny purger, si fait bien en la seconde, où il sera loisible de saigner & purger, non point absolument, ains sous certaines circonstances.

Pour la saignée, si la repletion, obstruction, & cacochimie est si grande qu'en-

tute ne puisse ietter aucune portion du venin pestilât en dehors, chose qui se manifestera par l'absence des pustules; ou bien s'il en sort quelques vnes pareisseusement ou à demy, nature estant quasi vaincue par l'abondance & malice excessiue de l'humeur, ou au contraire que les pustules sortent à bon escient, toutesfois qu'elles n'apportent aucun soulagement des premiers maux, c'est à dire de resuerie, jaëtation & nausée, on peut colliget que telles pustules ne sont pas critiques, ains symptomatiques, venantes non point par descharge, mais par desgorgement, bien qu'en apparence il sorte beaucoup d'ordure du dedans du corps, alors il sera loisible de saigner, non pas en tout teps de la maladie, ny en vne seule partie du corps, car pour le temps de la maladie, s'il est possible il faut que ce soit dès le commencement, c'est à dire au premier iour, & deuxiesme au plus tard, par ce que la maladie pestilente est tres-aigue, & qu'elle se termine en peu de temps. Pour la partie, il faut que ce soit de la mesme qui est offensée & de la veine la plus prochaine s'il est possible: comme pour exemple

si la tumeur apparoissoit és emonctoires du cerueau, il faudroit saigner au bras de la cephalique, si en celles du cœur de la basilique ou mediane, & si l'vne ou l'autre n'aparoissoit il faudroit ouurir la pl^e belle qui se pourroit trouuer sur la main apres auoir esté baignee en eau tiede; & si c'estoit les emonctoires du foye, il faudroit ouurir la p^oplitee qui est au jarret, ou bien la saphene qui se trouue au dedans de la jambe vn peu au dessus de la cheuille du pied, & mettre pareillement le pied en l'eau, tant pour attirer le sang que pour faire eslargir & paroistre le vaisseau.

Quant à la purgation, il faut aussi obseruer certaines circonstances. Car sil arriuoit que le venin fust ensepeuely en vne grande multitude d'humeurs, & que nature par sa foiblesse ne sceust s'en descharger par pourpre, bubons, ou charbons; il seroit besoin dès le commencement de purger non point par remedes doux & benins (comme veulent quelques vns) d'autant que cela ne seruiroit de rien, ains par forts & violents qui ayent puissance d'esueiller & solliciter nature assoupie & par trop paresseuse, qui seront compassez

toutes-

toutesfois selon la force & vertu du malade.

Que si nature demonstroit son effort au commencement de la maladie par la parition des susdits accidents, alors il se faudroit bien donner garde de purger, à cause que cela la destourneroit de son bon dessein. Mais s'il arriuoit qu'apres l'entiere expurgation de telles pustules, voire que le venin fust amorti, que le corps languist, & que nature fust paresseuse, faudroit auoir soin de la nourriture par vusage de bons alimens & de facile digestion, afin de restaurer les forces, & par mesme moyen purger par medicaments plus benigns que les premiers; car il se faut asseurer que tât plus on penseroit renforcer vn corps ainsi remply d'humeurs, que d'autant plus on l'offenseroit, par l'alteration que l'aliment receuroit en vn corps ainsi maleficié, ne plus ne moins qu'une bonne liqueur versée dedans vn tonneau gasté.

Or les medicaments qu'il faut vser pour purger au commencement de la Peste, doiuent estre en petite quantité & de grande vertu, afin que nature ne soit trop agitée par vne telle quantité, & neantmoins

soulagee par leur force. Bien faut-il se donner garde de faire comme le mauuais cordónier qui vouloit chauffer tous pieds à vne mesme forme, aussi se faut-il bien garder de donner à tous les malades des medicaments en pareille quantité, soit au commencement ou au declin de la maladie: ains en l'vn & l'autre temps les distinguer selon leur nature.

Doncques au commencement, pour purger ceux qui sont frappez de la contagion, on leur peut bailler des medicaments sous diuerses formes: comme trociscques, pilules, & breuuages.

Pour faire les trociscques faut prendre trois botes de ruë, & trois grâdes brassées d'armoise: puis estant seichee & bruslee, il en faut reseruer la cêdre, de laquelle on en mettra vne petite escuellee parmi vne pinte d'eau, les laissant tremper deux ou trois iours ensemble, les remuant avec vn baston de genest, quatre ou cinq fois le iour: cela fait, mettez vn linge par dessus vne escuelle de terre plombée ou vernissée, & passerez ladiète eau qui sera cômme lexiue: puis la ferez bouillir iusques à tant qu'elle s'épessisse à mode de bouillis

liquide, en apres verserez ce qui est en la-dicte escuelle dessus vne pierre de lyer, & avec vn cousteau taillerez vos trociques de la grosseur d'vn gros grain d'orge, lesquels vous reseruez dedans vne phiole pour s'en seruir quand on se sentira frappé de la Peste. La quantité est de quatre scrupules, sur vn peu moins de demy septier de bon vin.

Les pilules se peuuent faire avec vne drachme de mithridat & autant de theriaque, demie once de souffre vis en poudre, avec quatre grains de diagrede, desquelles on en peut bailler demie drachme trois heures auant le repas, ou bien trois drachmes d'aloës, vne drachme de myrrhe & autant de safran, avec quatre scrupules d'elebore blanc, & autant d'azarum. La prise est aux forts de quatre scrupules.

Les breuuages sont de diuerses matieres, comme vne drachme de semence d'hieble mise six heures en infusion dedans de bon vin blanc, & le bailler à boire; ou vne poignée des fueilles & sommitez de genest, qui seront pillez avec demy septier de vin blanc: finalement six onces de saumeure de haran, & donner à boire, soit l'vn ou

l'autre, cela fait vomir, ouurir le ventre & fuer: qui est ce que l'on doit desirer au commencement de ceste maladie.

Les medicamēts que l'on doit vser pour purger au decours de la maladie doiuent estre plus benignes & gracieux que les precedens. Or on cognoistra qu'il faut purger, si le corps est pesant, que les bubons ou charbōs iettēt plus qu'ils ne doiuent & qu'ils ne se mundifient, incarnent ou cicatrisent qu'avec vne grande difficulté, & si avec cela on void la couleur tant du visage que de tout le corps plus floride que de coustume, le pouls & les forces estre meilleures, & le ventre paresseux. Alors on purgera le malade, s'accommodant à sa facilité, luy donnant vn potus, vne tablette, ou pilules. Car il y en a qui pour mourir ne sçauroiet prendre des pilules: & d'autres ne peuuent vser de breuuages.

Les tablettes d'iarhodon, de succo rosarum, & d'iacarthami.

Les pilules sine quibus, d'agaric & d'aloes.

Les potus se feront avec decoctions d'herbes capillaires ou autres à ce conuenables, dedans lesquelles on dissouldra

syrop de rose avec agaric, ou de cichoree avec rhubarbe, & sur tout ce polydale extraict de deux drachmes de bonne rhubarbe taillee en feuille, avec autant d'agaric, vne once de bon sené de leuât mondé, drachme & demie de canelle, demie drachme d'angelique, gingembre vingt grains, le tout concassé grossierement: puis soit arrousé de bon vin blanc en sorte qu'il surmonte lesdites drogues d'un bon pouce, sera le tout mis en vn pot bien couuert sur les cendres chaudes iusques à la consumption de l'humidité qui surpassoit lesdites drogues, & le reste sera coulé & reserué en vne phiole que vous garderez de rechef, en ferez autant des quatre eaux cordiales. Finalement pour la troisieme fois autât avec les eaux de scordiõ & de vlmaria, lesquelles bouilliront avec icelles drogues, qui seront passées, & la liqueur extraicte, la ferez bouillir iusques à la moitié, puis adiousterez du sucre ou miel, que vous rendrez en consistance de syrop. Que si vous le voulez faire plus espez & adiouster de la poudre de canelle, & du sucre candi, ferez vne masse de pilules tres-agreables.

La doze du syrop pour les grands est depuis deux onces iusques à trois, & des pilules depuis vne drachme iusques à deux: pour les enfans dudit syrop vne demie once, & les pilules demie drachme, ayant le soin pareillement de bailler de bons aliments.

*Doncques il faut saigner & purger ceux qui
sont frappez de la Peste.*



PROB. XX.

La matiere du pourpre, du bubon & du charbon est-elle de mesme nature ?

AFFIRMATION.

L n'y a aucun doute que la matiere dont est fait le pourpre, la bosse, & le charbon, ne soyent de mesme nature, d'autant que le venin ayât changé la nature des humeurs en la sienne propre, leur fait perdre leur nature par acquisition de celle du venin, de maniere qu'il viene pourpre, bosse, ou charbon, c'est tousiours Peste procedate de mesme matiere.

NEGATION.

La matiere du pourpre, de la bosse & du charbon est bien variable, car encores que le venin pestilent agisse sur le sang, si est-ce qu'il y traueille diuersement, qui fait que l'humeur qu'il touche ne peut ny ne doit perdre sa nature, & pourceles taches violettes, la bosse & le charbon, sont de di-

uerse nature; d'autant que les papillottes ne procedent que de l'ebullition du sang: la bosse ne vient que du sang bon & naturel en cause antecedante: & le charbon du mesme sang, rendu non naturel par vne excessiue (& non parfaicte) adustion, d'où il brusle non seulement la partie où il est enuoyé, mais la change & bigarre en vne variable quantité de couleurs: partât la matiere du pourpre, de la bosse & du charbon n'est de mesme nature.

CONCLYSION.

A ce differend faut considerer la Peste en cause efficiente & en cause suscipiente. En la premiere façon il n'y a que tenir que le pourpre, la bosse, & le charbon ne soyēt de mesme nature, comme ne procedant sinon d'un mesme venin. En la seconde, ils sont variables, d'autant que les exanthemes, soit qu'elles soyent avec extubérance ou macülles, ne procedent que d'un sang subtil, aussi se jettēt elles à l'epiderme: que si le corps du sang vray est atteint, alors se fait la bosse, aussi se iettēt elles aux glandules des emōctoyres, ou à celles qui

en la bifurcation des gros vaisseaux.
 Mais si ce venin fait bouilloner d'auantage
 le sang, il se brulle, & est sequestre au pa-
 nicule charneux qu'il rostit & fait escar-
 re à la peau : qui demonstre bien que la
 matiere du pourpre, de la bosse, & char-
 bon n'est de mesme nature.

*Doncques la matiere du pourpre, du bubon &
 du charbon n'est de mesme nature.*



P R O B. XXI.

*Les bubons Pestilentiels sont-ils tousiours
en mēme scituation ?*

A F F I R M A T I O N.



L semble que c'est vne chose qui ne doit estre mise en doute que la scituation ou lieu là où viennent & s'engendrent les bubons pestilentiels, d'autant que la signification du mot le demonstre assez : Car les Autheurs disent par comparaison que telles tumeurs se trouuent tousiours au creux des emonctoires, comme fait l'oyseau que les Grecs appellent Byas, & nous autres Hybou ou Chahuant, dedans les creux des murailles. D'où vient que toutes les enflures procedētes d'humeurs qui se trouuent aux emonctoires doiuent estre prises pour bubons, comme deduit Tagault en son institution de Chirurgie, par ainsi il appert que les bubons Pestilentiels se trouuent tousiours en mēme lieu.

NEGATION.

Au contraire il se trouue assez d'authoritez & de raisons repugnantes aux susdictes. Premièrement c'est l'opinion de Hippocrates que tout aposteme glanduleuse est bubon. Secondement Galien veut sur le 55. Aphor. du 4. liu. que tout aposteme phlegmonique en quelconque partie du corps qu'elle se trouue soit bubon. Or s'il est ainsi que le bubon se trouue en toutes les parties du corps, n'y a-il pas grand'apparence de soustenir que les bubons pestilentiels ne se trouuent tousiours en mesme lieu?

CONCLUSION.

Ce que les Grecs appellent aposteme qui est vne matiere apostazice ou sequestree des bons humeurs: Les latins abscez, c'est à dire separation des parties faicte au moyen d'vne telle matiere: Les François bubon ou bosse, c'est à dire tumeur, enflure ou inégalité: le vulgaire par equivoque, Peste. Tel effect prouient des humeurs alimentaires, qui ont esté les pre-

miers alterez du venin pestilentiel, & sequestrez de nature vigoureuse, loin des parties nobles, faisant vne assez petite tumeur à cause du venin qui agit pl^{us} par qualité que par quantité, ne faisant à ceste occasion au commencement la tumeur guere plus grosse qu'une petite amande ou bien qu'une moyenne & languette oliue; finalement n'excédant point pour le plus la quantité d'un œuf: que s'il s'en trouue de plus grosses, cela aduient ou à cause de la foiblesse des vertus qui sont tellemēt abbatues du venin qu'elles delaissent tout à l'abādon de leur ennemy, se jettant apres la prise de la place principale qui est le cœur, dedans les fossez, qui sont les emonctoires, lesquelles bien souuent tel venin par son antipathie formelle reduit en gangrene, ou bien vne telle grosseur peut aduenir au moyen des topiques ou remedes attractifs.

Or la presente dispute, n'estant fondee sur la diuerse acception du nom ny de la nature de la maladie: ains sur la scituation d'icelle, je diray avec de Cauliac au trai. 2. en la doct. 2. au ch. 5. que ce mot de bubon se prend en trois façons, à sçauoir propre

ment, généralement & plus généralement. La 1. acception est pour le seul apostème caché aux aisselles, ou ie croy qu'il faut entendre de celuy des aynes : & ce pour deux raisons, l'une pour autant que ce mot de bubon en Grec signifie l'aysne, & non l'aysselle, l'autre qu'Hippocrates en l'aph. 55. du 4. liu. l'a ainsi entendu quand il a dict *ex inguinum tumoribus* &c. La 2. acception est pour toute apostème engendrée aux émonctoires, soit de matière sanguine, de quoy est fait le bubon, ou de bile & de sang, cōme le phigethlon, ou de quelque autre humeur venant à prompte suppuration, de quoy est fait le phyma: ou qu'elle soit engendrée par voye de fluxion ou de congestion: ou qu'elle soit veneneuse, ou non: ou qu'elle soit critique ou symptomatique, pourueu qu'elles soyent en quelques vnes desdictes émonctoires, à sçauoir du cerueau sous les oreilles, du cœur sous les aisselles, du foye aux aynes.

La 3. acception de bubon se prend pour tout apostème engendré és parties glanduleuses: comme il se doit entendre icy du bubon pestilentiel, lequel outre qu'il

ne viét pas directemēt au dedás des emonctoires cōme les autres apostemes, est ietté quelquefois plus loing. Or que le bubon pestilent se fasse ordinairement au dessous des emonctoires bien la distance de deux doigts ou enuiron, l'experience l'enseigne quand en la Peste la tumeur ne se trouue dedans le creux de l'emōctoire, & croy n'y auoir autre raison de cela, sinon que nature prouide a posé sous la bifurcation des arteres certains coiffinets glanduleux pour les asséurer en leur mouuement continuel: & outre cet vsage leur a baillé celui de receuoir les excrements dechassez par la vertu forte & robuste du cœur, comme les excrements du foye en celles qui sont sous la bifurcation des veines qui se font ordinairement au ply desdites emonctoires d'ou viét que les bubōs veneneux ou poulins se trouuent d'ordinaire dedás le ply des ayfnes & la Peste au dessous. Ainsy i'ay veu souuentefois en l'an mil cinq cens quatre vingts le bubon pestilent sci tué à la gorge au dessous de la parotide entre le muscle mastoyde flechisseur de la teste & le peaucier, aux glandules qui sont à la separation du rameau de la carotide

qui monte aux tempes : Aux aysselles, quelquefois seló le tendon du latissimus, à celles qui sont à la diuisió de l'artere axillaire : ou plus bas que l'aysselle sur le petit dentelé à l'endroit de celles qui sont sous l'artere thorachique externe : Aux ayfnes enuiron les commencements des muscles triceps & droit, aux glandes que supporte la bifurcation de l'artere crurale. Que le bubon ne se iette plus loing que le voisinage des emonctoirs, l'experience le monstre, d'autant qu'ils'en est trouué plusieurs ayant la fiebure & charbons avec tumeurs aux glandes, qui sont à la partie inferieure du bras au dessus de l'apophyse interieure de l'humerus, là ou de rechef l'artere axillaire faiet sa diuisió pour aller selon le cubitus & radius, & à la partie superieure & interieure de la jambe és glandules qui sont à la bifurcation où l'artere crurale se parfeme au tibia & peroné, lesquelles tumeurs ne scauroiét estre d'autre nature que de celle des bubons pestilens : qui demonstre bien que les bubons pestilens ne se trouuent tousiours en mesme scituation.

Aprés ceste resolution nous colligeró

en ceste dispute tant des vnes que des autres opiniōs, qu'il se remarque en la Peste deux sortes de Bubons, dont les vns sont critiques, & les autres symptomatiques. J'entends par les bubons critiques ceux par le moyen desquels nature s'est déuolopee de tout le venin ou partie d'iceluy. Or nature se déuolope de tout le venin quand au commencement du mal elle est aydee par art au moyen des alexitaires citez aux Proble. 17. & 18. qui amortissent & esteignent le venin pestilent, chose qui se cognoist par la cessation des accidents qui sont descrits au Probleme 7. Ce qu'estant il ne faut plus troubler nature par medicamēts, ains la solociter par aliments afin de la renforcir. Que si dés le commencement de la Peste on auoit aperceu le bubon, & que apres la crise il fust sans douleur & sans augmētation, ne faudroit faire autre chose que d'appliquer dessus vn linimēt faiēt avec huile de lis, & camomille, y mēlant vn petit de celle de scorpions, laissant dessus l'emplastre de diachilon simple ou d'ireat, ne faisant comme ceux qui se taillēt plus de besongne qui n'en scauent coudre. Je croy que Dieu
leur

leur pardonnera, d'autant qu'ils ne sçavent ce qu'ils font, quand ils appliquent des cauterres ou autres remedes violents, dont il n'est pour lors de besoin. Je peux dire avec verité plusieurs apres s'estre sentis frappez de la Peste, & quant & quant vn bubon en l'ayne, ou sous l'ayffelle, apres la sueur causee de la prise des alexipharmques, auoir este garantis, quoy que la tumeur ait demeuré plus d'vn mois ou cinq sepmaines à s'en aller, sans leur apporter aucun inconuenient d'autant que nature auoit vaincu le venin, laissant à la partie digerer petit à petit la tumeur qui estoit restee sans venenosité.

Que si la crise a esté imparfaicte, ça esté au moyen du reliqua de la matiere veneneuse, qui n'a sceu estre chassée, ou pour ceq nature a esté trop foible, ou que le medicamēt n'a esté pris en dose cōpetente ou bien que l'impatiēce du malade n'a sceu supporter le temps requis à l'exécution de la vertu des remedes. Chose que l'on cognoistra de ce que les accidents ne feront du tout éuanouis, & que le bubon se rend plus fixe & attaché aux glandules subjectes, s'augmente en tumeur, dou-

leur, & chaleur. Alors faut perseuerer aux alexitaires qui seront exhibez par dedans, & par de hors sur le bubon, seront apposez des medicaments alteratifs du venin, & attractifs de la matiere enuenimee: comme est le cataplasme fait d'un gros oignon creusé & remply de theriaque avec sommitez de rue, le tout enuveloppé avec des fueilles de chou, & le faire cuire sous les cendres: puis en le pilant adiouster vn tiers de leuain, & autant de sain-doux, & l'appliquer chaudemēt deux fois par iour iusques à la suppuration qui se fera dedás l'onzieme iour ou enuiron: puis l'ouurer avec lancette si la peau est biē pourrie & q̄ la matiere fust tres mollette: ou avecques cautere potentiel si la tumeur demeure schireuse ou pierreuse.

— l'entends par les bubons symptomatiques ceux par l'entremise desquels nature ne se peut qu'à peine descharger du venin, ou qu'elle en est tout à fait accablee. Or les bubōs sont symptomatiques en trois façons, c'est à sçauoir, ou quand ils ont peine à sortir, ou qu'ils sortent trop violemment, ou qu'ils r'entrent au dedans.

— Aux premiers, c'est qu'apres les chose

vniuerselles qui s'ont l'usage des alexitaires;
 & la sueur passée, si le bubon a paru & qu'il
 soit obstiné à ne sortir de sa taniere, fau-
 dra apres auoir esté essuyé appliquer des-
 sus, vn poulet, pigeonneau, petit chien, ou
 chat vif fendu par le ventre, & apres faire
 vne embrocation d'huile de scorpions
 toute chaude, puis mettre vn cataplasme
 attractif fait avec des ails & oignons cuits
 sous les cendres, ainsi qu'il a esté dit, & les
 broyer en vn mortier, & sur quatre onces
 desdites racines adiousterez vne demie
 once de vicil-oing, avec deux onces d'vn-
 guët basilicon, demie once de mithridat,
 & deux drachmes de bonne theriaque.
 Que si on void que la tumeur ne s'aug-
 mente pour tel remede, & que les accidets
 cōtinuent, faudra appliquer dessus la ven-
 touse propre au mal & à la partie, avec
 vne grande flamme de chandelles allu-
 mees, ou d'estouppes bien seiches, la lais-
 sant plus ou moins selon les forces. 16b
 Estant leuee mettez dessus vne emplastre
 de poix noire & de poix de bourgogne
 amollies avecques vn petit d'huile de
 scorpions, ou bien l'emplastre de diachi-
 lon magnum, cum gommis, qui a vne

tres grande vertu en ce fait.

Que si le bubon apres la sueur s'aug-
 mēte sans cause manifeste, c'est à dire sans
 l'ayde des medicamēts attractifs predits,
 faut se bien donner garde desdits medica-
 mēts attractifs, d'autant que cela monstre
 qu'il y a plus de venenosité que nature ne
 peut combattre, si à laquelle on aydoit
 par attractifs, il flueroit des humeurs en
 si grande abondance que la partie seroit
 en danger de suffoquer & tumber en gan-
 grene. C'est pourquoy on se contentera
 d'un cataplasme anodin fait avec mie de
 pain blanc & du lait, où sur la fin on ad-
 ioustera vn petit de theriaque ou mithri-
 dat. Ou bien on vsera de ce liniment fait
 avec deux onces de muscillages de semen-
 ces de psylliō, demie once d'vnguēt rosat,
 mesme avec vn petit d'huile de scorpions.
 Et où apres icelle sueur, on verroit au
 contraire que le bubon au lieu de faillir en
 dehors rentroit au dedans, ce que l'on co-
 gnoistra de ce que la partie demeurera in-
 dolente & non tumefice avec augmenta-
 tion des susdits accidents, faut croire cela
 estre mortel, d'autant qu'il denote les for-
 ces estre abbatues, & qu'un tel venin ren-

erant au dedās ne trouue plus de resistan-
ce, & par consequent s'adressant au cœur
esteint les esprits qui sont la lumiere de
nostre vie. Neantmoins si on trouuoit
encores quelque validité aux forces, on
pourroit appliquer sur l'endroit où seroit
paru le bubon vne violēte vëtouse, & aus-
si tost qu'elle sera ostee mettre vn cautere
actuel, d'autant qu'il opere plus prompte-
ment, eschauffe dauantage l'emōctoire &
corrompt d'auantage la venenosité qui y
pourroit estre demeuree, & finalement
donne yssue à quelques icorosites qui se-
roiēt demeurees ou dedans les emonctoi-
res ou aupres.

*Doncques les bubons Pestilentiels ne se trou-
uent tousiours en mesme scituation.*

PROB. XXII.

Y a-il plusieurs especes de carboncles?

AFFIRMATION.



L n'y a point de doute chez les auteurs, qu'il n'y ait plusieurs especes de carboncles, d'autant que Celse au 25. chap. du 5. liure, semble en faire deux especes, à sçauoir, les vns sans escharre, & les autres avec icelle. De Cauliac au traicté second en la doct. l. au cha. 2. en fait de trois especes, dont l'un est rouge, l'autre citrin, & le troisieme est noir. Falcon en ses gloses diët qu'il y en a de quatre especes, adioustant aux trois susdites le carboncle vert: Qui fait voir qu'il y a plusieurs especes de carboncles.

NEGATION.

Au contraire s'il y auoit plusieurs especes de carboncles, il faudroit de necessité que les carboncles feussent differents entr'eux, mais il ne se trouue qu'ils soyent

différents entr'eux : car toute pustule sanguine qui brulle le lieu où elle s'imprime, l'esleuant en vessie, ou y laissant escharre avec rougeur obscure, douleur & pesanteur, est carböcle, & n'a point de différence avec le carboncle : bien est-il vray qu'il en peut venir plusieurs & en diuerses parties, mais cela ne varie point l'espece : outre, c'est que tout effect doit retenir quelque chose de la nature & condition de sa cause. Or la cause de tout carboncle est vne & de mesme, sçauoir est selon de Cauillac vn sang non sequestré gros & à demy bouillant, par ainsi tous les carboncles retenans de ceste mesme cause ne peuuent estre plusieurs carboncles différents en espece : partant il n'y a plusieurs especes de carboncles.

CONCLVSION.

Cela est vray que la nature des carboncles n'est variable, & par ainsi soit qu'il y ait vn grand ou petit charbon il sera toujours semblable à son espece, mais il faut examiner si entre l'espece il y a quelque distinction entr'eux. Ce qui se sçaura exa-

minant la forme & la vertu d'iceux : comme estant ce qui fait sembler ou non chaque chose en son espece. Doncques par la forme tous les charbons s'ont adustes & bruslans, & selon ceste forme il n'y a point de doute que les charbons sont d'une mesme espece, mais par la vertu les carboncles different entr'eux & peuuent estre differents en espece selon le degré de malignité, dequoy on peut rendre quatre belles raisons.

La 1. se tire de leurs causes, selon quoy ceux qui viennent de l'air pestilent sont beaucoup plus à craindre, que ceux qui viennent de la façon de viure deprauee d'un chacun en particulier, non seulement pource qu'ils sont plus mortels, mais aussi qu'ils sont plus contagieux, d'où vient que les premiers s'appellent epidemiques ou populaires, & les derniers sporadiques ou particuliers; & comme espars çà & là en diuerses personnes esloignées, n'ayant pas vne cause commune qui est l'air, ainsi que les premiers.

La 2. se prend du temps que bourjonne le carboncle, qui est deuant ou apres la generation de la fiebure, car le carboncle

qui sort deuât ou quant & quât la fiebure, est beaucoup moins dangereux, que celuy qui paroist quelque quatre ou cinq iours apres, d'autant qu'vn tel retardement indique foiblesse des vertus, & par consequent impression de venenosité à l'intérieur du corps, qui ne laissera de faire mourir le malade pour vne telle excretion qui n'est que symptomatique, comme dit Galien sur la sentence 17. du 2. du prognostic.

La 3. se tire de la multitude d'iceux, selon quoy il y a apparence que plus les carboncles sont grâds & en plus grand nôbre, que moins il y aura de danger pour le malade, de sorte qu'alors on les peut appeler critiques, entendu que par vne telle euacuation & excretion de matiere morbifique, qui est copieuse & abondante, nature s'est deschargee assurement & sans crainte de rencheute: au cõtraire si le carboncle est petit & en petite quantité ou nombre, il est plustost symptomatique, d'autant que nature monstre qu'elle est irritee du mal, mais qu'elle n'est pas assez forte pour s'en defaire à bon escient, comme on peut tirer du comment de Galien

sent. i. de la i. sect. du prorhetic. Je ne sçay pourquoy Monsieur Ioubert en son traicté de la Peste a soustenu que plus il y auoit de carboncles en nombre, & plus cela estoit dangereux. Si ce n'est que ie croy qu'avec vne si grande multitude, les autres symptomes ne vinssent à diminuer, car autrement vne telle quantité ne peut estre que loüable.

La 4. peut s'extraire du lieu où viennent les carboncles. C'est pourquoy ceux qui sont és parties superieures, sont beaucoup pires que ceux qui sont és parties inferieures (faisant le milieu du corps, le foye comme veut Hippo. au prognostic.) Ceux qui sont sur les grâds vaisseaux cômme nerfs, veines, & arteres, sont beaucoup plus pernicioeux que ceux qui sont sur les muscles, pour crainte de convulsion & hemorragie, & entre iceux muscles ceux là sont plus à craindre à leur teste & tendons que sur leur ventre. Bref plus le carboncle est proche du cœur & plus il est dangereux & mortel, nommément s'il est noir, vert, & citrin. Ioubert dict le blanc estre plus mortel que pas vn, dautant, dict-il, que la vesicule estant cre-

uee promptement il rentre au dedans; ce que ie croy en nature foible n'arriuer pas moins des autres; car le rouge est le meilleur de tous: partant il y aura plusieurs especes de carboncles si on a esgard à la vertu d'iceux.

RESTE à proceder à la cure de tels charbons, lesquels comme ils sont variables en vertu & scituatiō, aussi demandēt ils quelque particuliere curation. Premièrement c'est que les carboncles epidimiques ou pestilens se doiuent traiter autrement que les sporadiques, ou cōmuns quāt à la cure vniuerselle: mais pour la particuliere & topique, ils differēt en peu, c'est pourquoy en quelque charbon que ce soit, il faut auoir esgard à la douleur, inflammation, & dureté dont il est accompagné, & selon cela courir aux anodins & relaxans, partant dès le commencement que le charbon paroistra on vsera d'huile de lys avec du lait tiede autant d'un que d'autre, au moyē de vieux linges vsiez, baignez en telle fomentation qui sera renouvellee d'heure en heure. On peut prendre au lieu, les muscillages de semence de lin extraicte en eau de scabieuse & en

vser comme dessus, les remuant plus tart.

Le 2. iour dautant que la nature a poussé d'auantage & s'est accruë en ardeur d'où vient de tres-grands époinçonnements, il faut temperer l'acrimonie d'une telle matiere, & pour ce si on faiët cuire dessous les cendres chaudes vne poignée de chacune des fueilles d'ozeille, de scabieuse & hyosciamme, que l'on broyera dedans vn mortier, adioustant deux jaunes d'œufs avec vn petit d'huile de lys, ou de sain-doux on fera tres bien. Et quand le carboncle n'accroistra ny ne diminuera, alors faut considerer s'il est de ceux qui ont escharre, chose qui se cognoistra esfleurant la pustule avec la pointe du cizeau, qui fera voir dessous vne peau noire. Alors on pourra avec vne paille effilee par le bout, & trempee en capitel ou eau premiere, l'appliquer au milieu de ladite escharre, & ce tât de fois que l'on cognoistra auoir bruslé ladite escharre, ce qu'ayät fait on couurira vn petit plumaceau d'unguents faiët moitié de basilicon & d'huile de lys, & par dessus appliquer le cataplasme de l'Hostel-Dieu faiët avec farine de seigle, jaune d'œuf, eau & miel. *Que si*

le carboncle est de ceux qui n'ont escharre se faut contenter de mettre dessus sa pointe le mesme vnguent que dessus, & par dessus le cataplasme fait de suyc, jaune d'œuf & sel : puis l'escharre ou le bourbillon tombez, tremperez ou couvrirez les plumaceaux dedans vn digestif fait de jaune d'œuf, d'huile de scorpions, & vn petit de miel rosat, & par dessus l'emplastre de diapalma dissolt en huile rosat, ou le cerat.

Mais si le carboncle estoit de ceux qui sont accompagnez d'excessiue grosseur, rougeur & dureté, il faudroit entre la partie carbonculee & la saine faire plusieurs scarifications, desquelles on laira couler le sang, & à la pointe où est l'escharre la couper en croix, afin de donner yssuë à la premiere & veneneuse matiere, qui a esté dejettee en cet endroit dès le commencement, laquelle croupissant fait rejaillir le venin au cœur par le moyen de la vapeur qui entre dans les arteres qui ont esté ulceréz d'iceluy. Or pour ce faire il ne faut espargner vne bonne lancette, d'autant qu'on trouue assez de résistance, voire en telle sorte qu'en ceux qui sont trop tard

incisez il se remarque entre la peau & le panicule charneux, vne substance si dure & noirastre, que l'on en peut escrire sur du papier, comme on fait d'un charbon ou pierre noire.

Que si on est appellé à tard, & que l'on trouue desia la partie carboncelee pencher du costé de la gangrene, ne faut espargner les profondes scarifications, & là où elle y seroit desia tumbée amputer la chair mortifiée, puis lauer l'ulcere avec l'eau de vie en laquelle on aura dissout l'ægyptiac & le calchantum, adioustant des quatre eaux cordiales, & autour sera mis le defféfif de bolo, & par dessus le tout le cataplasme d'arnoglosse, ou plantain, pain syncomiste ou de mesnage, & poudre d'escorces de grenades acides cuittes en eau & vin, ou bien celuy des farines de febue, d'orge, & d'orobe cuittes en hydromel: puis le reste de la curation tant des vns que des autres soit conduit comme les vlcères communes, c'est à dire mundifiant, incarnant & consolidant.

Doncques il y a plusieurs especes de carboncles.

PROB. XXIII.

*L'arsenic & la theriaque, conuiennent-ils pour
topiques en la Peste?*

AFFIRMATION.



EST sans doute qu'il n'y a rien si salutaire tant pour la preservation & curation de la Peste, que l'usage exterieur de l'arsenic & de la theriaque, car l'arsenic estant veneneux a ceste propriete d'amuser le venin pestilent & d'empescher qu'il ne se glisse au cœur: aussi est-ce pourquoy Theodose Babptiste en la 2. de ses Epistres Medecinales a cõseillẽ à Athanase Medecin Florentin d'en porter sur la region du cœur, quelques recens tiennẽt qu'estant continuellement portẽ en cet endroiẽt il habitude tellement le cœur au venin que le mauvais air ne scauroit s'y nicher, tesmoin disent-ils est la vieille dõt parle Galie qui s'estant accoustumee à la ciguẽ, la fille nourrie du napellus & Mithridates aux contrepoisons ne sceurent mourir par ve-

nins. Non seulement l'arsenic est propre pour preseruer de la Peste, mais aussi pour la cure d'icelle, car comme dict de Cauliac au traicté 2. en la doct. 1. du chap. 2. pour amortir la venenosité de l'antrax l'arsenic est le principal sur tous les caustiques, d'autant qu'il faict plustost son escharre molle, moins douloureuse, & par consequent qui tombe plus promptemēt & fait paroistre plus soudain la chair visue au dessous. Quant à la theriaque, elle est si salutaire aux tumeurs & pustules, que Auenzoar en son Teyfir dict pour l'auoir approuué en soy-mesme qu'il n'y a rien à elle semblable en effect: aussi est cel'opinion de Galien au liure qu'il a faict des commoditez de la theriaque, disant que la theriaque estant applicquee sur les pustules veneneuses elle attire le venin vers soy comme faict la ventouse: & de faict nous voyons par experience qu'estant appliquee aux picqueures des visues, scorpions, & autres bestes venimeuses, que les grands accidents cessent, d'où vient que les bons praticiens en appliquee aux cataplasmes, non seulement des bubons & charbons, mais aussi és gangrenes.

Qui demonstre bien que l'arsenic & la theriaque conuiennent pour topiques en la Peste.

NEGATION.

Non seulement l'arsenic est poison pris par le dedás, mais aussi applicqué par le dehors: la raison en est tres belle, d'autát que dans Galien au 14. chap. du 5. des simples tout medicament septique est putrefactif, car par la vehemence de sa chaleur, il fond & liquefi la chair & les humeurs, apportant vne puanteur cadanereuse & gangreneuse au moyen de la consommation de la chaleur naturelle de la partie. Or selon Mathiole liu. 6. chap. 29. l'arsenic est septique, d'où vient qu'il resoult les esprits & humiditez radicales, bref par sa vertu formelle offence mortellement les parties nobles, & nommément le cœur, de quoy faiét foy l'histoire de Fernel au 19. liu. du 6. de sa Methode, qu'un petit d'arsenic applicqué sur vne mamelle carcinomateuse à vne dame, causa trois iours apres conuulsion, vomissement & syncope, dont incontinent suruint extreme refrigeration en toutes les extremitéz, avec

vne enfleure tant en la face que par tout le corps, dont en fin mourut le 6. iour. Le puis dire le semblable estre arrivé à la fille d'un mié amy Libraire, au moyé d'un qui se voulut méster contre mō aduis, de luy guarir vne scrophule qu'elle auoit au col, par l'arsenic qu'il disoit auoir préparé; mais outre telle preparation & symptomes susdits le visage tomba en gangrene & mourut incontinent avec strangulation. Que si on dict que cest vsage doit estre entendu de l'arsenic porté dedans vn sachet sur la regio du cœur, & non apliqué immédiatement dessus: A cela ie respondray que Argius voulant par l'aduis d'un sien amy empirique en porter vn, pour la preservation de la Peste, quelque temps apres sincopisoit, & tomboit en de grandes foiblesses, sans se douter que la cause prouint dudit arsenic, ce qui se cogneut apres la mort par la quantité des vlceres qui se trouuerent en la partie externe du cœur.

Quāt à la theriaque, elle n'est pas moins pernicieuse que l'arsenic, d'autant qu'estāt appliquee exterieurement elle chasse au dedans du corps le venin duquel nature se deschargeoit au dehors. Car comme

diët Arnault de Villeneuve la theriaque estant contraire au venin le faiët fuir aux parties nobles. C'est ce que confirme Jean de saint Amant, sur l'antidotaire de Nicolas, par l'experience d'un fromage coupé par le milieu, mettant sur l'incision du diët fromage de l'arsenic & auprès de la theriaque, on verra manifestemēt, diët-il, l'arsenic s'en fuir de deuant la theriaque, & icelle la suiure. De maniere qu'à *simili* mettant de la theriaque dessus la pustule veneneuse elle chasse le venin de dehors au dedans, qui selon Hippoc. en l'aph. 25. du 6. est tousiours prejudiciable à la santé. Parquoy l'arsenic ny la theriaque ne conuiennent pour topiques en la Peste.

CONCLUSION.

Bien que Plin au 18. cha. du trente quatriesme liu. de son histoire naturelle dise qu'il y a trois especes d'arsenic, à sçauoir, jaulne, rouge, & blanc; si est-ce que ie diray avec Dioscoride que l'arsenic est de deux fortes, à sçauoir arrenic & sublimé, l'arrenic ou orpimēt est un mineral naturel ou metallique retirant sur la couleur de

fin or, quide sa nature est tres caustique, principalement si on le recuit en vn creuset avec feu aspre tant que de jaulne qu'il estoit il deuient en couleur rouge.

Le sublimé appellé de quelques vns arsenic cristalin est artificiel, comme a dict Georgius Agricola (& non naturel ou s'engendrant de soy-mesme és minieres de l'orpiment ainsi qu'a estimé *Vannecio* en sa Pyrotechnie) d'autant qu'il se fait prenant le plus subtil de l'arsenic, le meslant avec vn peu de sel, broyant le tout ensemble, les mettant en vaisseaux propres à cet effect sur le feu: puis les faire cuire tant qu'ils se subliment en consistance pierreuse, & repeter cela tât de fois qu'ils acquierent couleur de cristal, d'où il a pris son nom. Or tel mineral soit naturel ou artificiel ne peut estre que dommageable au corps humain, soit pris ou applicqué, d'autât que comme dit Auerroes au 21. chap. du 5. colliget toutes les vertus, facultez & puissances des medicaments sont materielles & formelles. Or la matiere de l'arsenic est septique, chaude & pourrissante, & par sa forme il est venimeux, & deletaire: de maniere qu'en toutes façons qu'on

le voudra prendre il est tres pernicious. Aussi est-ce à bon droit que la faculté de Medecine l'a osté du rang des medicamēts, pour le colloquer en celuy des poisons.

Quant à la theriaque, non seulement elle est vtile prise par dedans, comme il a esté dit au Probleme 10. mais aussi appliquée par dehors, d'autant qu'estant apposée sur les tumeurs ou pustules se convertit en vapeur, qui se mixtionne en mélange parmy celle du venin, qui appaise sa virulence; & outre par sa chaleur elle est diaphoretique, qui faict sortir hors la peau ce qui pourroit estre enuoyé au cœur.

*Doncques l'arsenic est damnable & la seule
theriaque convient pour topique
en la Peste.*

PROB. XXIII.

*Le venin pestilent s'adresse-il premier au cœur,
qu'és autres parties nobles?*

AFFIRMATION.



L ne se doit mettre en doute, qu'en la peste le cœur ne soit le premier attaqué, entre toutes les parties nobles: D'autant que comme dict Aristote au liu. de la lōgitude & briefueté de vie. La vie de l'homme consiste en vne chaleur naturelle & douce, laquelle selon Galien sur le 14. aph. du 1. liu. a son domicile au cœur. Or la peste est vne fiebure ou chaleur formellemēt cōtraire à la chaleur naturelle, partāt la peste doit premieremēt attaquer le cœur. D'auātage nostre vie ne s'entretient que par la respiration, laquelle a esté faicte principalement pour le cœur: Mais la peste ne se prenant que par la respiration, celà ne demonstre-il pas que le cœur ne doit estre le premier offensé? Outre, ceux qui sont affligez de peste ont le poulx soudainement blessé. Or le poulx n'est-il pas l'action mesme du cœur? Finalement ceux qui sont vexez de peste, disent

tous que le cœur leur fait mal. Qui demontre bien que le venin pestilent s'adresse premier au cœur, qu'à pasvne des autres parties nobles.

NEGATION.

Il n'y a point d'apparence de dire qu'en la peste le cœur soit le premier offensé d'icelle, d'autant que la peste se prenant par l'inspiration, l'air pestilent frappe plustost le cerueau que le cœur, pour estre le cerueau plus proche de la bouche & du nez, que le cœur. D'avantage en ceste pernicieuse maladie on a tousiours la teste malade, soit par sommeil profond ou veilles continues, ce qui n'aduient sans lezion du cerueau, comme choses dependantes de son actiō: Outre c'est qu'à beaucoup ce mal leur a pris en esternuant: & finalement nous voyons que l'air qui est porté en bas en la poitrine, se loge entre les polmons en la capacité du thorax, comme il appert és playes penetrantes, sans lezion des parties contenuës en iceluy: soufflant de telle façon qu'il fait bruit, & bien souvent esteint vne chandelle allumee, & tant

s'en faut qu'il entre au cœur, que les artères d'iceluy ont leurs valvules sigmatoïdes pour empescher que rien n'entre dedans le cœur, qui faiët voir que le venin pestilent ne s'adresse premier au cœur.

CONCLUSION.

Pour accorder ce different, il faut remarquer, que comme nostre vie consiste en la presence de trois facultez procedantes de la forme essentielle de trois parties nobles, qui sont le foye, le cœur, & le cerveau: aussi y a-il trois choses qui leur sont premierement, particulierement, & formellement contraires. Comme la verolle au foye, la Peste au cœur, & la rage au cerveau. Lesquelles trois affections apres avoir vaincu la partie sur laquelle elle agit par antipathie, communique par apres sa lezion aux autres. Et combien qu'en la partie negative il s'oppose des raisons contraires: si est-ce que celà n'empesche que le cœur ne soit le premier assailly du venin pestilët. Car l'esternuëmët & la douleur de teste, ne sont que par accident, non plus que le sommeil & la veille, à cause du transf-

port des fumées du cœur au cerueau. Touchant l'air qui s'espanche entre les polmons & la capacité du thorax, il ne laisse d'aller au cœur, & ne sert de rien le dire des valulles ; d'autant que l'artere veineuse n'est si bien close, que l'air en l'inspiration ne passe par icelle pour aller au cœur, & en l'expiration n'en sortent les fuligines.

*Doncques le venin pestilent s'adresse premier
au cœur qu'aux autres parties nobles.*



P R O B. XXV.

Y a - il danger à vn corps mort de Peste?

A F F I R M A T I O N.



A où sont les causes presentes en puissance il ne faut nullement douter de la suite ou euenement des effectz disēt les Philosophes. Or en vn corps mort de la Peste, les causes d'icelle sont presentes, tesmoins que pour le faire mourir il a fallu que le venin aye agy, & le corps party en endurent la transmutation de sa nature corporelle, en la sienne veneneuse. De sorte qu'estant tout pestiferé, il ne peut qu'il ne soit contagieux, & qu'il ne donne la peste. D'auantage, c'est qu'une infinité ont pris ceste maladie aprochant d'un corps mort de la Peste, comme ont fait plusieurs bōs Chirurgiēs à l'ouuerture de tels corps: & de fait l'experience nous enseigne que le papier, les habillemens, le bois, & autres choses plus solides & exemptes de porositez, ont la force de cōtenir la semence pestilente: A combien plus forte

raison donques la peut contenir l'homme mort, qui en toute sa nature est pestiferé: partant il ne faut douter qu'il n'y ait danger à vn corps mort de la Peste.

NEGATION.

Bien que les causes soient presentes, & en puissance, si est-cé qu'il ne s'ensuit pas qu'elles produisent leurs effets, d'autant qu'il faut quelque chose qui aye la force & vertu de les remuer, & mettre en ouurage, tel que sôt en la Peste, les esprits & la chaleur naturelle alteree, qui sont ceux qui estâs contaminez attirent le reste du corps à leur semblable. Or vn corps mort est exempt d'esprits & de chaleur naturelle: d'auantage la Peste consiste en vne chaleur & humidité pourrissante: & le corps qui est mort est froid & sec, qui contrarie en toutes ces qualitez à celle des premieres; joint que l'on manie vne infinité de corps morts sans danger: & de fait le proverbe y est formel, que le corps estât mort aussi est le venin: qui demonstre bien n'y auoir danger à vn corps mort de Peste.

CONCLUSION.

En ceste controuerse faut noter qu'un corps mort de la Peste, est encores chaud, ou bien il est desia refroidy, à celuy qui est chaud il s'exalle encores au trauers des pores grande quantité de malignes vapeurs qui alterent l'air enuironnant le corps mort, qui faict que ceux qui sont autour inspirant vn tel air peuuent estre frappez de telle maladie à son occasion: mais à celuy qui est froid, les pores estans bouchez, ne s'esuapore plus rien, & par consequent l'air extérieur n'en n'estant alteré ne peut donner la contagion; toutesfois le corps n'est si bien fermé que par les conduits ordinaires il ne sorte tousiours quelque chose d'infect qui a assez de pouuoir de gaster ce qui est sain autour de luy. Quant à la raisõ alleguee des corps morts des animaux que les Grecs appellent *jöbola*, cela est bien vray que leur venin s'esuanouit quant & eux par la destruction & extinction de leur chaleur naturelle: mais il n'en va pas ainsi du corps de l'homme, où j'ose dire y auoir plus de danger apres sa mort que durant sa vie, d'autant que pen-

dant sa vie la chaleur naturelle rabbattoit
tant qu'à elle estoit possible ceste veneno-
sité, & estant mort, n'ayant plus de com-
petiteur, augmente par ce moyen sa
virulence & malignité.

*Doncques il y a danger à vn corps
mort de Peste.*



PROB. XXVI.

*Peut-on iuger au vray vn corps estre mort
de la Peste?*

AFFIRMATION.

LE corps qui est mort de la Peste a
tât de signes qu'il est impossible q̄
l'on ne le cognoisse entre les
corps morts d'autre maladie. Car si à vn
corps mort il se trouue pourpre, bubon en
quelqu'vne des emôctoires, ou charbō en
quelque partie que ce soit, il ne faut nul-
lemēt douter qu'vn tel corps ne soit mort
de la Peste. Outre il faut tirer consequen-
ce de la saison & des signes vniuersels qui
auront precedé: partant on peut asscure-
mēt iuger vn corps estre mort de la Peste.

NEGATION.

Il arriue souuent que la Peste est pro-
duitte par sympathie & trāsport d'vn lieu
infect en vn autre sain, qui faict que l'on
ne pourra tirer aucun signe de la saison

pestilente. Oultre nous voyons par experience que ceux qui meurent de ceste maladie ne se trouuent tachez de pourpre, bubons ny charbons, d'autant que tels jettons n'ont paru, ains au contraire sont demeurez au dedans du corps par l'imbecilité de la nature, de maniere que tels signes s'estans esuanouis, oste le vray iugement que l'on pourroit faire de la cause de sa mort: qui me faict dire qu'on ne peut asseurement iuger vn corps estre mort de la Peste.

CONCLUSION.

Cela est tres-vray que trouuât vn corps mort ayant pourpre, bubons, & charbons, tous ces signes seuls ou en particulier faict que l'on peut dire vn tel corps estre mort de la Peste: cela est vray aussi qu'en vn corps qui seroit mort de la Peste & la où on ne trouueroit tels signes, que cela semble estre d'vn tres difficile iugement, qui n'induit pourtant à conclure ce corps là n'estre mort de la Peste; & pour mieux s'en asseurer il faut arrouser le corps mort de vinaigre chaud, d'autant que comme a dict Textor sil est mort de Peste cela fera

fortir des exantheses, & au cas que cela ne soit, faut noter qu'il y a tousiours vn signe certain & vniuoque : Ce signe est, qu'après la mort lors que le corps est refroidy au lieu qu'aux autres corps les extremittez qui sont les bras & les jambes leurs demeurēt roides & avecques difficulté de les faire plier, au contraire ceux qui sont morts de la contagion ces parties là sont si molasses & flasches qu'elles ressemblent à drapeau mouillé. Ce qui aduient à cause de la venenosité qui a pourry les humeurs & parties solides, qui repugnēt à la cōdensatiō de la frigidité. Outre que s'il se trouue parmy les champs vn corps mort de plusieurs iours sans que les animaux l'ayēt interessé, c'est signe qu'il est mort de la Peste, comme disent Thucidides, & Titeliue liu. i. de la 5. decade.

Doncques on peut iuger vn corps estre mort de la Peste.

PROB.

P R O B. XXVII.

Peut-on nettoyer vne maison infectee de la Peste?

AFFIRMATION.

Ln'y a que tenir que le corps qui portoit la contagion y estant absent du logis il ne demeure net, principalement si les portes & fenestres ont esté longuement ouuertes, & nommément que l'on ait fait soigneusement du feu en icelle: car l'experience nous a enseigné, que les maisons qui ont esté ainsi éuentees apres en estre fortly beaucoup de corps de la contagion, ceux qui y font demeurant n'ont esté frappez d'icelle: partant on peut netoyer vne maison infectee de la contagion.

NEGATION.

Le dy qu'il est impossible de nettoyer vne maison infectee de contagion, d'autant que le venin en est si subtil qu'il se glisse & cache aux plus petites creuasses du logis, où s'estant vne fois logé, il se conferue d'vne telle façon, qu'il est suffisant apres vn long temps de donner ceste maladie: & de fait il s'en est veu apres dix,

quinze & vingtans & plus , au remuemēt des mefnages & papiers estre frappez d'vn tel air. Donques on ne peut nettoyer vne maison infectee de contagion.

CONCLUSION.

Cela est tres-vray que le venin se conserue vn tres long temps en certaines maisons: ce que ie croy prouenir de ce qu'elles ne sont pas nettoyees comme il faut, car il ne fuffit pas seulement l'éuenter par l'ouuerture des portes & fenestres, ny l'échauffer par quelque feu legier ; ains il en faut oster tous les meubles, brusler les nattes & passer par dessus la flamme les tableaux : puis faire rougir au feu plusieurs grais, & les poser aux coings des chambres & allees, les fenestres & portes estans closes, les arrouferez de decoction faicte avec du vin dedans lequel aura bouilly rosmarin, faulge, calament, lierre terrestre, & de la ruë, & sur la fin de l'ebulition adiouster vn tiers de vinaigre: cela estant faict deux ou trois matins & soirs, on aura vn réchaut dedans lequel on mettra de l'encens, du mastic, benjoin, & du souffre sur les cendres aucunement rouges de chaleur, & laisserez vser tel parfum. *Que*

si on fait blanchir le dedās des chambres de chaux vifue sera tres-bien fait, apres mettre le feu en vn demy quarteron de poudre à canon qui sera au milieu de la place, & auant que d'y aller demeurer, qui ne doit estre plustost de 30. ou 40. iours, ferez faire vn feu de charbon au milieu de la place, mettant sur vn tripié vne grande chaudiere à moitié pleine de lie de vin vermeil qu'on fera bouillir: puis avec de petites jaelles ou bourrees de genefure ou de ferments frottez de terebenthine, on fera par les quatre coings de la chābre vn feu clair & odorant, outre celà pourrez vser du parfum descrit au Problem. 10.

Doncques on peut nettoyer vne maison intereſſee de la Peste.

CONCLVSION DE CET OEVVRE.

VOYLA donc (amy Lecteur) comme i'ay ſatisfait au mieux qu'il m'a esté poſſible aux queſtions propoſees, non que ie preſume tant de moy que i'eſtime auoir rauy la maſſue hors les mains d'Hercules, ny appreſté ce mets à l'appetit d'vn chacun, d'autant que

ie suis trop flouet, & que ie me suis delecté
à l'affaifonner seulement au goust des tem-
perez. C'est pourquoy quelque depraue
en faueur pourra par aduanture trouuer
amere la meslange que i'ay faicte de quel-
ques auctoritez parmy ces discours; mais
iel'aduerti que ç'a esté pour redre les mar-
ges plus libres, & afin d'apostiler ce que
l'on trouuera bon tant es vnes qu'es au-
tres questions: Aussi pourra-il trouuer
estrange la description des receptes sans la
figure de leurs caracteres. Chose que i'ay
neant-moins faicte pour estre mieux en-
tendue d'un chacun: S'il y a quelque re-
mede que l'on croye estre de petite va-
leur, ie supplie chacun d'en differer le iu-
gement iusques à l'essay, l'assurant que
comme le petit poisson Remora a la force
d'arrester le nauire emporté par les vents
en leur plus grande roydeur, aussi l'un
d'iceux a la vigueur de dompter la violece
de ceste cruelle maladie, si tant est qu'il
soit pris en temps oportun & doze con-
uenable: Que si la methode que i'ay suy-
uie ne semble estre assez aysee au gré de
plusieurs, & qu'ils en veulent produire
vne autre plus facile, ils obligeront gran-

dement le public & masseure qu'alors,

Ils cognoistront qu'il y a difference

En reprenant & mettre en euidence.

Or il y en a eu cy deuant qui ont receu vn bon accueil pour auoir roulé ce mesme toneau, aussi m'assuray-je que les tranquilles d'esprit, au retour de ceste Cour royale & de ce tres-auguste Parlement daigneront favoriser ce petit liure pour estre vne fascine propice à remparer vn coin de ceste brèche, nommément en vn temps si calamiteux que cestuy-ci, à l'arriuee duquel il s'est remarqué tant de desordre que chacun ne scauoit ce qu'il deuoit faire ny de quel costé tourner: & de fait on scait comme le pauvre peuple Parisien en s'enfuyant estoit repoussé, & en le refugee estoit dejeté. Et celuy qui seroit demeure en la ville auroit esté beaucoup plus vexé, d'autant que le mary a abandonné sa femme, la mere delaisé son enfant, & l'amant quitté son amante, mourant sans viatique, expirant sans consolation & n'occupant leurs mouuemens paternels, qui est vn effect de la malediction diuine, laquelle trouue les plus cachez, naure les mieux armez, & fait mourir les

plus sains & robustes, tant les sagettes de cet irrité Phebus ont esté dardees drues sur ces pauures habitans, qui restans sains estoient malades, & vifs se voyoient demy morts, & pour aggrauer leurs malheurs dauantage se sont veus faire faillette par leurs parens, amis & voisins, de l'amitié de si long temps entr'eux contractee. N'est-ce pas pour apprendre de là deux belles leçons? l'vne que par vne telle dissolution, comme dict le Sage, les hommes ne sont amis seulement que de la felicité: & l'autre que iouissant d'vne longue santé il faut faire prouision d'vne sainte resolution pour avec vne ferme constance, en affliction resister au temps aux amis & aux aduersaires: puis que naturellement nous sommes le jouet de la fortune, le repaire de calamitez, & l'object de la mort. D'où vient que Philippes Roy de Macedoyne auoit commandé à vn sien page de luy dire par chacun matin qu'il estoit homme: afin que par vne telle enonciation le reste du iour il se remist deuant les yeux sa condition humaine: finalement ce qui a encores d'auantage greué ces pauures affligez, a esté de ne sca-

voit le moyen de se bien faire en vne telle maladie, à quoy on obuiera (si tant est que ce grand Dieu continuë à décocher son ire sur nous) ayant en main ce petit liuret qui conduira en seureté ceux qui s'en voudront ayder, ne plus ne moins qu'un bon pilote fait sa barque au milieu de quelque eau orageuse. Les Poëtes ont feint que les dieux ne s'entremettoient d'autre chose sinon de ce à quoy Iuppiter les auoit destinez, & moy donc (ie vous prie) pouuois- ie mieux boire mes larmes & aualler mes sanglots qu'à m'estudier à faire quelque chose en l'art auquel ce diuin Iuppiter m'a destiné (voyant de mes conceitoyës la societé humaine rompue, l'esperance abbatue, & la charité morte) en m'employant principalement à combattre la cause qui couroit à bride abbatue à la desolation de cette nonpareille cité, (de laquelle cause ce grand Dieu a detenu les resnes de sa desertion & empesché que l'herbe n'aye tapisé la surface de son paué, comme autrefois je l'ay veü) & pourra faire si ce n'est que nostre amendement merite sa misericorde. Car il semble que l'Hyuer se prepare à la fomentier

& le Brintemps se dispose à la faire bouter
 jonner, où peut estre alors seront mouil-
 lez ceux qui n'ont esté qu'artoufez en ce
 temps-cy. Parquoy (amy Lecteur) il y a grand
 apparence qu'il se faut tenir sur les gardes
 & pratiquer les maximes cy deuant de-
 duites, t'assurant que si ie n'eusse crain-
 t la prolixité, & que ie n'eusse esté diuerty
 à résoudre certaines questions forgees par
 quelques malicieux esprits qui pensoient
 bastir leur fortune en s'appant mon bon
 heur, ie leur eusse bien fait voir d'autre
 relief & esclat d'autre lustre par yn brillant
 de plus vifues raisons. Toutefois telles
 qu'elles sont ie te supplie de les recevoir
 & si tant est que tu en tire quelque con-
 tement & profit de ne m'en rendre
 le remerciement, ains à l'auteur de tou-
 tes choses, auquel en appartient la loian-
 ge, gloire & honneur. **ADIEU**

ET
MENTE MANV



ADRESSE POVR TROUVER
PLVS PROMPTEMENT LES MATIERES
principales contenues en ce present liure.

Le chiffre monstre la page.

A bus tres grand en temps contagieux, & de quoy. 62	Air corrompu que fait. 11
Actions des pestiferez de quoy seruent à considerer au Chirurgien. 42	Air de qui est moyen. 24
Actions animales & vitales en quoy consistent. 43	Aliment & medicament en quoy different. 82
Actions animales, sensitiues vniuerselles, quelles sont. 43	Alexiraires de la peste quels. 131
Actions naturelles en quoy consistent. 44	Amie de qui reçoit remede. 101
Aeolus de qui est guide. 14	Amorce de la peste quelle. 187
Aece ce qu'il prise en peste. 77	Analogisme que est-ce, & où a lieu. 114
Air moitte que fait. 12	Animaux de quoy seruent en la peste. 115
Air en combien de facons est alteré. 11	Animaux pourquoy appliquez vis. 163
Air comment cause la peste. 16	Antiens en quoy ont esté trompez en la peste. 18
Air pestilér où se cache. 195	Appareils du Chirurgien quand doivent estre prests, & leuez de dessus le mal où doivent estre mis. 103
	Apoplexie d'où vient ordi-

T A B L E

nairement.	58	Bosse qu'est-ce.	155
Aposteme qu'est-ce.	155	Bosse petite d'où vient.	156
A quelle espece d'animaux commença la peste deuât Troye la grande.	22	Bouës quand doiuent estre nettoyees.	64
A qui faut s'adresser pour preuenir la peste.	59	Bouillon de quoy doit e- stre fait.	66
Arsenic poison, pris ou ap- pliqué.	177	Bouteilles d'eau bouillante de quoy seruent.	99
Arsenic comment offense les parties nobles.	177	Breuuage à prendre quand on est frappé de la peste.	135
Arsenic appliqué sur vne mânelle carcinomateu- se.	177	Breuuges alexitaires.	116
Arsenic combien d'especes selon Pline & Dioscori- de.	179	Bubon que signifie.	157
Arsenic ou orpiment qu'est ce.	179	Bubon en combien de fa- çons est pris.	156
Armes du Chirurgien con- tre la peste quelles.	97. 102	Bubon, sa situation.	158
Archer pestilent à quoy vi- se.	60	Bubon combien de sortes.	160
Artifice qu'est-ce.	17	Bubon pestilent quand est salutaire.	161
Attractifs, quand sont à eui- ter.	164	Bubons pestilents pour- quoy d'ord-naite se pla- cent au dessous des emon- ctoires.	158
Auicenne pourquoy veut que le feu soit odorât.	78	Bubons veneriens & pesti- lents en quoy different pour la situation.	158
Automne suspect pour les malades de peste, & pour- quoy.	43	Bubons, ce qui leur cōuient faire apres la virulence abbatuë.	160
B		Bubon eu combien de fa- çons se peut ouuir artifi- ciellement.	162
Bains quand sont profi- tables, & à qui, & quand doiuent estre pris.	84	Bubons symptomatiques qu'est-ce, combien y en a il, & ce qui leur con- uient faire.	162
Ballet du Ciel qu'est-ce.	36	Bubons rentrez au dedans	
Bois pourquoy plustost em- brasé.	25		

DES MATIERES,

- que signifient. 164
 Bubons que c'est selon Hippocrate & Galien. 155
- C**
 Arcuarian qu'est ce. 78
 Carboncles en quoy different entr'eux. 168
 Carboncles en quoy different selon leur cause. 168
 Carboncles differents selon le temps. 168
 Carboncles differents en nombre. 170
 Carboncles differents selon leur lieu. 170
 Carboncles les plus dangereux. 170
 Carboncle de quelle matiere est fait. 152
 Carboncles rentrans au dedans que signifie. 171
 Carboncles comment doivent estre pansez. 171
 Cataplasme de quoy & comment se doit faire. 120
 Cataplasme quel pour appliquer sur la peste. 162
 Cataplasme attractif. 163
 Cataplasme anodin. 164
 Causes diuerses que peuvent produire. 8
 Cause en puissance qui empesche ses effects. 187
 Causes occultes combien produisent d'effects. 113
 Cause de carboncle. 167
 Caustere actuel quand est vtile. 165
 Ce qu'il faut faire quand on est frappé de la peste. 133
 Ce qu'il faut faire en peste apres le premier breuage. 136
 Ce qu'il couient faire apres la sueur. 128
 Ce qu'il faut faire pour nettoyer vne maison pestiferee. 196
 Ceux qui resistent dauantage à la cõtation quels. 25
 Chairs quelle il faut euiten en peste. 67
 Chappellet son estoffe & vsage. 69
 Charité inextinguible. 106
 Chair de vipere de quoy sert en la peste. 124
 Charlatans comment trompent le vulgaire en la theriaque. 125
 Chats subiets à la peste. 22
 Chemise quand ne doit estre mise. 59
 Chirurgien quand est rendu admirable. 39
 Chirurgien qui luy cause blasme. 40
 Chirurgien pourquoy ne doit aller secretement à la contagion. 65
 Chirurgies pourquoy doivent changer de scruteurs. 65
 Chirurgien pourquoy est recherché. 90

TABLE

Chirurgien d'où depend son assurance en traictar les pestiferez.	91	Contagion des bestes comme se communique aux hommes.	23
Chirurgie en combien de facons est prise.	93	Concombre de quoy seruet en temps contagieux.	57
Chirurgien où paroist le premier.	93	Conserues cordiales.	116
Chirurgien quelles considerations doit auoir au pansement des pestiferez.	96	Corps des maistres Barbiers Chirurgiens de Paris ceil de tous les Chirurgiens de la France.	108
Chirurgien à qui preste il le serment.	97	Corps pourquoy foibles en Esté.	48
Chirurgien de la Santé de qui se doit-il associer, & pourquoy.	97	Courage comment se cognoist abbatu en la peste.	132
Chirurgien de la Santé comment doit il preparer son corps auant que d'aller à la contagion.	98	Crainte que faict.	6
Chirurgiens combien de sorte.	107	Cure preseruatiue particuliere de la peste en quoy consiste.	60
Chirurgiens de la Santé respectez, & pourquoy.	104	D	
Chirurgie rationale par qui suiuit.	111	Dames Romaines combien & pourquoy executees.	18
Chryses comment causa la peste au camp d'Agamemnon.	17	Dames de l'Hostel-Dieu à quoy propres.	62
Citron comment doit estre garny, & de quoy.	67	Decoction quelle il faut prendre auant que d'aller à la contagion.	99
Cocquin pourquoy lapidé en Athenes.	17	Demons n'ont pouoir sur la peste.	18
Composition de l'homme quelle.	101	Difference de peste quelle.	89
Contagion qu'est-ce.	23	Dormir quand ne doit estre permis.	57
Contagion combien a de suppoits.	24	Drogues cordiales quelles.	67
		Dragoir de quoy sert.	70

Eaux naturelles quand
sont requises. 56
Eaux artificielles en peste
quelles. 66
Eaux cardiaques refrigera-
tives & calefactives. 125
Emplastre propre à tirer la
peste. 163
Embrocations où se doiuent
principalement appliquer
120
Enfans pourquoy plus sub-
iects à la peste. 27
En quelle partie faut saigner
en la peste. 144
Equivoque qu'est-ce. 4
Essence de la peste en quoy
consiste. 3
Esté sec pourquoy mauvais
pour la peste. 51
Espoë artificielle de quoy
sert. 66
Esprits quel usage en l'hom-
me. 165
Etymologie de la peste se-
lon les Hebreux, Grecs,
Latins, & François. 2
Excremens des pestiferez
de quoy seruent à consi-
derer au Chirurgien. 45
Excremens des malades à
suir. 102
Exercice pourquoy vtil. 58
Experience de Ville-neufue
& saint Amant touchant
la theriaque & l'arsenic. 68

Facilité de prendre des
purgatifs. 148
Faculté de Medecine ce
qu'elle concede. 181
Feu se soit par les ruës pour-
quoy. 55
Feu quel est son effect. 56
Fomes de la peste que est-
il. 20

Forces comment sont re-
stables. 145
Forme des carboncles quel-
le. 168
Frictions quand sont con-
uenables. 59
Fruitages dangereux, &
pourquoy. 48. 57
Fruicts alexitaires quels. 115

G

Gardes que doiuent fai-
re avant que le Chi-
rurgien aborde les ma-
lades. 103
Gaigne-petits de quoy se
doiuent abstenir. 62
Gelee à quoy propre. 66
Gendarmerie cōment pre-
serue de la peste. 87
Golphe des Seraines où ser-
tué. 4
Guide du Chirurgien en la
cure des maladies quel-
110

H

Habit quel doit porter
le Chirurgien de la
Santé. 101

T A B L E

Herbes gardees tres-nuisibles.	57	Letanies & processions par qui faictes.	62
Hermates que faisoient en temps contagieux.	76	Lieux plus infects de Paris.	55
Histoire d'un iugé à la peste par un bubon, & un autre par un vomissement.	33	Linge des pestiferez en quel lieu se doit blanchir.	64
Histoire d'un enragé iugé pestiferé.	35	Liqueurs qu'ad sont mieux reseruees en leur vase.	86
Hippocrates comment preuint la peste d'Athenes.	56	Liqueurs alexitaires quelles	115
Homme en quoy differe des brutes.	22	M	
Homonimie qu'est-ce.	4	M Arc Curse comme fait chasser la peste.	15
Hommes pleins pourquoy tombent aisément en maladie.	87	M agistrats comment peuvent empescher la peste.	54. de quoy se doiuent asseurer en temps contagieux.
Hydrophobie qu'est-ce, & que signifie.	35	55. que doiuent euitter en temps contagieux.	61. comment peuvent soigner à eux mesmes en temps contagieux.
Hygenie qu'est-ce.	94	62. comment doiuent recevoir les placets des officiers de la Santé.	66. à quel corps doiuent prevoir.
Hysteriques pourquoy fuyent les bonnes odeurs.	78	109	
I		M aison pestiferee qu'ad on y peut aller demeurer.	195
I gnorance de qui est guide.	111	M alades de quels Chirurgiens sont moins secourus.	109
Incredulité quels effects produit.	34	M aladies du Printemps d'où prouiennent.	51
Indication en quelle maladie a lieu.	113	M edicament pourquoy a il esté principalement fait.	80
Iulep cordial.	134		
Iulep alexitaire.	116		
Iustice à qui a recours pour le pansement des pestiferez.	90		
L			
L ament vniuersel pourquoy.	110		
Lectisterné qu'est-ce.	61		

DES MATIERES.

Medicamens que doit vser le Chirurgien quels.	98	Oppiatte de l'Authcur.	72
Medicamens cōposez com- bien de sortes.	116	Oppiatte d'œuf comment le fait.	122
Melancolie & ses effects.	117	Opinion de Matheole tou- chant l'arsenic.	177
Mercure cōment doit estre préparé.	107	Ouverture des corps pesti- feres en quel temps plus dangereuse.	186
Metaux quels seruent en la peste.	115	P	
Mineraux quels seruent en la peste.	115	P ain de froment & me- teil à qui conuenable.	57
Mort n'a iamais de relasche.	96	Paralytique par quoy guari.	103
96. compagne de toute creature.	96	Parties du iour à quoy ap- propries.	50
Munition pour se secourir en la peste.	131	Parfum excellent.	63
Microcosme qu'est-ce.	101.	Passions d'esprit quand doi- uent estre cuites.	60
N		Pathologie qu'est-ce.	94
N ature quels sont ses effects.	81	Peau qu'est-ce.	49
Nature quand fait son ef- fort en la contagion.	145	Peste qu'est-ce. 112. selon le commun accord des Autheurs 2. combien de sorte. 142. en quoy con- siste. 187. en combien de façons est prise. 4. celle des pourceaux à qui cō- muniquee. 2. 1. pourquoy ne peut estre definie. 5. simple & composee. 9. venant des elemens. 14. en quoy differe des au- tres maladies. 2. diuine pourquoy. 13. de qui est la ruine. 49. n'est artifi- cielle & pourquoy. 19	112.
Netteté en quoy consiste.	63	Peste cruelle quelle.	10
Nom ne peut estre compris sous aucune des catego- ries.	3		
Nourriture quelle est la pl ⁹ dangereuse en temps cō- tagieux.	30		
O			
O deurs bonnes à qui sont conuenables.	77		
Odeurs mauuaises commēt confortent le cœur.	74		
Oppiatte singuliere.	67		

T A B L E D E S M A T I E R E S.

Peste quand fut excessiue à
Paris, 9
Peste ville d'Italie. 4
Pillules alexitales. 117
Pillules mercuriales. 117
Poisson quel est le plus sin-
gulier en la contagion. 57
Pomme de senteur, son vsa-
ge. 68
Pores que c'est. 49
Prediction necessaire en la
peste. 46
Printemps, la repetition. 51

Qualité du corps hu-
main en quoy con-
siste. 41

Qualité des saisons. 47. 48

Racines alexitales. 115
Remedes simples en la
peste combien de sortes.
115

Remedes composez quels.
116

Remede rustic & empiri-
que contre la peste. 126

Remora poisson & son vsa-
ge. 198

Rois & Princes non subiets
à la peste. 27

Ruse medicinale merueil-
leuse en la peste. 124

Saisons desreiglees que
font. 50

Stel del'homme quel. 88

Seigneur en quel temps de la

peste doit estre faicte. 143
Siege du pourpre, du bubo
& charbon. 152
Semence alexitair. 115
Septique qu'est-ce. 177
Signe de la peste amortie.
119
Sourane du Chirurgien de
la Sanité de quelle estoffe
doit estre. 102
Suppositoire. 118
Synthese qu'est-ce. 92

Tablettes cordiales. 117
Tablettes purgatiues.
148

Theriacque quelle est sa ver-
tu. 123. quel est son gui-
de. 125. comment doit
elle estre esprouue. 125.
en quelle dose doit elle
estre baillee. 126

Troisques comment se doi-
uent faire, & de quelle
matiere. 146

Turcs plus que qui charita-
bles. 106

Vacuité de corps à qui
dangereuse. 86

Valuules & leur vsage. 184

Veille excessiue que nous
cause. 58

Venin comment se cognoit
estre dompté. 130

Viure indiscret qu'engen-
dre-il. 12

F I N.